

Oybyu Ayuk Di'ibu Fwank Jyaay

Diosu 'yU'unk jyumbity ja'ay

1 ¹Ko di'ibáty tsyondaky, taa natyñu ja'a di'ibu yajtijp Ayuk. Es yu Ayuk yu'u nandu'unu Dios, es mudumu naty ja Dios Teety. ²Yu'u naty 'yity jawyiin mudu Dios. ³Ja Ayuk ja'a muut Dios dyajkojy tugekyu di'ibu jaa'ajtp. Tugekyu di'ibu yajkoj, kyaj oj ti kyojy pun kyaj ja'a muut. ⁴Ja'a di'ibu yajtijp Ayuk, ja'a yajk ja jiky'ajtun nidugekyu di'ibu jiky'ajttup, es yu'u du'un ja jajun di'ibu ñu'umooy tyu'umooy nidugekyu ja'ayaty ya naxwiiñ. ⁵Esu tadu jajun, yu'u dun jajp ma kyoodsuty, es kyaj yu koots'at mbaat dyajtugóyu tadu jajun.

⁶Dios tkejxy tu'ugu ja'ay, Fwank'ajtp. ⁷Ja'a oj myiñ es tnikajxpátut di'ibu ijtp éxtum ja jajun, esu du'un nidugekyu ja ja'ayaty myubúkadut. ⁸Ja Fwank, kyaj yu'ujuty ja jajun, je'eyu yu'u tnikajxpétyu tadu jajun. ⁹Ja jajun táy'ajtunbu di'ibu kyujajpy kyute'xypy nidugekyu ja ja'ay, ja'a miin ya naxwiiñ.

¹⁰Ijtpu naty ja ya naxwiiñ. Oyu natyu Dios ja'a muut tu tjayajkojy ja naxwíñudu, kyaj 'yuxkajpudu ja ja'ayaty. ¹¹Ja'a oj tjanimíñ di'ibu jya'a'ajtypy, es kyaj oj kyupákudu. ¹²Per nidugekyu di'ibuty kupajkadu es myubúkadu, dyajnigutujku es yu'ujuty 'yu'unk'átudut ja Dios. ¹³Yu'ujuty kyaj Dios 'yu'unk'átyaty mut ko ja'ay yajmiin yajjajtudu, es ni mut ko du'unu ja'ay ttseky, Dios axájudup mut ko ku'umu du'un ttseky.

¹⁴Di'ibu yajtijp Ayuk, ja'a jumbijp ja'ay es jyiky'ajty ma uudsuty. Es uudsuty tuts n'ixtu ja myuj'ajtun, ja kyuum muj'ajtun di'ibu tu'ugu Dios 'yU'unk'ajtypy, es tmudaty ak tim táy'ajtun es ak tim kunu'xun. ¹⁵Es ja Fwank ñikajxpejtypy éxtumu tyeestiigu es jyanañ:

—Tyaadu du'un di'ibuts n'andijpy kots njunáñ ko di'ibu miimp óknun es jawyiin uj, yu'u du'un jawyiin, ja'a ko taayumu naty jékyup kots uj nmiñ.

¹⁶Tu Jesukristu xykyunu'xum kanak nipat. ¹⁷Myooy ja Dios ja Moisesu 'yana'amun, per ja tsojkan es ja táy'ajtun yajmiin ja Jesukristu. ¹⁸Ni na'anum pún tka'ixy ja Dios Teety, per yu Diosu 'yU'unk di'ibu jam mut ti'igyu 'yity ja Dios Teety, yu'ujuty tu xytyuk'ijx xytyuknija'am wi'ixu dun ja Dios Teety.

Fwank Yajnu'ajtpu tñigajxy ja Jesús

¹⁹Yu Jerusalén israelítuty tkajxtu ja teedyaty esu levitu ja'ayaty di'ibu myuduundup ja teety, es dyajtwá'andu ja Fwank:

—¿Mbúnu dún mij?

²⁰Fwank 'yadsooja táy'ajtún:

—Uj kyajts nGrístuty di'ibu Dios wyandak tkajxa'añ.

²¹Ta yajtuujumbijtudu jatugok:

—¿Mbúnxu dún mij? ¿Tii mijtsu dá'un ja Diosu kyugajxpu Eliiisu?

Ta Fwank 'yadsooy:

—Kyajts uj n'Eliiisuty.

Ta yajtuujumbijtkójubu:

—Pes, ¿tii mijtsu dá'un ja Diosu kyugajxpu di'ibu minaambu?

Ta 'yadsooy:

—Kyaj.

²²Ta yajtuujumbijtudu jatugok:

—Pes, ¿mbúnu dún mij? Uj nmúnajxándupts ja táy'ajtún ma ja di'ibuts ta xykyaxtu. Paaty, ¿ti ayúkuts xymyeepy esuts nmúnajxut?

²³Ta 'yadsooy ja Fwank:

—Ujtsu dún miimp kugajxy muj ittum es n'anuumudats miidsuty: “Yajtáwdu ja tu'u ma myina'añ ja Windsún” —dá'un éxtum jyuna'añ ja Diosu kyugajxpu Isaiiu.

²⁴Es nandú'un myiindu di'ibu fariseeu ja'ayuty kyajxtu. ²⁵Net yajtuujudu ja Fwank:

—¿Ti ko myajnubéty pún kyaj mij mGrístuty, o m'Eliiisuty, o tadu Diosu kyugajxpu?

²⁶Es ja Fwank 'yadsooy:

—Uj yajnubajrputs mut ja nuu, per ma miidsuty ta tu'uk di'ibu miidsuty kyaj xy'ixy'attu, ²⁷es yu'u miimp óknúm. Es kyajts uj xyñitaku, ni je'eyu yu kyu'uk nga'agájudut éxtumxyupts uj n'ityuts tyuumbun.

²⁸Tyaadu tyuun jyajtu ma ja naxwíndu di'ibu xyu'ajtypy Betañu, Jordán mujnuu awiñ, ma ja Fwank dyajnubéty ja ja'ayuty.

Jesús, ja Diosu wyindsu'kun

²⁹Jakumbom ja Fwank t'ijxy ja Jesús ko myuwingóñuty. Ta jyunañ:

—¡Ixtu! Tyaadu dá'un ja Diosu Byorreegu'unk di'ibu wu'amp éxtumu windsu'kun es yajpojpunitugóyut ya naxwiñ. ³⁰Tyaadudsu dún nmadyak kots njunañ: “Oknum myiñ ma uj tu'ugu yedyujk di'ibu dá'un jawyiin kudiinum uj, ja'a ko taayumu natyñu jékyup kots uj nmiñ.” ³¹Kyajts uj ku'um nnija'aju púnu dún yu'u. Per nmíñuts uj es nyajnubétyuts mut ja nuu, es t'uxkáptut yu israelitu ja'ayuty.

³²Fwank nandú'un jyunañ:

—Uj nan tuts n'ixy tsajwínm kyuda'aky yu Espiritu Santu dá'un éxtum tu'ugu paku'unk, es kyuxke'eky ma ja Jesús. ³³Uj kyajnumdsu naty nandú'un nnijawu pún'u. Per kodsu Dios xykyejxy nyajnubátut mut ja nuu, ja'ats xy'anmaay: “Ko yu Espiritu Santu xy'ixut jyunaky es kya'at ma ja yedyujk, yu'u dá'un di'ibu yajnubátup mut ja Espiritu Santu.” ³⁴Tadsu net n'ixy, es ujtsu dá'un nnikajxpejtypy ko yu'adyu Diosu 'yu'unk.

Jesusu 'yuxpajkpu jawyiimbu

³⁵Jakumbom tapu naty jatugok ja Fwank mut nimajtsk di'ibu panujxudup. ³⁶Ko Fwank t'ijxnajxy ja Jesús, ta jyunañ:

—¡Ok'ixtu! Tyaa du'un ja Diosu Byorreegu'unk.

³⁷Ja nimajtskpu Fwangu 'yuxpajkpu tmudoodu ko du'un jyunán. Ta tranujxtu ja Jesús.

³⁸Es net ja Jesús ñajyu'ijxu. Ta t'ijxy ko pyanujxudu. Ta t'anmaay:

—¿Ti dan m'uxta'aydu?

Es ja'ajaty 'yadsoodu:

—Ya'uxpajkpu, ¿ma mij mdsuunu?

³⁹Esu Jesús 'yadsoojambijtudu:

—Min xy'ixtu.

Ta oj ñajxtu ma dan tsuunu. Es jam oj kyudsu'ujunudu, ja'a ko ma taxk yaxpnu naty.

⁴⁰Es nidu'uk di'ibu Fwank panujxudu, ta oj tpanejxy ja Jesús, ja'a yu Andrés, myuga'axu Simonk Peedru. ⁴¹Kyajnumu naty ti tyuñ jyátyuty es ja Andrés oj t'uxta'ay ja myuga'ax Simonk. Ta t'anmaay:

—Tu net nbátum ja Kristu di'ibu Dios wyin'ijx.

⁴²Ta ja Andrés oj tmanejxy ja myuga'ax Simonk ma naty ja Jesús. Es ko ja Jesús t'ijxy, ta 'yanmaay:

—Mijtsu du'un Simonk, Jonasu 'yu'unk. Es mij mxu'átup Sefus (di'ibu yaj'andijp Peedru).^a

Jesús dyaxu ja Felipu esu Natanael

⁴³Jakumbom ja Jesús tsoonán ñajxa'añ Galileeu. Net tpaty ja Felipu es t'anmaay:

—Pamiinguts.

⁴⁴Yu Felipu, Betsaydu kyugajpnaty, ma nandu'un 'yittu Andrés esu Peedru. ⁴⁵Ta ja Felipu tso'oñ, oj t'uxta'ay yu Natanael. Ta t'anmaay:

—Tuts n'ixtu ja yedyujk di'ibu Moisés es di'ibu Diosu kyugajxpty jyaaydu ma ja Diosu jyaaybyajtun. Yu'u Jesús, 'yu'ungu Josee, di'ibu kugajpn Nazaret.

⁴⁶Net ja Natanael jyunán:

—¿Tii wa'an da mbaat pyudsemy Nazaret di'ibu oy?

Felipu 'yadsooj:

—Min xy'ixy.

⁴⁷Ko Jesús t'ijxy mywingónaty yu Natanael, ta jyunán:

—Tyaa tu'uk myiñ ja israelitu ja'ay di'ibu kyaj 'yanda'aky.

⁴⁸Net ja Natanael yajtuuj:

—¿Wi'ixuts mij xy'ix'aty?

Jesús 'yadsooj:

—Uj mij n'ixy'ajtyuts kyajnumu natyu Felipu mwóyuty ko naty m'u'uñ iigu patku'uy.

⁴⁹Net 'yadsooy ja Natanael:

—Ya'uxpajkpu, ¿mijtsu du'un Dios m'U'unk'ajtup, mijtsu du'un ja israelítudyu ryey!

⁵⁰Jesús 'yadsooj:

—¿Xymyubujkputs uj mij ja'a ko tu n'anuumu kots mij n'ijxy iigu patku'uy? Pes tyam xy'ixut di'ibuty ni'igu muj.

a 1:42 Peedru yu'u griegu kyajxy di'ibu yajpudsuum p tsaa.

⁵¹Nandu'un jyúnáñ ja Jesús:

—Jantsy tuy'ajtnúts miits n'anuumádu ko m'ixtup awa'ats ja tsajp es xy'ixtut ja Diosu 'yanklus pyat jyúnáktut má uj, ja Naxwíñádu Já'ayadyu Kyudnaabyu.

Pujk ukun jap Kanaa

2 ¹Kyumduguk xuu tu'uk ja pujk ukun 'yity jam Kanaa, ñaxwíñádu Galilee. Tamá naty nandu'un yu Jesusu tyaak. ²Es ja Jesús mut ja 'yuxpujkrpty oj ñujxtu má ja já'ay pyekey ko yajwoodu. ³Ko oj ja vinu kyexy, ta ja Jesusu tyaak 'yanmaayu:

—Kyajnap ja vinu.

⁴Ta ja Jesús t'adsooy ja tyaak:

—Nanitu'un, ¿ti kots dá'un xy'anuumu? Kyajnumts uj xy'napaaty.

⁵Net ja Mariu t'anmaadyu ja di'ibu naty jam winguudyu:

—Kuyduudu tugekyu di'ibu mduk'ana'amap.

⁶Tamá naty tudujku nuudujk di'ibu ak tim tsaa, di'ibu israelítaty yajtuundap ko ñayyajwa'adsádu. Es tu'uk tu'ugu nuudujk mugo'px litran tyaku nuu. ⁷Jesús t'anmaadyu ja wingiibyuty:

—Ya'utstu mudu nuu tyadu nuudujk.

Ta dya'ujtstu. ⁸Net ja Jesús t'anmaadyu:

—Jaaptu net waanu es munujxtu má xuduumbu.

Es dá'un ttuundu. ⁹Es ja xuduumbu t'ukmajtsy ja nuu di'ibu naty tu jyumbity vinu. Ni tkanijawu má myiñ, ja'ayu ja wingiibyuty ñija'adap má tsooñ, ja'a ko yu'adyu naty tu tjuuttu ja nuu. Ta ja xuduumbu tmaj'yáxu ja pujkra yedyujk. ¹⁰Ta t'anmaayu:

—Jawyiin t'uuktu nidugekyu ja vinu waanu oybyu, es ko ja jabye'xyuty tu t'úknádu naty, nétnam yajmoodyu ja vinu di'ibu kyaj nugoo 'yóyuty. Es mij jambit xytyuñ. Oknam xyaky ja vinu waanu oybyu di'ibu naty mya'ijtypu pujke'eky.

¹¹Yu i'xwu'amun di'ibu myudajtypu ja muj'ajtn di'ibu Jesús tyuun jap Kanaa, Galilee ñaaxóty, ja'a yu'u ja jawyiimbu i'xwu'amun di'ibu myudajtypu ja muj'ajtn di'ibu Jesús tyuun. Esu dá'un dya'ijxu ja myuj'ajtn es ja 'yuxpujkrpty myubajkudu.

¹²Ko tyadu xuu ñajxy, net ja Jesús jyujptáknu Kafarnaúm mut ja tyaak esu myuga'axuty esu 'yuxpujkrpty. Jap 'yijttu majtsk tugak xuu.

Jesús dyajpúdsémy di'ibu juuy to'ktup má ja muj tsajptujk

¹³Es kom wingoombu naty ja israelitu pyasku xuu, ta Jesús pyatujku Jerusalén.

¹⁴Jap muj tsajptujk ñabotsoty tpaty di'ibu tye'kypy éxtumu windsu'kun: tsajkaa, borreegu esu pak, es jap di'ibáty wyin'uñaadyu ja tyeeky di'ibu já'ayadyu myeeñ wyinguoonádu es dá'un tniplik tnitundu. ¹⁵Ko tyadu Jesús t'ijxy, ta tu'ugu wyojpn dya'o'oyu ak tim po'o. Net twojppúdsuumdaadyu di'ibátyu naty jap tye'kypy ja borreegu esu tsajkaa. Es tnaswájudu ja myeeñ di'ibu wyinguoonádu ja meeñ es dyajjumbijty ja myeesu. ¹⁶Es ja di'ibu tye'kypy ja pak t'anmaayu:

—¡Yajpúdsámdu tyaadu ja yaa! ¡Kátúdsu nDeedyu tyujk xyajwa'áñ maadyujk!

¹⁷Net ja 'yuxpukpɔty tjamyajtstɔ ja Diosu jyaabyajtɔn ma jyuɔna'añ: "Ndsojk'e'kypɔyɔts ja mdɔjk."

¹⁸Net myiindu ja israelitɔ wyindsɔnɔty es yajtuujɔdu:

—¿Ti ijxwɔ'umɔn di'ibu myɔdajtypy ja mɔj'ajɔn mij xytyuk'ijxtɔp ko mij xymyɔdaty ja kutujkɔn es dɔ'un xytyúnɔt yɔ tyɔɔdu?

¹⁹Esɔ Jesús 'yadsooja:

—Jitɔ tyɔdu mɔj tsajptɔjk, es tɔgɔk xɔɔts ngóɔdɔts jatɔgɔk.

²⁰Ta ja israelitɔty 'yanmaɔyɔdu:

—Justyikxytyɔdujk jumɔjt 'yity es 'yabejty, ¿es mij tɔgɔk xɔɔ xykyoja'añ?

²¹Per ja Jesús ko tmadyaky ja mɔj tsajptɔjk, ja'a dɔ'un myadyakypy ja kyɔ'um nini'x. ²²Paɔty ko Jesús 'ye'ky es jyikypyejky, ja 'yuxpukpɔty tjamyajtstɔ ko dɔ'un Jesús jyuɔnɔñ, es tmɔbujktɔ di'ibu ijtp jaabyéty ma Diosu jyaabyajtɔn es di'ibátyɔ natyɔ Jesús tɔ 'yanɔ'umxty.

Ñija'ap ja Jesús ja ja'ay ja jyot wyinma'añ

²³Ko naty ja Jesús 'yity Jerusalén ko paskɔ xɔɔ, may ja ja'ay myɔbujkɔdu ko t'ijxtɔ ja ijxwɔ'umɔn di'ibu myɔdajtypy ja mɔj'ajɔn di'ibu Jesús tyuun. ²⁴Per ja Jesús kyaj ñaygyɔyɔjkɔ ti'igyɔ mɔt yɔ'ujty, ja'a ko 'yixy'ajttaɔyduɔp nidɔgekyɔ. ²⁵Es ja Jesús kyaj t'awijxy esɔ wiingátypyɔ ja ja'ay tyukmɔmadya'agudɔt wi'ixɔ ja'ay ja jyot wyinma'añ, yɔ'u kɔ'um ñija'abɔ naty wi'ixɔ wyinma'añ ja ja'ayty.

Jesús esɔ Nikodemu

3 ¹Nidu'uk di'ibu ana'amp mɔj tsajptɔgóty, farisee ja'ay, es ja'a txɔ'aty Nikodemɔ, ²ja'a ñimiin ja Jesús koots, es t'anmaɔy:

—Ya'uxpukpɔ, ñija'adɔpts ko Dios tɔ mgéxyty es xya'uxpáktɔdɔts, ja'a ko ni pún mbaat tkaya'ixyty yɔ ijxwɔ'umɔn di'ibu myɔdajtypy ja mɔj'ajɔn éxtɔm mij xya'ixyty, pɔn kyajpɔ Dios pyudákty.

³Es ja Jesús 'yadsoojɔmbijty:

—Jantsy tɔy'ajɔnɔts mij n'anɔmɔ, di'ibu kyaj jatɔgɔk myiñ jya'ty jemy, kyaj mbaat t'ixy ja Diosu kyutujkɔn.

⁴Net ja Nikodemu dyajtuuy:

—¿Per wi'ix mbaat tu'ugɔ ja'ay mɔj'una'knɔ myiñ jya'ty myɔmajtsk ok? ¿Wi'ix mbaat tyɔkɔ tyɔak jyodoty es jya'tɔt yɔ naxwiñ jatɔgɔk?

⁵Jesús 'yadsoojɔmbijty:

—Jantsy tɔy'ajɔnɔts mij n'anɔmɔ, pún kyaj jatɔgɔk myiñ jya'ty jemy mɔt ja'agyujxm ja nɔ es ja'agyujxm ja Diosu Jya'ajɔn, kyaj mbaat tyɔkɔ ma Diosu kyutujkɔn. ⁶Púnɔ toxytyujk yajmiin yajjajɔp, ja'ay yɔ'u; es pún ja Diosu Jya'ajɔn yajmiin yajjajɔp, ja'ajɔn yɔ'u. ⁷Katɔ dɔ'unɔ mɔw'umɔ kots mij tɔ n'anɔmɔ es tsojkɔp jatɔgɔk mmin mja'ttɔt jemy. ⁸Yɔ poj, pojɔ'uɔ otyim maaty, es mmɔdeepy ko pyoɔy, per kyaj xɔñjawɔ ma tsooñ es ni xykyanijawɔ ma ñejxy. Es nandu'unɔ dɔnu tyɔɔdu tɔgekyɔ di'ibu ja Espiritɔ Santɔ yajmiimpy yajjajtypy jemy.

⁹Ta ja Nikodemu dyajtuujɔmbijty ja Jesús:

—¿Per wi'ix mbaadu tyɔɔdu dɔ'un tyuñ?

¹⁰Jesús 'yadsoojə:

—Mijtsu du'an tu'ugu israelítudya wyindsún, ¿es kyaj mij xyñijawu tyaađu? ¹¹Jantsy tɔy'ajtunəts mij n'anəumə, n'anmaabyuəts di'ibəts nnija'ap. Es tugekyu di'ibu tə ndukməmədyə'aktə, yu'ə dən di'ibəts tə n'ixy. Per miidsuty kyaj xymyubəktə di'ibəts ɔj miits njatukməmədyə'aktəp. ¹²Es pən kyaj xymyubəktə di'ibəts ɔj miidsuty nja''awə'ənəp di'ibu ja yə naxwiiñ ijtp, ¿wi'ix xymyubəktə kots ndukməmədyə'aktə di'ibu ijtp tsajpótm?

¹³Ni pənəm kyapatuku tsajpótm, ɔjtsu du'an je'eyə, ja Naxwíñudu Ja'ayudyə Kyudənaabyə, es yə naxwiiñ nguda'agyəts. ¹⁴Es éxtəm ja Moisés tkudəy ja tsə'añ di'ibu ak bronsu, nandə'un ɔj, ja Naxwíñudu Ja'ayudyə Kyudənaabyə, nyajpəjta'aga'añəts kujxm. ¹⁵Es nidugekyu di'ibəts xymyubəjkrəts ɔj, jiky'átup winu xuu winu tiempə.

Dios tsyejpy ja naxwíñudu ja'ay

¹⁶Ja'a ko yə Dios nəgo o j t'oktsojknu ja naxwíñudu ja'ayuty, paaty ttuknigejxy ja tyu'uk'U'unk, es pənaty myəbəjktəp jiky'átup winu xuu winu tiempə es kyaj kyutugódyut. ¹⁷Ja'a ko Diosu 'yU'unk tkejxy es dyajnitso'oktə ja naxwíñudu ja'ayuty, kyaj tkejxy esu ja'ay nɔjxtə mə ja tɔdyu'unən winu xuu winu tiempə.

¹⁸Di'ibu myəbejkypy ja Diosu 'yU'unk, kyaj yu'ə nɔjxtə mə ja tɔdyu'unən winu xuu winu tiempə, per di'ibu kyaj myəbékyuty, yu'ə nɔjxəp mə ja tɔdyu'unən winu xuu winu tiempə mət ko kyaj tməbeky ja Dios ja tyu'uk'U'unk. ¹⁹Di'ibáty kyaj tməbəktə ja Diosu 'yU'unk, ja'a nɔjxtəp mə ja tɔdyu'unən winu xuu winu tiempə, mət ko ja jajən myiñ yə naxwiiñ, es ni'igə o j ttsoktə ja koots'át kudiinəm ja jajən, mət ko axuək 'yadu'ətstə. ²⁰Nidugekyu di'ibáty axuək adústəp, kyaj ttsoktə ja jajən, es kyaj tməwingóñ ja jajən kudiibu nɔyayjnidu'xudə di'ibu naty axuək tyiimpy. ²¹Per di'ibu jiky'ajttəp mudu tɔy'ajtən, myəwingeempy ja jajən es du'an dya'ixyuty ko yu'ə o y tmədúñ ja Dios.

Fwank Yajnəbajtpə tnigajxy ja Jesús

²²Es ko waanə 'yijty, net ja Jesús mudu 'yəxpəjkrəty o j nɔjxtə mə yə Judeeə naxwíñudu. Jap waanə 'yijttə es dyajnəbáttə ja ja'ayuty. ²³Nandə'un ja Fwank Yajnəbajtpə yajnəbétyə naty jam Enón di'ibu myəwingon'ajtypy ja Salim, ja'a ko jamə naty ja kom nəu, es ja ja'ayuty nɔjxtə es nəbáttə. ²⁴Tyaađu du'an tyuun jyajtə kyajnumə naty yə Fwank yajpəjta'aky pujndəgóty.

²⁵Es di'ibu naty ja Fwank Yajnəbajtpə 'yəxpəjkrəty nɔygyajxudu mət tu'ugu israelítuty pən wi'ixə ja'ay nɔyayjwə'adsudu. ²⁶Net o j tninɔjxtə ja Fwank es t'anməaydyə:

—Ya'əxpəjkrə, ok'ix. Di'ibu naty mət mij mə Jordán məjnəu awinm, di'ibəts mij xytyukməmədyək, tam tyam yajnəbéty, es nidugekyu ja'ayuty ak yu'ə panɔjxəp.

²⁷Net ja Fwank 'yadsooy:

—Ni pən tii mbəət tkamədaty pən kyajpə Dios tə myo'oyuty. ²⁸Miidsuty kə'm xymyudoodu kots miits n'anməaydyə: “Tɔy'ajtən ko kyajts ɔj

nGrístaty, je'eyuts ʉj nyajkéxy jawyiin ma yu Krista.”²⁹ Ma tu'ugu ja'ay pyekyuu, ja pujkpu yedyujk ja'a mut ti'igyu ja di'ibu pyekyuy. Es ja pujkpu yedyujk ja myutnaymyaayubu ni'igu xyonda'aky ko jam maut 'yity ma yajmajtúñ ja myutnaymyaayubu es tmadoo'ity ja kyajxy myadya'aky. Es nandu'un ʉj, xondákruts jotkuda'aky ko yu ja'ayuty tranajxta ja Jesús.³⁰ Jesús yu'u ni'igu myajwiindujku'adu'utsy, es ʉj waanu ni'iguts n'awaan n'amutsku.

Di'ibu tso'omp jam tsajpótm

³¹Mut ko Jesús tsoyo'ón tsajpótm, paaty ni'igu myújuty kudiinam ja naxwíñadu ja'ay. Ujtsu du'unu naxwíñadu ja'ay. Paaty ʉj je'eyuts nnijawu di'ibu ja ya naxwiñ. Per di'ibu kudakp tsajpótm, yu'u ñigopk'ajtypy tugekyu. ³²Paaty yu'u myadyakypy di'ibu tu t'ixy es tmudoy, per ni pún tkamubeky di'ibu yu'u myadyakypy. ³³Ja ja'ay di'ibu kyupejkyuy ja ayuk di'ibu yu'u kyajxyuy, niguxu'kp ko tų'ajtun di'ibu Dios kyajxyuy. ³⁴Pún Dios tu kyéxyuty, Diosu 'yayuk myadyakypy. Esu Dios tmooy ja Jesús yu Espírítu Santu tugekyu. ³⁵Ja Dios Teety jyantsytsyejpy ja 'yU'unk, es tugekyu ttukkudajkudya'ay di'ibu jaa'ajtp. ³⁶Di'ibu myubejkyuy ja Diosu 'yU'unk, myudajtypy yu jiky'ajtun winu xuu winu tiempu; per di'ibu kyaj tmabuka'añ yu Diosu 'yU'unk, kyaj tmudaty ja jiky'ajtun winu xuu winu tiempu, yu'u yu 'yaxájup ja muk tųdyu'unu di'ibu Dios mo'oyudup.

Jesús es tu'ugu samaritanu toxytyujk

4 ¹Myudoodu ja fariseeu ja'ayuty ko ni'igu naty dyajmáyu ja 'yuxpujkputy es yajnubéty ni'igu kudiinam ja Fwank Yajnubajtpu. ²Oy kyaj ja Jesús ku'am yajnubejty, yu 'yuxpujkputy yu'ujuty yajnubajttu ja ja'ayuty. ³Ko Jesús tnija'aju tyaadu, net tsoyo'ón Judeeu es jyumbijnu Galileeu.

⁴Ko tyu'uyo'oy, koonam ñaxy samaritanu ñaxóty. ⁵Jyajttu jap ma kajpn di'ibu xyu'ajtypy Sikar, di'ibu naty japyu myuwingón yu Jakoobu ñax di'ibu 'yu'unk Josee tyukkumaay ja ñax. ⁶Es jap tu'ugu nudajñ di'ibu Jakoob ñudajñ'ajt jékyup. Es ko jyajty jap nudajñ agu'p ja Jesús, ja'a ko anu'xubu naty mut ko tu yo'oy, ta ñaxwe'tsy nudajñbyu'aay. Kijkyxyuu natyñ. ⁷Net myiñ ma ja nudajñ tu'ugu samaritanu toxytyujk es tjuuda'añ ja nuu. Net ja Jesús t'anmaay:

—Meegyuts waanu mnuu, tunu may'ajttun.

⁸Tu naty ñajxtu ja 'yuxpujkputy kajpnóty es tjuya'andu di'ibu 'yagijxyu'áttup.

⁹Es ja toxytyujk 'yadsooju:

—Mij m'israelítu, es ʉj samaritanu. ¿Wi'ixuts mij xy'amdoy ja nuu es nyajnu'uugut? (Yu israelítuty kyaj mut ti'igyu 'yity ja samaritanu ja'ayuty.)

¹⁰Jesús 'yadsooju:

—Kooxyup xy'oknijawu ja may'ajttun di'ibu Dios yajkyuy es púnuts ʉj di'ibu nuu m'amdoojup, tų'ajttunxyupts mij xy'amdoy yu nuu, es ʉjxyupts mij nmeepy yu nuu di'ibu yajjiky'ajtypy ja ja'ayuty.

¹¹Ja toxytyujk 'yadsooju:

—Windsún, ni xkyamudaty je'eyu di'ibu mut ja nuu xyjuudut. Ja'a ko jantsy kuk yu nudajñ, ¿wi'ixuts mij xymyo'oyut yu jiikypyu nuu? ¹²Ja n'apteety'ajtum Jakoob xytyukmawu'umumu tyadu nudajñ, ma yu'u ijty ñu'uuktu mut ja 'yu'unk 'yuna'kuty esu jyuyujk tsyajkaa. ¿Tii wa'ana da mij ni'igu mújuty kudiinam ja'a?

¹³Esu Jesús 'yadsooja:

—Nidugekyu di'ibu yaa nu'úktup, paadudup jatugok yu tuudsu, ¹⁴per di'ibu 'yiky py ja nuu di'ibuts uj nmeepy, ni na'a tuudsu kyanakypyaadudut. Ja'a ko di'ibuts uj nuu nmeepy, jap myujxtáwut jyodoty es myo'oyudut ja jiky'ajtum di'ibu winu xuu winu tiempu.

¹⁵Net ja toxytyujk t'adsooy ja Jesús:

—Windsún, meegyudsu tadu nuu es kudiibuts xyñakypyaadut yu tuudsu es ni nganakymyínuduts ma tyadu nudajñ es njuududuts ja nuu.

¹⁶Jesús 'yadsooy:

—Nujx wow yu mña'ay es muut mmíndut ja yaa.

¹⁷Ja toxytyujk 'yadsooy:

—Kyajts nmudaty ja mña'ay.

Jesús 'yadsooja:

—Mmudajtypy ja táy'ajtum ko mjuna'añ kyaj xymyudaty ja mña'ay, ¹⁸ja'a ko nimugoxk tu xy'okmudajtpu mña'ay, es di'ibu jam tyam mmudajtypy jatu'ugu myedyujk, kyaj yu'u xyña'ayuty. Paaty táy'ajtum éxtum mjuna'añ.

¹⁹Ko ja toxytyujk tmudooy, net t'anmaay ja Jesús:

—Windsún, n'ijxypyats ko mij ja Diosu kyugajxpu. ²⁰Ja n'aptujkuty di'ibu jékyup jyiky'ajttu, ja'a 'yawdajttu ja Dios yaa ma tyadu kopk. Per miits israelítuty mjuna'andu ko jaayu Jerusalén ja it lugaar ma n'awdajtum.

²¹Jesús t'adsooy ja toxytyujk:

—Mubujkkuts mij, miimp ja xuu ja ooru ma miits xy'awdátut ja Dios, es ni mgamíndut ma tyadu kopk es ni mganujxtut Jerusalén. ²²Miits samaritanu ja'ayuty, kyaj xyñijáwudu ti m'awdajttup, per uudsuty israelítuty, nnija'adupts tits n'awdajttup, ja'a ko tsooñ ja nitsokun ma ja israelítuty. ²³Per minaaup ja tiempu, es tyamu du'un, ko ja ja'ayuty di'ibu situy y'awdajttup ja Dios, t'awdátut mut winu jyot jya'ajun es mudu táy'ajtum, mut ko du'unu dun tseky ja Dios es 'yawdátudut ja ja'ayuty. ²⁴Dios yu'u du'un ja Ja'ajun, es di'ibu 'yawdajttup ja Dios, 'yawdátut mut winu jyot jya'ajun es mudu táy'ajtum.

²⁵Net ja toxytyujk t'anmaay ja Jesús:

—Uj nnija'abuts ko mínup ja Kristu di'ibu Dios wyin'ijx. Ko myínut ja'a, yu'u xy'awa'anudya'ayum tugekyu.

²⁶Net ja Jesús t'adsooy ja toxytyujk:

—Ujtsu du'un Kristu di'ibu mmugajxup.

²⁷Es net jyajttu ja 'yuxpajkruty. Es ko t'ijxtu ja Wyindsún myadya'aky mut tu'ugu toxytyujk, du'unu wyu'umudyaaydyu. Per ni pán oj tkayajty: “¿Ti mdsejpy?” o “¿Ti ko xymyutmadya'aky yu toxytyujk?”

²⁸Net ja toxytyujk tnaswijtsu tsyiy es oj ñejxy kajpnóty es oj t'awánudu ja kugajpn es t'anuumudu:

29—Min xy'ok'ixtə tyápuđu ja'ay di'ibəts tə xy'awanə tugekyu di'ibəts tə nduñ. ¿Kyajə du'ən jya'adyu tyaadu ja Kristə?

30Net ja ja'ayuty tso'ondu jap kajpnóty es tñinəjxtə mut ja toxytyujk ja Jesús.

31Ko naty ja toxytyujk tə ñejxy kajpnóty, net ja Jesusu 'yuxpəjkrəty 'yanmaayə:

—Ya'uxpəjkrə, kay oynu'ənən.

32Ta ja Jesús 'yadsooy:

—Tyapts ja je'xy nmədaty di'ibə miidsuty ni xykyanijáwudu.

33Net ja 'yuxpəjkrəty ak ja'ajuty ñayyajtuujudu:

—¿Tə da pán dyajmíñ di'ibə kyáyəp?

34Esə Jesús t'anmaaydyu ja 'yuxpəjkrəty:

—Kots əj nduñ di'ibə tseyjy pánuts tə xykyexy, ujts jotkudákrəts éxtəm jyawə ngay n'iigyuts.

35'Miits m'ayuk'ajttəbə du'ən: “Ko tyugoy'aty taxk po'o es nyajpuđu'kəm ja pəjta'aky.” Per ujts miits n'anmaaydyu: “¡Ixtə kam! Tə pəjta'aky tyətsnə es tə tpaaty ja tiempə es pyudu'ugut.”^b 36Di'ibə yajpuđe'kypy ja pyujta'aky, 'yaxájəp ja myəju'uñ; esə pyujta'aky di'ibə yajpuđe'kypy, ja'a du'ən itəp winə xəu winə tiempə. Es du'ən di'ibə wyijpy ja triigu es di'ibə yajpuđe'kypy, nimajtsk xyonda'aktə. 37Es du'ən dya'ixyuty ko tyu'ajttənaty di'ibə 'yayuk'ajttəp éxtəmə tyaadu: “Wiinkrə wyijpy ja triigu es wiinkrə yajpuđe'kypy.” 38Ujts miidsuty tə ngaxtə es xyajpuđu'uktət ja di'ibə kyaj tə xyñiduungədə. Wiingátypy tə tñiduungədə, es miidsudyə net myajpuđu'ktəp.

39May ja samaritanə ja'ayuty di'ibə tso'onduəp kajpnóty tməbujktə ja Jesús, ja'a ko ja toxytyujk tə naty 'yanə'əmxdə: “Tadə yedyujk xy'anmaayuts tugekyu di'ibəts tə nduñ.” 40Es ko myiindu mə Jesús, net tmənu'xtəktə es wyu'əmət mut yu'əjuty. Es ja Jesús oj wye'emy mə ja kajpn majtsk xəu mut yu'əjuty.

41Ko ja kugajpnəty tmədoodə ja 'yuxpəjkrə ja Jesús, ni'igu mayjya'ay oj t'akməbuktə ja Jesús. 42Net ja toxytyujk t'anmaaydyu:

—Nməbujknəpts ədsuty tyam, kudiinəm je'eyu ko mij tə xyñigajxy, ja'a ko nandu'ən ədsuty kə'əm tə nmədóyats. Nnija'aduəts tyam ko təy'ajttə ko yu'ə Kyrístəty di'ibə yajpojpnənitəgoyaampy yə naxwíñədə ja'ay.

Jesús dyajtse'eky tu'ugu yajkutujkrə tyuumbə

43Ja kyumdəguk xəu ja Jesús tso'oñ Sikar es oj ñejxy Galileə.

44Kə'əmə naty jayujp tə jyuna'añ yə Jesús: “Ni tu'ugu Diosu kyugajkrə kya'ity windsə'ugu mut ja myəgugajpn.” 45Es ko ja Jesús jyajty Galileə, ja ja'ayuty oj 'yaxájədə tsuj, ja'a ko nimayə naty di'ibə oj tə pyaskuxə'attə Jerusalén. Jap t'i'jxtə ti Jesús tyuun tugekyu.

46Net ja Jesús jyajty Kanaa, Galileə ñəaxóty, mə naty ja nəu tə dyajjəmbíty vinə. Es net tu'uk jyajty ja yajkutujkrə tyuumbə di'ibə məjə kyutujkrə. Jam ja'a tsyuənə Kafarnaúm es ja 'yu'unktəmə naty tə pya'ambéty

b 4:35 Ja'a taadu 'yandijpy ko tə net ja tiempu jya'ty mə ja ja'ayuty 'yaxájəduđə éxtəmə Kristə.

jantsy muk. ⁴⁷Ko tada ja'ay tmudooy ko Jesús tu jyambity Judeeu es ko tu naty myiñ Galileeu, ta tnimiñ es tmənu'xtáky es jyujpta'agut, es nəjx ja 'yu'unk ya'agudáxuty, ja'a ko tim oogánubu naty. ⁴⁸Ta ja Jesús t'anmaay ja ja'ay:

—Pən kyaj xy'ixtu ijxwə'umən di'ibu myudajtypy ja məj'ajtən, kyaj miidsuty əj xymyubáktət.

⁴⁹Net ja yajkutujkru tyuumbu 'yadsooy:

—Windsún, jo'omdu tsojk, tunu may'ajtən, naam kyajnamts ja n'u'unk 'yeeky.

⁵⁰Ta Jesús 'yanmaay:

—Nəjx mə mdəjk. Ja m'u'unk tu 'yaguda'aky.

Ta ja ja'ay tməbejky éxtəm ja Jesús tu 'yanə'umxuty. Ta jyambity mə tyəjk. ⁵¹Es ko naty tyu'uyo'oy, oj jyujpkubaaduty ja tyuumbu di'ibu naty tso'ondəp mə ja puma'ayən. Ta 'yanmaay:

—Ja m'u'unk tu 'yaguda'aky!

⁵²Ta ja yajkutujkru tyuumbu 'yadsooy:

—¿Ti oorə oga'an tu myubaadu?

Es ja'ajuty 'yadsoodə:

—Extəm junakxyən əxu'əy xyeemy ja jyən.

⁵³Net ja u'unkteety tjamejtsy ko nan janakxyən naty tu 'yanə'umxuty ja Jesús: “Ja m'u'unk tu 'yaguda'aky.”

Net ja ja'ay es nidəgeky di'ibu tsyənəaydyur mə jyən tyəjk tməbujktə ja Jesús. ⁵⁴Tyaadu də'ən ja myumajtskru ijxwə'umən di'ibu myudajtypy ja məj'ajtən di'ibu Jesús tyuun ko jyambity Judeeu es nəjxy Galileeu.

Jesús dyajtse'eky tu'ugu puma'ay pilu pa'ay

5 ¹Ko waənə 'yijty ja israelítuty tu'ugu naty ja xəu ttundu jap Jerusalén, es ja Jesús jap oj nəjxy xə'ajtrə.

²Mə tada kajpn myəwingón ja kajpndəjk əə di'ibu tyijtəp Borreegə Təjk Əə, jap tu'ugu məj pilu mə ja'ay tsiy'idə. Məgoxkə tyəjk wiin tmudaty esə israelítu ja'ay ttijtə Betesdə. ³Japə naty ja ja'ay may pyə'amgo'knədə naxkəjxy. Tapə wiints, əxneybyə, xux, di'ibu kyaj mbaat yi'xy. Jap 'yawixtə pilu pa'ay es ja nəu yu'xət. ^c ⁵Japə naty tu'ugu yedyəjk kyo'knə di'ibu i'px məjmóxk təkək jəmujt kujk pyə'am 'yity. ⁶Ko ja Jesús t'ijxy ja puma'ay kyo'knə, nija'abə naty ko jeky tu 'yayoonə, net t'anmaay:

—¿M'aguda'agaambə?

⁷Ja puma'ay 'yadsooy:

—Windsún, kyaj pən pənəts xypyujta'agur yap piloty ko jyayi'xy tyadu nəu. Təgok təkóktə njatəkya'añ, wiinkrə jawyiin'ajtkojp.

⁸Jesús t'anmaay:

—Pədu'ək, yajmúk ja mmabajn es nəjx mə mdəjkən.

⁹Netyə ja puma'ay 'yagudaktaay. Ta dyajpude'ky ja myabajn es yo'oydsyo'ón. Es kom saabədə naty mə ja israelítuty dyajnitutúky es t'amaay'áttət, ¹⁰yə'ujuty t'anmaaydyə ja di'ibu naty tu 'yaguda'aky:

c 5:3-4 Ja ja'ayuty di'ibu jap myubujktəp ijty ko winna'agana'aty jyənəky tsajpótm tu'ugu ankləs es ja nəu dyaj'yi'xy, es di'ibu ja puma'ay jawyiin təkək mə ja pilu, ja'a agudəp oytym di'ibu pa'amudyə naty tmudaty.

—Po'xunxuu tyam. Kyaj ñikutíkyuty es xytsyuumudítut yu mmabajn.

¹¹Net ja yedyujk 'yadsooy:

—Yu di'ibuts tu xya"aguda'aky, yu'uts tu xy'anuumu: “Yajmúk yu mmabajn es ñajx.”

¹²Net yajtuujjudu:

—¿Púnxu du'un tu m'anu'umxuty es xyajmúkut yu mmabajn es mnajxut?

¹³Es ja yedyujk kyaj tñijawu púnú dun ja'a di'ibu tu ya"aguda'agyuty, ja'a ko ma ja lugaaran mayu naty ja ja'ayuty es ja'a ko ja Jesús tu naty ñajxnu wiink tsoo. ¹⁴Oknum jatugoku Jesús tpaty ma ja maj tsajptujk. Net ja Jesús 'yanmaay:

—Ix jaygyuku. Tyamu net tu m'aguda'aky. Katu mnakypyekyutúñ kudiibu mjátut o'ktáy.

¹⁵Ta ja yedyujk jyumbijty es oj t'awanu ja israelítuty ko di'ibu tu ya"aguda'agyuty, yu'u du'un ja Jesús. ¹⁶Paaty ja israelítuty tñajudijtso'ondu ja Jesús, mut ko ja puma'ayuty dya"agudaky saabudu xuu.

¹⁷Es ja Jesús t'anmaay ja israelítuty:

—Yu nDeedyuts tuumpnam tyambaat, es uj nandu'un tuumbuts.

¹⁸Paaty yu'ujuty ni'igu oj 'yákudu, es paaty tjaya'oogándu mut ko ja Jesús kyaj tmay'aty twindsu'ugu ja po'xunxuu es mut ko nandu'unu Jesús jyunán ko Dios yu'u tyeety'ajtypy, ja'a ko du'un ñaybyujta'agyuty nandu'un Dios.

Diosu 'yU'ungu kyutujkun

¹⁹Net ja Jesús t'anmaaydu:

—Jantsy tuj'ajtunuts miits n'anuumadu ko uj, Dios ja 'yU'unk, kyajts mbaat ti nduñ ngu'um winma'añuts. Ndiimbyuts je'eyu di'ibuts n'ijxypy ttuñ yu nDeedyuts. Tugekyu di'ibudsu nDeety tyiimpy, nandu'un uj, Dios ja 'yU'unk, ndúñuts.

²⁰Pes ja nDeedyuts xytsyojkpuuts uj es xytyuk'ijxpuuts tugekyu di'ibu yu'u tyiimpy. Es xytyuk'ixaambuts waanu oyjyatyryu. Es ko xy'ixtat, du'ñu mwu'umadya'aydyut. ²¹Es éxtamu Dios Teety dyajjikypyéky ja o'kruty, nandu'un uj, ja 'yU'unk, nyajjikypyúkpuuts di'ibuts ndsejpy. ²²Yu Dios Teety ni pán tkapayo'oy. Uj, ja 'yU'unk, tu xymyo'oyuts tugekyu ja kutujkun es nbayo'oyuduts, ²³es du'unuts uj tugekyu xywyindsu'ugudut, ja Diosu 'yU'unk, éxtam twindsu'ugudu ja Dios Teety. Di'ibuts kyaj xywyindsu'ugu uj, nan kyaj twindsu'ugu ja Dios Teety di'ibuts tu xykyxy.

²⁴Jantsy tuj'ajtunuts miits n'anuumadu, di'ibu myadooljitypy di'ibuts uj ngajxypy es tmabeky ja di'ibuts tu xykyxy, uj nmo'oyaambyuts ja jiky'ajtun winu xuu winu tiempu, es kyaj ñajxut ma tudyu'unun winu xuu winu tiempu, ja'a ko tats njo'tsu pyojpu es tats nmo'oy ja jiky'ajtun winu xuu winu tiempu.

²⁵Jantsy tuj'ajtunuts miits n'anuumadu, minaamp ja tiempu, es tyamu du'un, ko ja o'kruty tmadwdut di'ibu ngajxypyuts uj, Dios ja 'yU'unk. Es pánuty kyuydyiimpy éxtamts uj n'anuumu, yu'uts nmo'oyaampy ja jiky'ajtun winu xuu winu tiempu. ²⁶Du'un éxtam ja Dios Teety tmadaty ja jiky'ajtun, nandu'unuts uj tu xymyo'oy esuts nmudátut ja jiky'ajtun. ²⁷Es ja Dios Teety

tats nandu'un xymyo'oy yu kutujkun es nbayo'oyudats ja naxwíñudu ja'ayaty, ja'a ko ujtsu du'un ja Naxwíñudu Ja'ayudyu Kyudanaabyu. ²⁸Katu tyaadu du'unu mdu'uww'amudu, ja'a ko ja'taamp ja tiempu ma ja o'kruty di'ibu tu ñaxtákuđu myadówup kots uj ngajxut, ²⁹es di'ibu oy tu jyiky'aty yu naxwíñ, yu'u jiky'ákuđu es ñujxtut ma ja jiky'ajtun winu xuu winu tiempu, per di'ibu tu jyiky'aty axuuk ya naxwíñ, jyiky'ákuđu es ñujxtut ma ja tudyu'unun.

Di'ibu ñikajxpejtypy ko Jesús Diosu 'yU'unk

³⁰Uj kyajts ti mbaat ku'am ndúñats. Uj nbaye'ebuyats éxtumdsu nDeety xytyuk'ane'emy. Pátup wi'ixuts nbayo'oy, ja'a ko kyajts uj ngu'am winma'añ nyajtúñ, ja'ats ndiimpy di'ibu tseyjpy ja Dios Teety di'ibuts tu xkyexy. ³¹Pun ujts naydu'uk ku'am junaamp ko ujtsu du'un ja Diosu 'yU'unk, kyajts mij xymyubáktut. ³²Per taa jat'u'uk di'ibu nandu'un jyuna'añ, es di'ibu yu'u junaamp, tuj'ajtun'u. ³³Miidsuty ku'am oj xyajtáwdu ja Fwank Yajnábjatrpu, es m'adsoojudu ko ujtsu du'un ja Diosu 'yU'unk. ³⁴Uj kyajts ndukmada'aky kots pán xyñikajxpátut. Je'eyats miits ndukjamyatstu ko ja Fwank jyunañ du'un ko miits mnitso'oktat. ³⁵Mut ko Fwank Yajnábjatrpu, du'un yu'u 'yijty éxtum tu'ugu kudu'xn di'ibu xkyudu'xum ma mbaat nyo'oyum, es waanu tiempu mjotkujkudu miidsuty mada kudu'xn. ³⁶Es uj nmudajtypyats tu'ugu testiiga di'ibu ni'igu maj yu muj'ajtun tmudaty kudiinum yu Fwank. Di'ibuts uj ndiimpy, Dios Teedyats xymyooy es ndúnut es nyajkugáxut. Es ja tuunk di'ibuts ndiimpy, yu'u yajnígaxe'kypy ko Dios Teedyats uj tu xkyexy. ³⁷Nandu'un ja Dios Teety di'ibuts tu xkyexy, pyajtáky yu'u ko tuj'ajtun di'ibuts ngajxypy. Ni na'anum xkyamudoogajxtu es ni je'eyunum xkyax'ixtu. ³⁸Kyaj ja Diosu 'yayuk 'yity ma miidsuty, mut ko kyaj xymyubaktu kots miits nja'anuumudu ko ujtsu du'un ja kugajxy di'ibu Dios Teety tu tkexy. ³⁹M'axpújktup miidsuty di'ibu Moisés es ja Diosu kyugajxputy jyaadyu, ja'a ko miits mjuna'andu ko mut yu'u xytyjy tu xygyanaraty yu mjiky'ajtun winu xuu winu tiempu. Moisés es ja Diosu kyugajxputy, ja'a jyaadyu di'ibuts uj nnastu'un nnaskajxu, ⁴⁰per miidsuty kyajts xy'axajya'andu éxtumu Yajnítsókpu esxyuats miits nmo'oy yu jiky'ajtun winu xuu winu tiempu. ⁴¹Kyajts nyajtúñ ja muj'ajtun di'ibu ja'ay yajktup. ⁴²Yajxonuts nnijawu ko miidsuty kyajpu Dios xy'awdattu. ⁴³Uj tu nmíñats yu'ugyujxmudsu nDeedyats, es miidsuty kyajts xy'axájudu. Per kooxyup myiñ ja wiink yedyujk mut ja kyu'am winma'añ, yu'u situ m'axájudup. ⁴⁴¿Wi'ixuts miits xymyubáktudats pun m'axtaadyup yu ja'ayaty es mwindsu'ugadut, es kyaj xy'axta'aydyu esu Dios jyuna'anut ko miits m'oyjya'ay'átyaty? ⁴⁵Katu mjuna'andu kots uj miits xytyjy nni'uunyya'andu nDeedyats wyinduuy. Moisés yu'u du'un mni'uunyyánudup, di'ibu miits mjot'ajttup. ⁴⁶Mni'uunyyánudup mut ko miits kyaj xymyubaktu di'ibu yu'u jyaawyu'am ma uj. ⁴⁷Es pun kyaj miits xymyubaktu di'ibu Moisés kyuxjaay, ¿wi'ix miits xymyubáktut di'ibuts uj miits n'anmaadyup?

Jesús dyajkáy nimugoxk mil naxy ja ja'ay

6 ¹Ko tyaadu du'un tyuun jyajtú, net ja Jesús oj 'yawinnaxy ma ja Galileeu Myejyñ di'ibu nandu'un xyu'ajtypy Tibeeryus Myejyñ. ²May

ja ja'ay pyanjxudu mut ko tu naty t'ixy ja ijxwu'umun di'ibu myudajtypy ja muj'ajtun di'ibu Jesús tyuun ko ja puma'ay dyajmabaadu. ³Ta pyatjku ja Jesús ma tu'ugu kopk, es ñaxwa'tstu mut ja 'yuxpajkpty. ⁴Pyátnebu naty ja israelítuty ja pyasku xuu. ⁵Ko Jesús t'ijxy ko may ja ja'ayuty pyanjxudu, net dyajtuy ja Felip:

—¿Ma net nju'uyum yu je'xy di'ibu nmo'oyum yu tyadu mayjya'ay?

⁶Jesús jyunañu du'un es t'ok'ixa'añ wi'ix jyuna'añ yu Felip, ja'a ko ñija'abu naty Jesús ku'um ti naty tyunaampy. ⁷Net ja Felip 'yadsooy:

—Majtsk mugopx xuu nidún kyaj tpaadut es kujkwaan nmo'oyum nidu'uk.

⁸Net ja Andrés, ja myuga'axu Simonk Peedru, nan yu'u naty ja Jesusu 'yuxpajkpu, jyunañ:

⁹—Tyam tu'ugu mixyu'unk di'ibu myudajtypy mugoxku tsajkaagyu'unk es majtsku ajkxu'unk, peru tyaadu waanu yu'u. Kyaj tpaadut mut ko myajjya'ayuty.

¹⁰Jesús t'anmaay ja 'yuxpajkpty:

—Yajnaxwaatstu nidugekyu.

Net ñaxwa'tstu mugoxk mil ja yedyujkuty, es kyaj yajmadyóy ja toxytyujkuty es ja una'ku'unguty. ¹¹Net ja Jesús tkone'ky ja tsajkaagyu'unk es tja'aygyudáky ja Dios. Net ttujkwa'xy es tmooy ja 'yuxpajkpty es ja 'yuxpajkpty tmooydu ja mayjya'ay di'ibu naty tu ñaxwaatstu. Es nandu'un ttuun mut ja ajkxu'unk, tmooydu ja ja'ayuty mabaat 'yuts jyotkuda'aktut. ¹²Es ko naty tu jyotkuda'aktu, ja Jesús t'anmaaydu ja 'yuxpajkpty:

—Yajmujkta'aydu tugekyu yu tsajkaaky tyuktuku di'ibu tu ñaduku, kadiibu ti wyindugóyut.

¹³Net ja 'yuxpajkpty dyajmujktaaydu majmajtsk muj katsy di'ibu nadujku ma ja mugoxkpu ja tsajkaagyu'ungun. ¹⁴Es ko ja ja'ayuty t'ijxtu ja ijxwu'umun di'ibu myudajtypy ja muj'ajtun di'ibu Jesús tyuun, net ñajyunañudu:

—Jantsy tuj'ajtundumu du'un ko yu tyaadu yu'udyu Diosu kyugajxpu di'ibu minaamp ya naxwiin.

¹⁵Per kom ja Jesús ñija'aju ko jyamunajxa'anudu agwanu es pyujta'aga'anudu rey, paaty ja Jesús abeky ñaybyjta'ku es pyatjku ma ja kopk es ita'an naydu'uk.

Jesús yo'oy nuu wyingujxm

¹⁶Es ko tsyu'ujunu, net ja 'yuxpajkpty jyunajktu ma ja mejyñbya'a.

¹⁷Ta tyujkudu ma tu'ugu barku es 'yawinnaxa'andu Kafarnaúm. Tu naty wyingoodsunu es kyajnumu naty ja Jesús jyambity, ¹⁸net jyantsymiin ja muk poj es ja mejyñ jyantsyñikapy. ¹⁹Es ko tu naty tyu'uyo'oydu éxtam mugoxk o tudujk mil metrún, net t'ijxtu ko myuwingóñty ja Jesús ma ja byarku, nuu wingujxy yo'oy. Net tsyu'kudyaaydu. ²⁰Ta ja Jesús myugajxu:

—Ujtsu du'un. Katu mdsu'ugudu.

²¹Net ja'ajuty jyantsxyondaktu es t'axájudu ja Jesús ma ja byarku. Es waanu 'yak'ijty, ta jyjttu ma naty ñajxtu.

Ja'ay t'uxta'aydyu ja Jesús

²²Jakumbom ja mayjya'ay tnija'adu púnaty wu'umdu jam mejn̄ awinm, ko yu'ayaty ja Jesusu 'yuxpukpudy ttuknuxtu ja barku di'ibu naty ti'igy, es ko kyaj ja Jesús jap tyujku muut ja 'yuxpukpudy. ²³Net naagaty ja barku di'ibu tso'ondup ma Tibeeryus kajpn, jyajttu mawingón ma naty ja tsajkaaky ta tkaydyu ko ja Nindsun'ajtum naty jawyiin ja Dios ta tja'aygyada'aky. ²⁴Es ko ja ja'ay trujktu kwentu ko ni ja Jesús es ni ja 'yuxpukpudy naty kyanakyjyáputy, ta tyujkudu barkoty es ñujxtu Kafarnaúm es t'uxta'aya'andu ja Jesús.

Jesús yajkypy ja jiky'ajtun winu xuu winu tiempu

²⁵Es ko jyajttu jamdsoo mejn̄ awinm, ta tpattu ja Jesús es t'anmaaydyu:
—Ya'uxpukp, ¿na'axu mja'ty yaa?

²⁶Net ja Jesús t'adsooy:

—Jantsy tuj'ajtanuts miits n'anuumadu, xy'uxtaaydyupts mut ko mgaaydyu, yajxon m'ujts mjotkudaktu. Kyajts mij xy'uxta'aydyu mut ko xyjaygyukudu oy ja ijxwu'umun di'ibu myudajtypy ja muj'ajtun di'ibuts ndiimpy. ²⁷Katu mdunda mut ja mga'ay m'ukun di'ibu kyaj 'yiiky. Tundu mut ja mga'ay m'ukun di'ibu iigap es mmo'oyudat ja jiky'ajtun winu xuu winu tiempu. Tyaadu du'un ja ka'ay ukun di'ibuts uj, ja Naxwínadu Ja'ayudyu Kyudunaabyu, nmo'oyaambyats, mut ko Dios Teety du'un tu xymyo'oyuts ja kutujkun.

²⁸Net ja ja'ayaty jyanandu:

—¿Tits ndúndap esats nguydyúnat di'ibu Dios tsyejpy?

²⁹Ta ja Jesús 'yadsoojambijty:

—Di'ibu Dios tsyejpy, yu'u es xymyubúktut ja di'ibu yu'u tu tkexy ya naxwiin̄.

³⁰Ja ja'ayaty t'anmaaydyu ja Jesús:

—¿Ti ijxwu'umun xytyuk'ixtupts di'ibu myudajtypy ja muj'ajtun esats mij nmubúktudats? ¿Tii dun mij mdiimpy? ³¹Ja n'aptujk'ajtum kyaaydyu ja manaa^d jam ma muj itun, du'un éxtum ja Diosu jyaaybyajtun jyuna'añ: “Yu'u yajk yu tsajkaaky di'ibu kudakp tsajpótm.”

³²Ta ja Jesús t'anmaaydyu:

—Jantsy tuj'ajtanuts miits n'anuumadu, kyaj ja Moisés mmooyudu ja tsajkaaky di'ibu kudakp tsajpótm, yu'u du'un nDeedyats di'ibu mmooyudap ja ka'ay ukun di'ibu kudakp tsajpótm. ³³Ja'a ko tadu ka'ay ukun di'ibu Dios ta mmo'oyaty, yu'u du'un di'ibu tu kyuda'aky tsajpótm es tmo'oy ja jiky'ajtun ja naxwínadu ja'ay.

³⁴Net t'adsoodú:

—Windsún, du'uñumts xymyo'oydyut tadu ka'ay ukun.

³⁵Ta ja Jesús t'anmaaydyu:

—Ujtsu du'un ja ka'ay ukun di'ibu yajkypy ja jiky'ajtun, es di'ibuts xyñimiimp, di'ibuts uj xymyubujkp, ni na'a yuu kyapaadudat es ni na'a taudsu kyapaadudat. ³⁶Per tats miits n'anuumadu, kyaj xymyubuktu óyats

miits tã xyja'ixtã. ³⁷Di'ibats ja nDeety tã xymyo'oy, nidugekyu myiñ ma ẽjũn. Es di'ibats xyñimiimp, kyajts n'axtĩjũt. ³⁸Ja'a ko ẽj tã ngada'agyuts tsajpõtã es ndũnadats di'ibũ ja Dios tsyejpy, es kyaj di'ibats ẽj ndsejpy. ³⁹Esũ Dios tsyejpy es kyajts nyajtũgõyũt ni tu'uk yũ naxwĩñũdũ ja'ay di'ibats tã xymyo'oy. Nyajjikypyũkũpts mã ja xũũ di'ibũ tim ẽx'okpũ. ⁴⁰Es di'ibũ Dios tsyejpy, yũ'ũ di'ibats xy'ijxp es xymyubẽkyũts ẽxtũm ja 'yU'unk, nmo'oyũpts ja jiky'ajtũn winũ xũũ winũ timpũ es nyajjikypyũkũpts mã ja xũũ di'ibũ tim ẽx'okpũ.

⁴¹Es mũdũ tyaadũ ko dũ'ũn tmũdoodaaydyũ ja israelĩtũty, ta tni'o'o tniyãxũdũ mũt ko naty tã jyũna'añ ko yũ'ũ dũ'ũn ja ka'ay ukũn di'ibũ tã kyũda'aky tsajpõtã. ⁴²Ta ñay'anmaayũdũ:

—¿Tii kyaj jya'ajũdyũ tyadũ Jesũs, ja 'yu'ungũ Josee? N'ixy'ajtũmsts ũdsajtũm yũ tyaak tyeety. ¿Wi'ix jyũna'añ ko yũ'ũ tã kyũda'aky tsajpõtã?

⁴³Net ja Jesũs 'yanmaayũdũ:

—Katũ mni'ow mniyaaxũdũ. ⁴⁴Ni pũn mbaat kyamĩn mã ẽjũn pũn kyaj dyajmĩn yũ Dios Teety di'ibats ẽj xykyajx. Es di'ibats xyryanũjxp, yũ'ũ dũ'ũn nyajjikypyũkũpts mã ja xũũ di'ibũ tim ẽx'okpũ. ⁴⁵Es dũ'ũn ẽxtũm ja Diosũ kyugajxpũty dyajwe'emy jaaybyẽty mã jyũna'añ: “Dios tyuk'ũxpũkaampy nidugekyũ.” Es dũ'ũn nidugekyũ di'ibũty myũmũdeepy ja Dios Teety es tkuydyũn ja 'yana'amũn, yũ'ũ dũ'ũn mĩnũp mã ẽjũn.

⁴⁶Kyaj jaa pũn jatũ'uk t'ixy ja Dios Teety. Ʋjtsũ dũ'ũn je'eyũ tã n'ixy, es yũ'ũdsũ dũ'ũn tã xykyexy yã naxwĩĩn. ⁴⁷Jantsy tũy'ajtũnũts miits n'anũũmũdũ, di'ibats xymyubũjkp, myũdajtypy ja jiky'ajtũn winũ xũũ winũ timpũ. ⁴⁸Ʋjtsũ dũ'ũn ja ka'ay ukũn di'ibũ yajkypy ja jiky'ajtũn. ⁴⁹Ja m'apteedyũty kyaaydyũ ja manaa mã ja mũj it, es nan o'ktaaydyũ, ⁵⁰per ja ka'ay ukũn di'ibũ kũdakp tsajpõtã, ko pũn tkay, kyaj ni na'a kya'ooktũt. ⁵¹Ʋjtsũ dũ'ũnũ tãdũ ka'ay ukũnũ jikypyũ di'ibũ kũdak tsajpõtã. Ko di'ibũ kyaapy 'yikyppy tyadũ ka'ay ukũn, jiky'ãtũp winũ xũũ winũ timpũ. Ja'a ko tyadũ ka'ay ukũn di'ibats ẽj nyakaampy, yũ'ũ dũ'ũn ja nnini'xũts di'ibũ nyakaambyũts es ja naxwĩñũdũ ja'ayũty tmũdãttũt ja jiky'ajtũn.

⁵²Net ja israelĩtũty t'ũmũjk tkajxmũjktũ es ñayjyũnãnũdũ:

—¿Wi'ixũ tyaadũ xymyo'oyã'anũm nju'xũm yũ kyũ'ũm nini'x'?

⁵³Ta ja Jesũs t'anmaaydyũ:

—Jantsy tũy'ajtũnũts miits n'anũũmũdũ, pũn kyaj xy'axajũ ẽxtũmũ ka'ay ukũn yũ nnini'xũts, di'ibũ ẽj, ja Naxwĩñũdũ Ja'ayũdyũ Kyũdũnaabyũ, nmo'oyaambyũts, es yũ nne'pyñũts di'ibats ndamaampy nyokaampy, kyaj xymyũdãttũt ja jiky'ajtũn. ⁵⁴Di'ibũ 'yaxãjũp ẽxtũmũ ka'ay ukũn yũ nnini'xũts esũ nne'pyñũts, jiky'ãtũp winũ xũũ winũ timpũ es ũjts nyajjikypyũkũp mã ja xũũ di'ibũ tim ẽx'okpũ. ⁵⁵Mũt ko yũ nnini'xũts esũ nne'pyñũts, yũ'ũ dũ'ũn ẽxtũm ja ka'ay ukũn. ⁵⁶Di'ibũ 'yaxãjũp yũ nnini'xũts esũ nne'pyñũts ẽxtũmũ kya'ay 'yukũn, yũ'ũ dũ'ũn jiky'ãtũp mũt ẽj, es ẽj mũt yũ'ũ. ⁵⁷Ja nDeedyũts di'ibats xykyajxp, myũdajtypy ja jiky'ajtũn, es ẽj njiky'ãtyũts mũt yũ'ũgyũjxm. Es nandũ'ũnũ tyaadũ di'ibũ 'yaxãjũp yũ nnini'xũts esũ nne'pyñũts ẽxtũmũ kya'ay 'yukũn, ũjtskyũjxm jyiky'ãtũt. ⁵⁸Ja'ats nmadyakypy ja tsajkaaky di'ibũ kũdak tsajpõtã. Tyadũ tsajkaaky kyaj dyũ'ũnũty ẽxtũm ja manaa di'ibũ kyaaydyũ ja m'apteedyũty es õknũm

'yo'ktu. Di'ibü kyaapy ja tsajkaaky di'ibuts uj nyajkypy, jiky'átup winu xuu winu tiempu.

⁵⁹Jap Kafarnaúm ma ja tsajptujk ya'uxpejky ja Jesús tugekyu tyaadu.

Mayja'ay tmastu'uttu Jesús

⁶⁰Ko tmudoodu yu uxpujkun di'ibü Jesús yajkypy, nimay ja ja'ayuty di'ibáty panujxudu ñay'anmaayudu:

—Tyaadu di'ibü myadyakypy, nimajaa oy es ngupujkum. ¿Pún tyunaambu kwentu?

⁶¹Net ja Jesús t'ijxy ko ñi'oojudu ja ja'ayuty. Ta t'anmaaydyu:

—¿Tii nyajjot'ambujktup miidsuty mada tyaadu? ⁶²¿Wi'ixu da mjattu ko xy'ixut uj, ja Naxwíñudu Ja'ayudyu Kyudunaabyu, nbatujkunut ma naty jékyup n'ityuts tsajpótm? ⁶³Yu'uyu ja Diosu Jya'ajun di'ibü yajkypy ja jiky'ajtun. Kyaj ti tsooty ni ti di'ibü ja'ay tyunándup. Di'ibuts uj tu nmadya'aky, jam tsyooñ ma ja Ja'ajun di'ibü yajkypy ja jiky'ajtun. ⁶⁴Per taanum nidu'uguty ma miidsuty di'ibuts kyaj xymyubaktu.

Du'un jyunañ ja Jesús mut ko tsondaky ñija'aju púnudyu naty kyaj myubékuty es pún naty kuyakánup. ⁶⁵Es jyunañ:

—Paadyuts njuna'añ ko ni pún mbaat xykyanimíñuts pun ja Dios Teety kyajts xtyuknimíñ.

⁶⁶Net may ja ja'ayuty di'ibü naty panujxup ja Jesús myastútudu es kyaj mut 'yokjudijnudu. ⁶⁷Net ja Jesús t'anmaay ja nimajmajtskpu 'yuxpujkruty:

—¿Tii mnajxándup miidsuty nandu'un?

⁶⁸Es ja Simonk Peedru 'yadsooju:

—Windsún, ¿pánuts nbanujxtup? Mij naydyi'igyu mmadajtypy ja ayuk di'ibü myadyakypy ja jiky'ajtun di'ibü winu xuu winu tiempu. ⁶⁹Udsuty tats nmabaktu es nnija'adupts ko mij mGrístuty, Dios ja 'yU'unk.

⁷⁰Jesús t'adsooy ja 'yuxpujkruty:

—Nimajmajtskuts miits tu nwin'ixy, per nidu'uk pyadsemy mujku'u muduumbu.

⁷¹Ko tyadu Jesús du'un jyunañ, ja'a naty 'yandijpy ja Juudus, Simonk Iskaryotu myaank, mut ko Juudus yu'u naty kuyakánup oy jyaja'ajuty tu'uk di'ibü nimajmajtskpu 'yuxpujkruty.

Kyaj Jesusu myuga'axuty myubákuu

7 ¹Ko tyaadu tyuun jyajtu, japu naty jyudity ja Jesús ya'uxpeky Galileeu. Kyaj ñajxáñ Judeeu mut ko yu israelitu ja'ayuty jyaya'oogánudu.

²Es tyimpátnubu naty ja xe'emdyujk xuu di'ibü myujtuundup ja israelítuty jap Jerusalén, ³net ja Jesusu myuga'axuty 'yanmaayyu:

—Pudsum ja yaa. Nujx Judeeu es nandu'unu m'uxpujkruty di'ibü jáputy t'ixtut ja muj'ajtun di'ibü mdiimpy. ⁴Kyaj pún ti ayu'udsyu ttuñ pun tseyjpy es ja ja'ay tnijáwut. Mut ko mij xytyuñu tyaadu, tuk'ixu net nidugekyu ja'ay.

⁵Es du'un 'yanmaayudu ja myuga'axuty mut ko nan kyaj tmabujktu ko yu'u du'un ja Diosu 'yU'unk. ⁶Net ja Jesús t'anmaaydyu ja myuga'axuty:

—Kyajnum jya'ty ja n'ooruts. Paadyuts uj kyajts nnajxut mut miidsuty. Nujx miidsuty, mut ko mut miidsuty oy yu'u otyim di'ibü ooruty. ⁷Miidsuty

kyaj mduk'ak'átudá púnudyá naxwíñudá winma'añ ja'a'ajtudá. Per új sitúy xytyuk'ak'ajttápts müt kots új n'awaná ko axuuk yu'u di'ibu tyuundá.

⁸Nújx miits mxu'attá. Új kyajts miits nmúutnújxtá müt ko kyajnum tpaaty ja n'ooráts máts új nnújxá.

⁹Es ko dá'un jyuna'andaay, ta oj wye'emy ja Jesús Galilee.

Jesús ñejxy Jerusalén má xe'emdyujk xuú

¹⁰Ko waaná 'yijty ko naty ja myuga'axuty tá tsoyóndá, net ja Jesús tsoyo'ón es ñejxy xu'ajtrá, oy kyanide'xyuty, abekyá ja'a ñejxy es kyaj mudá mayjya'ay.

¹¹Ja israelítuty 'yuxtaayudá jap xuújótý es jyuna'andá:

—¿Máa da netá tadá ja'ay?

¹²Es má mayjya'ayuty tmadya'aktá ja Jesús, tap náak di'ibu junándá:

—Oy ja'ay yu'u.

Es wiingátypyú junándá:

—Kyaj 'yoyjya'ayuty, müt ko twin'uúñ ja ja'ayuty.

¹³Per ni pún kyamadya'aktá mayjya'ayótý, je'eyá ayu'udsyú, müt ko ttsu'ugudá ja teedywyindsúnuty.

¹⁴Es ko kyujkwa'xy ja múj xuú, net ja Jesús jyajty Jerusalén. Ta tyujku múj tsajptujk ñabotsoty es tyujku ya'uxpújkrá. ¹⁵Es ja israelítuty dá'uñ wyu'umadyaaydyá ko tmádo'ijttá éxtám ja Jesús ya'uxpeky. Net ñajyúnánudá:

—¿Es wi'ixá tyáadú oytyiity tnijawá?, es ni je'eyá kya'uxpékyuty.

¹⁶Jesús t'anmaaydyá:

—Di'ibáts új nduk'uxpújktá, kyaj yu'u myiñ mudádsá ngu'um winma'añ, Dios yu'áts tá xykyexy es nduk'uxpúkúdsá éxtámts nduñ. ¹⁷Pún ja pún ttuna'añ di'ibu Dios ñi'ana'amá, yu'u dá'un ñijáwudá ko új yu n'uxpújkanáts Diósáts xymyepy. Kyaj yu'ujuty müt ja ngu'um winma'añáts nduñ. ¹⁸Di'ibu káxp müt ja kyá'um winma'añ, nayyajmájpdsumáná ká'um, per ja di'ibu yajmájpdsumáampy ja di'ibu tá tyuk'ane'emyuty, yu'u dán káxp táy'ajtán es ni wi'ix tsow kyaj jyiky'aty axuuk.

¹⁹Moisés yu'u dán mmooyáda ja ana'amún, es ni tu'uk miits xykyamámúdwudá es xykyakuydyundá ja 'yana'amún. ¿Es ti kots miits xyá'ooga'andá?

²⁰Net ja ja'ayuty 'yadsoodá:

—¿Mújku'u mij mbajúdjttá! Tá mloku. ¿Púná dán mij mya'oogáná?

²¹Jesús 'yadsooy:

—Müt ko saábudá xuú tu'ugá yedyujk nya'agudákuyts, paaty dá'uñ mwá'umadya'aydyá. ²²Mjuna'andá ko Moisés yu'u dá'un mduk'ana'amudá es xytsyúktá waaná má ja yedyujk'ajtán yu mmaangu'unguty, oy dá'un ja m'aptújkuty di'ibu yajtsondák éxtám jaayám yajtún, kyaj yu'adyá Moisés. ²³Miits mdsujktá yu mmaangu'unguty oy syaabúdwuty éxtám jyuna'añ ja Moisés 'yana'amún. ¿Es ti ko mjot'ambáktá müt kots tu'ugá yedyujk nya'agudaktaay saábudá xuú? ²⁴Miits mjunándá ko 'yóyuty pún saábudá xuú mduundá di'ibu Moisés mduk'ana'amudá. Per kots új nya'agudá'aky

saabudu xuu tu'ugu ja'ay, miits mjanándup: “iKyaj 'yóyuty!” Es du'un ya'ixy ko kyaj 'yóyuty di'ibu mbayo'oydyup.

Jesús tnigajxy pæn ma tsooñ

²⁵Net nidu'uguty ja ja'ayuty di'ibáty tsunaaydyup jap Jerusalén ñayyajtuumjudu:

—¿Ti kyaj jya'ajudyu tyaadu di'ibu 'yuxtaaydyup es trajudittu es dya'ooga'andu? ²⁶Pes tuxim mayja'ayóty kyajxy, es ni pún wi'ix kya'anu'amxudu. ¿Ti wa'anu justisutujkuty tmubuktu ko tyaadu tyay'ajtanuty ko yu'udyu Kristu?

²⁷Es wiingátypyu jyunandu:

—Kyaj. Kyaj mbaat, ja'a ko udsajtum nidugekyu nnija'am ma kyugajpnudyu tyaadu. Ko myínut ja Kristu, ni pún tkanijáwut ma tsooñ.

²⁸Ko naty ya'uxpeky muj tsajptujk ñabotsoty, net jyunán muk:

—Byeen xy'oknija'anudu miidsuty pándsu du'un uj es mats ndsooñ. Per uj kyajts ngu'am winma'añ nmíñts. Ja'a di'ibu tuya'ajtanduump xykyajxpts. Miits kyaj xy'ixy'attu. ²⁹Uj situy n'ixy'ajtypyuts, mut ko jámats ndsooñ ma yu'u, es yu'uts tu xykyexy.

³⁰Net tjamatsandu es tjarujta'agándu pujxndugóty. Per ni pún tkamajtsy, mut ko kyajnumu naty tpaaty ja xyuu 'yooru. ³¹May ja ja'ayuty di'ibu myubujktu ja Jesús ñayjyuna'anudu:

—Tyaadu du'un ja Kristu di'ibu minaamp, mut ko ni pún mbaat xykyatuk'ijxum yu ijxwu'umun di'ibu myudajtypy ja muj'ajtan di'ibu tyiimpy es tu xytyuk'ijxum.

Fariseeuty tmatsa'andu ja Jesús

³²Ja fariseeutyjkuty tmudoodu ko ja ja'ayuty du'un jyuna'andu. Paaty yu'ujuty es ja teedywyindsandujk ttuk'ane'emy ja muj tsajptujk kwentú'ajtputy es tmátstut ja Jesús.

³³Net ja Jesús jyunán:

—Waanuts n'ita'añ yaa mut miidsuty, es óknams njumbita'añ ma di'ibuts tu xykyexy. ³⁴Xy'uxta'aydyupts miidsuty es kyajts xypyaattut. Kyaj mbaat mnajxtu mats uj nnejxy.

³⁵Net ja israelítuty ñayjyuna'anudu ak yu'ujuty:

—¿Ma da ñujxa'añu tyaadu ko kyaj nbátum? ¿Wa'anu da ñujxa'añ ma ja nmugugajpn'ajtam di'ibu ijttup grieeu ñaaxóty es dya'uxpuka'añ nandu'un ja grieeu ja'ayuty? ³⁶¿Ti dun yu taadu myadyakypy di'ibu tu xy'anma'ayum ko jyuna'añ?: “Xy'uxta'aydyupts, per kyajts xypyaattut. Kyaj mbaat mnajxtu mats uj nnejxy.”

Jiky'ajtan kyaj kyexy ñaxy di'ibu Jesús yajkyry

³⁷Ma ja muj xuu kyugujxunu, net ja Jesús tyunaaye'ky es jyunán jantsy muk:

—Pun ja pún tyuudsu, wa'ants xyñimín; es di'ibátyuts xymyubujkp, wa'an tnu'iiky. ³⁸Du'un éxtum ja Diosu jyaaybyajtan jyuna'añ, di'ibuts xymyubujkp, du'un ja'a éxtum myúxut jyodoty ja kom nuu di'ibu yajjiky'ajtp.

³⁹Es mat yu'u ja Jesús 'yandijpy ko di'ibu mubujkxup, di'ibu panujxup, yu'u du'un ja Dios mo'oyudup ja Espíritu Santu. Per kyajnuma naty jya'ty ya naxwiiñ ja Espíritu Santu, ja'a ko Jesús kyajnuma naty jyambity tsajpótm.

⁴⁰Es ko ja ja'ayuty tmadoodu tyaadu, tap naaguty di'ibu junandu:

—Jantsy tui'ajtunduma du'un ko tyaadu du'un ja Diosu kyugajxpu di'ibu minaamp.

Ja'ay ñaybyujkwaxudu

⁴¹Wiingátypu ja'ayuty junandu:

—Tyaadu du'un ja Kristu.

Es ja wiingátypu junandu:

—Kyaj, ja'a ko kyaj ja Kristu jámup tsoona'añ Galileeu ñaaxóty. ⁴²Du'un ja Diosu jyaabyajtun jyuña'añ ko yu Kristu yu'u tyuump 'yaats ja rey Davit es Belén kyugajpn'átut, ma myiiñ jyajty yu rey Davit.

⁴³Es du'un ja ja'ayuty ñaywya'xudu majtsk peky. ⁴⁴Wiinkputy jyatsojk esxup yajtsímy, per ni pán du'un tkatuuñ.

Fariseeuty esu teedywyindsúnuty kyaj tmubuktu ja Jesús

⁴⁵Net ja muj tsajptujk kwentu'ajtputy jyumbijttu ma ja fariseeuty es ja teedywyindsúnuty. Ta yajttuujudu:

—¿Ti ko tu xykyayajmíndu?

⁴⁶Net ja polusiuty 'yadsoojudu:

—¿Ni pánu du'un kyakajxyñam éxtumu tyadu ja'ay!

⁴⁷Net ja fariseeuty t'anmaay ja polusiuty:

—¿Tii nan tu mnayyákudu es tu mwin'uuñuty? ⁴⁸¿Ma mij xy'ok'ijxpu ko nidu'ugu njustisu'ajtam o nidu'ugu fariseeu ja'ayuty tmubeky? ⁴⁹Es yu ja'ayuty di'ibu kyanija'adup wi'ix ja Diosu jyaabyajtun jyuña'añ, kajxpéky ja'a 'yittu.

⁵⁰Nikodemu di'ibu naty koots tu tni'otsy ja Jesús, tapu naty nandu'un. Ta yu'u junáñ:

⁵¹—Extum xytyuk'ijxum ja n'ana'amun'ajtam ko kyaj mbaat ndaydu'unum pán di'ibu kyaj jawyiin nmado'om es n'ijxum ti dun yu'u tyiimpy axuuk.

⁵²Di'ibu naty jáputy 'yadsoojumbijtudu:

—¿Tii mij nan mgalileeuja'ayu? Uxruk ja Diosu jyaabyajtun es xy'ixut ko ni tu'ugu Diosu kyugajxpu kyamiñ Galileeu.

⁵³Net ja ja'ayuty yo'oywya'xtu es nidu'uk nidu'uk ñajxtaaydyu ma ja tyujkaty.

Toxytyujk di'ibu yajtugeepy ja pujk úkunu wyindsu'kun

8 ¹Es ja Jesús pyatujku ma ja Oliivus Kopk.

²Jakumbom ko xyuuñu ja Jesús tyujku jatugok muj tsajptujk ñabotsoty. Ta myiindu ja ja'ayuty es ttuknabíkudu ja Jesús, es ja Jesús ñaxwe'tsy es dyajtsondáky ja 'yuxpujku. ³Net ja fariseeuty es di'ibuty tsajptugóty ya'uxpujktup dyajmiindu tu'ugu toxytyujk di'ibu tu yajkubaadu ko dyajtugóty ja pujk úkunu wyindsu'kun. Ta tpujtáktu kujk'am ma ja ja'ayuty. ⁴Ta t'anmaaydyu ja Jesús:

—Ya'uxpukpɛ, tyadu toxytyujk tu yajkubaadu ko dyajtagóy ja pɛjk úkɛnɛ wyindsɛ'kɛn. ⁵Yɛ Moisesu 'yana'amɛn xytyuk'ana'amdɛpts es nguka'adsudɛts es 'yoogut yɛ dɛ'ɛmbɛ toxytyujkaty. ¿O wi'ix mij m'okjunaambu?

⁶Dɛ'un jɛnandɛ es tɛjta'aktɛ ja pyeky es dɛ'un mbaat tni'ɛnɛdɛ. Ta Jesús wyindaky es jyaay naxkɛjxy mɛt tu'ugɛ kyɛwa'xyɛ. ⁷Es ko yajtuujumbijtɛdɛ, ta Jesús kyujkɛ jatɛgok es t'anmaaydyɛ:

—Miidsaty nidu'uk di'ibɛ kyajpɛ pyojpɛ, wa'an tu'ugɛ tsaa ttukka'atsy jawyiinɛ tyadu toxytyujk.

⁸Ta wyindaky jatɛgok ja Jesús es 'yakjaay naxkɛjxy. ⁹Es ja'ajuty ko tyadu tmɛdoodɛ, net ñayjya'adu éxtɛm ñayñi'ɛnɛdɛ kɛ'ɛm. Net pyudsɛmɛdɛ nidu'uk nidu'uk, tsyondaky mɛt ja waanɛ mujja'aybyɛ es ttukkugɛjxɛ mɛt ja waanɛ unɛ'kɛn. Es ko oj pyudsɛmɛdɛ'aydyɛ, net ja Jesús oj wye'emy nimajtsk mɛt ja toxytyujk. ¹⁰Net ja Jesús wya'kkujkɛ jatɛgok es t'ijxy ko kyajɛ naty mɛ pɛn, ja'ayɛ ja toxytyujk naydu'u'uk. Net ja Jesús t'anmaay ja toxytyujk:

—Nitɛ, ¿mɛ net ja di'ibɛ mni'ɛ'unɛdɛp? ¿Ni pɛn tɛ mgatukkumɛdóyuty?

¹¹Ta ja toxytyujk 'yadsooy:

—Windsún, ni pɛn.

Net ja Jesús t'anmaay ja toxytyujk:

—Es ni ɛjts mij ngatukkumɛdówɛt. Nɛjxnɛ tyam es katɛ mnakpyekytyúñ.

Jesús éxtɛmɛ jajɛn mɛ naxwíñɛdɛ

¹²Jesús óknɛm jatɛgok t'anmaay ja ja'ayuty:

—Ejtsɛ dɛ'un éxtɛm tu'ugɛ jajɛn di'ibɛ ñɛ'ɛmeepy tyu'umeepy nidɛgekyɛ naxwíñɛdɛ ja'ay. Tɛgekyɛ di'ibɛts xyɛyaduump es xyɛyanɛjxp, dɛ'un yɛ'ɛjuty éxtɛm di'ibɛ jɛdijttɛp nɛ'am tu'am mɛt ja jajɛn, es kyaj kyunap kyujɛ'pxɛt éxtɛm ja di'ibɛ jɛdijtp kubi'its ku'ook.

¹³Net ja fariseeuty 'yadsoodɛ:

—Mij kɛ'ɛmɛ m'ayuk xyñikajxpéty, dɛ'un kyaj tyuñ.

¹⁴Net ja Jesús 'yadsooy:

—Oyɛts ɛj n'ayuk nnikajxpéty, tuump ja'a, mɛt ko ɛj nnija'ɛbɛts mɛts ndsooñ es mɛts nnejxy. ¹⁵Miits xyɛyayo'oydyɛpts éxtɛm kyɛxe'eky. Kyaj xyɛyayo'oydyɛ éxtɛm tyɛy'ajttɛnuty. Eɛj ni pɛnɛts ngapayo'oy. ¹⁶Per kots ɛj pɛn nbayo'oy, mɛt ja tɛy'ajttɛnts ɛj n'anɛmɛ, mɛt ko ɛj kyajts naydu'u'uk ti nbayo'oy, ɛjtsɛ dɛ'un mɛdɛdsɛ nDeety. Paaty nimajtskɛts ɛdsɛty. ¹⁷Mɛ miits ja m'ana'amɛnuty jaaybyéty 'yity: “Pɛn ja nimajtskɛn ja testiigu t'i'igyɛ kyajxtɛ, yɛ'u dɛn nmɛbɛjkmɛ.” ¹⁸Pes ɛjtsɛ dɛ'un kɛ'ɛm nayñidestiigu'ajttɛp, esɛ nDeedyɛts di'ibɛts xykyajx, yɛ'u dɛn jatɛ'ugɛ testiigu.

¹⁹Net ja ja'ayuty yajtuujɛdɛ:

—¿Maa dɛn net ja mDeety?

Jesús 'yadsooy:

—Kyajts miits xy'ixy'attɛ, es nan ni nDeedyɛts xykyax'ixy'attɛ. Kooxyɛpts miits xy'ixy'attɛ, nan m'ixy'ajttɛpxyɛpts yɛ nDeedyɛts.

²⁰Tyaadu oj tkajxy ja Jesús ko naty ya'uxpeky ma ja muj tsajptujk ma jap 'yity ja limosna abujkun. Es ni pún kyamajtsudu esxyap yajnejxyuty pujxndugóty, mat ko kyajnuma naty tpaaty ja xyua 'yooru.

“Mats uj nnujxa'añ, kyaj miidsuty mbaat mnujxtu”

²¹Net ja Jesús t'anmaaydyu jatugok:

—Uj nujxnupts, es miits xy'uxta'aydyupts, es m'ooktup mat ja mbojpaty. Kyaj mbaat mnujxtu mats uj nnejxy.

²²Net ja israelítuty ñayjyuanánuda:

—¿Wa'anu da ñayya'ooga'añaty? ¿Paaty jyuna'añ ko kyaj mbaat njo'omum ma y'u'u ñejxy?

²³Jesús t'anmaaydyu ja ja'ayuty:

—Miidsudyu du'un di'ibu ya naxwiin tu mmin tu mja'ttu, per ujtsu du'un di'ibu tsajpótm kudakp. ²⁴Paaty miits n'anuumada ko m'ooktup pekymuut, ja'a ko pún kyaj xymyubuktu es ujy du'un éxtumts njuna'añ, m'ooktup pekymuut.

²⁵Net yajtuujjuda:

—¿Mbúnxu dan mij?

Jesús 'yadsooy:

—Jawyíñupts miits tu n'anuumada. ²⁶Máyñumts ngakajxy es ngapayo'oyñumts miidsuty. Per ja di'ibuts tu xkykýxyuats, ja'a du'un junaamp tuj'ajtun, es di'ibuts uj n'anmaapy ja ja'ayuty, y'u'u di'ibuts tu nmudoy tkajxy ja di'ibuts tu xkykýxyuats.

²⁷Per ja israelítuty kyaj tjaygyúkudu ko ja Jesús jya'anu'umxudu ko y'u'u du'un U'unk'ajtup ja Dios. ²⁸Paaty ja Jesús t'anmaaydyu jatugok:

—Kots miits xpyujta'aktat kujxm, nétats miits xy'uxkáptudats ko ujtsu du'un éxtumts miits nja'anuumada ko uj kyajts ti nduñ mat ja ngu'um winma'añats. Ndiimbyuats ja'ayu di'ibuts ja nDeedyuats tu xtyyukni'ixu. ²⁹Di'ibuts xkykajx, du'añam 'yity mat uj. NDeedyuats kyajts naydu'uk xyñas'ixu, ja'a kots du'añam nduñ di'ibu y'u'u tseyjpy.

³⁰Ko tyaadu du'un jyunañ ja Jesús, may di'ibu myubujkta.

Diosu 'yu'unguty esu mujku'ugópku 'yu'unguty

³¹Net ja Jesús t'anmaaydyu ja israelítuty di'ibu mabujkxudu:

—Pún mbadiimpy éxtumts miits n'anuumada, n'uxpajkpu'átupts miidsuty, ³²es m'ixy'áttup ja tuj'ajtun, es yu tuj'ajtun y'u'u myajw'u'umudup awa'atstuuy.

³³Net ja fariseeuty 'yadsooda:

—Ujtsu du'unuty ja tyuump 'yaadsuty ja Abraan, es ni na'añumts pún xkyyatuumba'áty. ¿Wi'ix mij mjuna'añ ko xyajw'u'umut awa'atstuuy?

³⁴Jesús t'adsooy:

—Jantsy tuj'ajtunats miits n'anuumada, pún tu'ugu ja'ay naygyuyajkup jyiky'átat mat ja pyekey, pes taa du'un myumada'agyuty ja pojpu es du'un 'yity éxtum njuna'anum ja pojpu tyuumba juybyu. ³⁵Es yu tuumba juybyu, kyaj y'u'u 'yity éxtum ja windsana 'yu'unk. Ja u'unk ja'a du'un winu xuu winu tiempu w'u'ump éxtum ja tyaak tyeedyu 'yu'unk. ³⁶Paaty pún

ja Diosu 'yU'unĸ myajw'u'umudu awa'atstuuy, tų'ajtun ko awa'atstuuy myajw'u'umudu. ³⁷Tuts nnijawu ko Abraan miits m'ok'átudu. Per xya'oogándupts mut ko kyaj xykyupuktu éxtumts miits nja''anuumudu. ³⁸Uj yu'uts ngajxypy di'ibudsu nDeety tų xytyuk'ixy. Es miits xytyundu nandu'un éxtum ja mdeedyuty tų m'anu'umxudu.

³⁹Net ja israelítuty 'yadsooda:

—Ujtsu du'un Abraan ndeety'ajtup.

Es ja Jesús 'yadsooja:

—Kooxyup miits m'u'unĸ'átudu Abraan, yu'uxyup mduundup di'ibu yu'u tyuun. ⁴⁰Oyuts miits tų nja''anuumudu ja tų'ajtun di'ibuts uj nmudoo ma Dios, xya'oogándupts miidsuty. Abraan ni na'a du'un kya''adutsy. ⁴¹Miidsuty nandu'un m'adu'utstu éxtum ja mdeety 'yadu'utsy.

Ta 'yadsooda:

—Udsuty nmudajttupts ja nDeety ti'igy, yu'u Dios. Kyajts udsuty nbuxyky'attu.

⁴²Jesús t'adsoojumbijty:

—Kooxyup tyu'ajtanuty ko Dios miits xytyeety'áttu, pes xytsyojktupxyupts miidsuty, mut ko uj nmiñuts mut yu Dioskyajxm. Kyajts tų nmiñ mut ja ngu'am winma'añuts. Mut ko ja Dios tų xykyéxyuts, paadyuts tų nmiñ.

⁴³¿Ti ko xykyajgyúĸudu di'ibuts miits nja''anmaaydyup? Ja'a ko kyaj xymudowa'andu di'ibuts uj ngajxwa'xy. ⁴⁴Miidsuty mujku'ugópk mdeety'ajttup es yu'u miits mja'a'ajtudup, es ja'a miits mduundup di'ibu yu'u tseyjy. Yajja'ay'o'kpmu'u jawyñup es kyaj ti ttuñ di'ibu tų'ajtun. Ni na'a kyakajxy mut ja tų'ajtun. Ko 'yanda'aky, ky'uam ja'a yu'u kyajxypy, ja'a ko andakp yu'u, es yu'u yajtsondáĸ ja andakun. ⁴⁵Es mut ko tų'ajtun miits n'anuumudu, paaty kyaj xymyubúktuts. ⁴⁶¿Pún miidsuty nidu'uk dyajniĸxu'uĸut kots uj nmudaty ja nbojpu? Es pun tų'ajtun di'ibuts uj ngajxypy, ¿ti ko xykyamubuktut? ⁴⁷Di'ibu ja'a'ajtup ja Dios, myudoo'ijtypy ja Diosu 'yayuk. Per kom miidsuty kyaj mja'a'átudu ja Dios, paaty kyaj xymyudoo'ita'andu.

Taayumu naty ja Kristu ko kyajnum ja Abraan

⁴⁸Net ja israelítuty jyunandu:

—Tų'ajtun éxtumts mij n'anuumudu ko mij msamaritánuty es mmudajtypy ja ka'oybyu.

⁴⁹Esu Jesús 'yadsooy:

—Kyajts uj nmudaty ja ka'oybyu. Di'ibuts ndiimpy, yu'u yajniĸuxe'kypy ko nwindu'kupts ja nDeedyuts, es miits kyajts xywyindsu'uĸudats.

⁵⁰Uj kyajts n'axta'ay púnuts xywyindsu'uĸup. Jaa'ajtp pún tseyjpy esuts windsu'uĸu n'ítut, yu'u du'unuts xypyaye'epy. ⁵¹Jantsy tų'ajtanuts miits n'anuumudu ko di'ibu pyadiimpy éxtumts n'anuumu, ni na'a kya'oogut.

⁵²Ta ja israelítuty 'yadsooda:

—Tyam tų'ajtun udsuty njuna'añ ko mij mmudajtypy ja ka'oybyu. Abraan es ja Diosu kyugajxputy nidugekyu 'yo'ktaaydyu, es mij mjuna'añ: “Di'ibu pyadiimpy éxtumts n'anuumu, ni na'a kya'oogut.” ⁵³¿Tii wa'anu

da mij waanu ni'igu mmájuty es kudiinumsu ndeety Abraan? Yu'u o'k, es ja Diosu kyugajxpraty nandu'an 'yo'ktu. ¿Narúná da'an mij mnaybuyta'agyuty?

⁵⁴Ta Jesús 'yadsooy:

—Pun ujts ku'am naymyujpújtáku, kyaj ti tsooty. Per di'ibuts tu xymyo'oy ja maj'ajtán, yu'u nDeedyuts di'ibu miits nandu'an mjánándup ko yu'u xyDyios'attu. ⁵⁵Per miits kyaj xy'ixy'attu. Uj situy n'ixy'ajtypyuts. Kooxyupts uj njána'añ kots kyaj n'ixy'aty, nugooxyupts uj n'okpi'tskajxna éxtum miidsuty. Per uj situy n'ixy'ajtypyuts, es nguudyiimbyuts éxtum yu'u dyajnigutúku.

⁵⁶Ja m'aptújk Abraan 'yixán ja tiempu mats uj nmiiñ ya naxwiiñ. Nugoo oj 'yokxondakna ko oj t'ixy.

⁵⁷Net ja israelítuty t'anmaaydyu ja Jesús:

—Ni justyikxymyájk jamujnum xkyamudaty, ¿es mjána'añ ko tu xy'ixy ja Abraan?

⁵⁸Jesús 'yadsooy:

—Jantsy tuj'ajtunuts miits n'anuumudu, taayumsu naty uj ko yu Abraan myiiñ jyajty.

⁵⁹Net tkonu'ktu ja tsaa es tjatukka'adsándu ja Jesús. Per ja Jesús ñayyu'tsu es tso'oñ ma ja maj tsajptújk, mayjya'ayóty ñajxy es ñajxna.

Jesús dya'ijxpéky di'ibu wiints jajt naxwiiñ

9 ¹Ko ja Jesús ñajxy ma tu'ugu lugaar, japu naty tu'ugu yedyujk di'ibu tu myiiñ tu jya'ty ya naxwiiñ wiints. ²Net ja Jesusu 'yuxpújkpraty yajtuujudu:

—Windsún, ¿ti ko da'an jyajty ya naxwiiñ tyadu yedyujk wiints?

¿Wa'anu da yu'ujaty mut ja tyaak tyeety ja pyojpu, o mut ja kyu'umbojpu?

³Esu Jesús 'yadsooju:

—Kyaj yu'ujaty mut ko pyojpu ku'am tmudaty es ni kyaj yu'ujaty mut ko tyaak tyeety pyojpu ja'ayuty, ja'a taadu es ya'ixut di'ibu ja Dios tyiimpy.

⁴Ko 'yakxuñumaty, mbaadats n'aktúñ ja tyuunk di'ibuts xkyajx. Miimp ja koots it ma kyaj mbaat pún tyuñ. ⁵Kots uj n'ak'ityñum ya naxwiiñ, ujtsu da'an di'ibu kyude'xypy ja naxwiiñudu ja'ayuty.

⁶Ko tyaadu da'anu Jesús jyunáñ, net ñastsuju naxkujxy es dya'e'ky waanu mo'onts mudu tsuyjy. Ta ttukwingutse'ky ja wiints. ⁷Net ja Jesús 'yanmaay:

—Nujx mwimbujy ma yu Silo'ee pilu (di'ibu ayuk wimbudsuump Tu Yajkéxy).

Ta ja wiints oj wyimbujy. Net oj 'yijxpéky es ñejxy ma tyujk. ⁸Net ja di'ibu ijty wiints ja myudajkpa'ajuty es ja di'ibu naty tu 'yixudu ñayjyunánudu:

—¿Ti kyaj jya'ajudyu tyadu yedyujk di'ibu tu 'yity naxwa'tsp es t'amdo yu limosna?

⁹Nidu'uguty jyunandu:

—Ja'adsu tyaadu.

Wiinkpraty jyunandu:

—Kyaj jya'ajuty, nadu'un kyuxe'eky.

Per ja yedyujk ku'am 'yadsooy:

—Ujtsu du'un.

¹⁰Net dyajtuudu:

—¿Wi'ix tyam mbaat m'ixy?

¹¹Ta ja di'ibu naty wiints 'yadsooy:

—Ja yedyujk di'ibu xya'ajtypy Jesús, yu'u waanu mo'ondsunk tu dya'eeky es tu xytyukwingutse'egyuts, es tu xy'anuumats: “Nujx ma yu Silo'ee pilu es mwimbújat.” Tats oj nnejxy es tu nwimbujuuts. Nétuts tu n'ijxpeky.

¹²Net ja ja'ayuty 'yanmaayudu:

—¿Maaxu net ja yedyujk?

Ta 'yadsooy ja di'ibu tu 'yijxpeky:

—Kyajts nnijawu.

Fariseeuty dyajtuw dyajtuda'aktu ja ja'ay di'ibu wiints tu 'yity

¹³Net tmunujxtu ja di'ibu naty tu 'yijxpeky ma fariseeuty, ¹⁴ja'a ko ja Jesús dya'e'ky ja mo'ondsunk ma ja israelítuty ja pyo'xunxuu es dya'ijxwa'xy ja wiints. ¹⁵Net ja fariseeuty dyajtuy ja yedyujk, ja di'ibu naty tu 'yijxpeky:

—¿Wi'ixu du'un ko tyam mbaat m'ixy?

Ta 'yadsooy ja di'ibu naty wiints:

—Yu'uts waanu mo'ondsunk tu xytyukwingutse'egyuts, oj nwimbuju, es tyam n'ijxpuuts.

¹⁶Nidu'ugudyu fariseeuty jyunandu:

—Tyadu yedyujk di'ibu du'un tu ttuñ, kyajpu Dios jya'a'átyuty, mut ko kyaj tu twindsu'ugu ja po'xunxuu.

Es wiingátypyu jyunandu:

—¿Wi'ix mbaat ttuñ ja ijxwu'umun di'ibu myudajtypy ja muj'ajtun di'ibu tyiimpy pun yu'u pekyjya'ay?

Esu du'un kyaj ti'igyu winma'añ tmudattu.

¹⁷Net jatugok dyajtuudu ja di'ibu naty wiints:

—Es mij, ¿wi'ix nandu'un m'okjunaambu mudu tadu yedyujk di'ibu tu mmo'oyuty yu m'ijxun?

Net ja'a 'yadsooy:

—Pes uj junaambats ko yu'udyu Diosu kyugajxpu.

¹⁸Per ja israelítuty kyaj tmubukandu ko naty ja ja'ay tu 'yity wiints es ko tuu 'yijxpeky. Net oj twowdu ja tyaak tyety ja di'ibu naty wiints. ¹⁹Net dyajtuudu:

—¿Mijtsu tyadu m'u'unk di'ibu mjánandup ko jyajty naxwiñ wiints? ¿Wi'ixu du'un 'yixyuty ko tyam mbaat 'yixy?

²⁰Net ja u'unkteety u'unaktaak 'yadsoodu:

—Tuy'ajtun ko uudsudyu tyadu n'u'unk di'ibu miin jajt wiints.

²¹Per uudsuty kyajts nnijawudu wi'ixu du'un ko tyam mbaat 'yixy es ni nganijawudats punu du'un tu ya'ijxpekyuty. Yajtuwdu yu'u. Muj ja'ay muj unak yu'u. Wa'an mdukmumadya'agyuty yu'u.

²²Ja tyaak tyeety jyunandu du'un mut ko ja teedywyindsúnaty ttsu'ugadu, ja'a ko tu naty nandu'un ñaygyajxudu ko kudiibu ñakykyupúkudut tsajptugóty oytyim pánuty di'ibu junaamp ko yu Jesús yu'u ja Kristu. ²³Paaty ja tyaak tyeety jyunandu: “Yajtúwdu yu'u. Mujja'ay muj'ana'k yu'u.”

²⁴Net ja israelítuty tñigajxu jatugok ja yedyujk di'ibu naty wiints. Ta t'anmaaydyu:

—Kajx táy'ajtun, mut ko uudsuty nnija'adapts ko tadu yedyujk pyojpaja'ayuty.

²⁵Ta 'yadsooy di'ibu naty wiints:

—Kyajts uj nnijawu pun pekyjya'ay o kapekyjya'ay yu'u. Di'ibuts oy nnijawu, ja'a kots uj tu n'ity wiints es tyam ijsxuts.

²⁶Net ja fariseeuty t'anmaaydyu:

—¿Wi'ix tu mdúñuty? ¿Wi'ix tu mmo'oyuty ja m'ijxun?

²⁷Ta 'yadsooy ja yedyujk:

—Tuts miits nja'anamudu es kyaj xytyundu kwentu. ¿Ti ko miits xytsyoktu es uj jatugok nnikajxpátudats? ¿Wa'anu da miidsuty nandu'un xpyanajxa'andu?

²⁸Net ja israelítuty t'oodu es t'anmaaydyu:

—Mij mbanejxpyu tadu yedyujk. ¡Uudsuty kyaj! Uudsuty yu'uts mbanajxtup yu Moisés. ²⁹Uudsuty nnija'adap ko yu Moisés myugajxu Dios. Kyajts nnijawudu ma tadu yedyujk tsyoon.

³⁰Ta 'yadsooy ja di'ibu naty wiints:

—¡Tim tugatsy mut ko mjuna'andu miidsuty ko kyaj xyñijawudu ma tyadu yedyujk tsyoon di'ibuts uj tu xymo'oy yu n'ijxunuts! ³¹Nnija'am yajxon ko Dios kyaj tmudoo'ity ja pekyjya'ayuty, ja'ayu myudoo'ijtypy ja di'ibu awdajttup es tkuydyundu ja di'ibu Dios tsyejpy. ³²Ni na'anam pán tkamadya'aky ko jyaaty di'ibu myeepy yu 'yijxun tu'ugu ja'ay di'ibu wiints ya naxwiin tu myiin tu jya'ty. ³³Kooxyabu tyadu yedyujk tu kyamiñ Dioskyajxm, kyajxyup mbaat ttuñ ni tii.

³⁴Net ja israelítuty 'yadsoodü:

—¿Wi'ixuts uj mij xya'uxpuka'andu?, di'ibu tu mmiñ naxwiin amuj pojpu ja'ay. Net kyaj t'okkupajknudu tsajptugóty.

Pánuty ijttup éxtamu wiints

³⁵Myudoo Jesús ko kyaj t'okkupajknudu ma ja tsajptujk ja di'ibu naty wiints. Es ko Jesús mut ñaybyatu di'ibu naty wiints, ta dyajttuy:

—¿Mmubejkypy mij ja Naxwiñudu Ja'ayudyu Kyudanaabyu?

³⁶Net ja ja'ay 'yadsooy:

—Windsún, anmaagyats púnu dun yu'u, esats nmubákut yu'u.

³⁷Jesús 'yadsooy:

—Ujtsu du'un. Tu xy'ixy es tyam nmamadya'aky.

³⁸Net ja ja'ay ñaygoxtanaaydyáku Jesús wyinduuy, es jyunáñ:

—Windsún, nmubejkyppyats mij.

³⁹Netu Jesús 'yadsooy:

—Ujts tu nmiñ esats uj ja ja'ay nbayo'oydyut, es nmo'oya'añuts ja 'yijxun ja wiindsuty es nyajjumbítudats wiints ja di'ibu junándup ko yu'u 'yixtu.

⁴⁰Nidu'uguty ja fariseeuty di'ibu naty muut jap ko tyaadu tmudoodu, net jyunandu:

—¿Wa'anu da uudsuty nandu'un nwiints'attu?

⁴¹Jesús 'yadsooy:

—Kooxyup miits mwiints'attu, kyajxyup miits ja peky xymyudattu. Per kom mjanandup ko m'ixtu, pes mmudajttup ja peky.

Borreegu kwentu'ajtpu mudu byorreeguty

10 ¹Jantsy tų'ajtanuts miits n'anuumadu, di'ibu kyaj tyaku ma korral aan es pyuty wiink tsoo, yu'u du'un ja ma'tspu. ²Per di'ibu tųjkup ma korral aan, yu'u du'un ja borreegu kwentu'ajtpu. ³Ja korral aa adunaabyu ya'awatsxup ja borreegu kwentu'ajtpu, es ja borreegu kwentu'ajtpu dyaxu mut ja xyuu ja byorreegu, esa borreegu pyudsamdu jap korraloty, ja'a ko dyo'kmudoy di'ibu kwentu'ajtpu. ⁴Es ko naty tu dyajpudsuumda'ay tugekyu, ta twinyo'oyu, es ja byorreegu pyanujxudu mut ko yo'kmudoyuty. ⁵Per tu'uk di'ibu kyaj t'ixy'aty, ni'igu tkuge'eky, mut ko kyaj dyo'kmudoy ja di'ibu kyaj t'ixy'aty.

⁶Du'un jyunan ja Jesús, per kyaj tjaygyujkudu ja ja'ayuty di'ibu ja Jesús 'yandijpy ma ja myadya'aky.

Jesús éxtamu oybyu borreegu kwentu'ajtpu

⁷Paaty ja Jesús jyunan jatugok:

—Jantsy tų'ajtanuts miits n'anuumadu ko ujtsu du'un éxtam ja korral aa ma naxtu ja borreegu. ⁸Nidugekyu di'ibu jawyiin miindu es jyunandu ko yu'u Dios kyéxyuty, ma'tspaty yu'u. Per ja ja'ayuty di'ibuts uj nborreegu'ajtypy kyaj tyuunudu kwentu. ⁹Ujtsu du'un ja korral aa. Di'ibu tųjkup ma uj, yu'u nitso'ogup éxtam ja borreegu ko tyaku tsuu ma kyorral es pyudsemy ja'xpu jépyup. ¹⁰Yu ma'tspaty myindu je'eyu es myaadsa'andu es ya'ooga'andu es yajkutugoya'andu, per uj tu nmínuts es ja ja'ayuty tmudáttut ja jiky'ajtan, es tmudáttut ja jiky'ajtan muj wiin kajaa.

¹¹Ujtsu du'un ja oybyu borreegu kwentu'ajtpu. Yu oybyorreegu kwentu'ajtpu kyu'oogup ja byorreeguty. ¹²Yu muduumbu ja'ayu je'eyu wyinma'añ'ajtypy ja myuju'uñ. Ko kyaj yu'ujuty ja borreegu kwentu'ajtpu es kyaj tj'a'a'aty ja borreegu, paaty ko t'ixy myiñ ja waxka'uk, netyu kye'eky. Net ja waxka'uk tmatsy ja borreegu nidu'uk es nidugekyu dya'agakwa'xta'aydyu mut ja tsu'ugu. ¹³Paadyu tadu muduumbu kye'eky, ja'a ko myujyudyuñ, es kyaj tkwéntuty ja borreeguty.

¹⁴Ujtsu du'un ja oybyu borreegu kwentu'ajtpu. Uj n'ixy'ajtypyuts ja nborreeguts es nan xy'ixy'ajttupts yu'ujuty, ¹⁵éxtam ja nDeedyuts xy'ixy'átyuts es uj nandu'un n'ixy'átyuts. Nyajkypyuts ja njiky'ajtan mut yu'ugyujxmu nborreeguts. ¹⁶Nmudajtypyuts ja wiinkpaty ja nborreeguts mats jat'u'ugu ngorral, es nyajmínupts nandu'un ma tyaady. Xymyudowdupts uj yu'u, es tuk kajpu'uk 'yítut yu borreegu es ti'igyu ja kwentu'ajtpu.

¹⁷Dios, yu nDeedyuts, xytsyojkputs uj mut ko nyaka'añuts ja njiky'ajtan es n'axajyua'añuts jatugok. ¹⁸Kyajts púnú njiky'ajtan xpyujkut pún kyajts

uj nyaka'añ. Nmudajtypyuts ja muk'ajtun es nyákudats ja njiky'ajtun es n'axájudats jatugok. Tyaadu yu'uts xytyuk'ana'am yu nDeedyuts.

¹⁹Ko ja israelítuty tmudoodu tyadu Jesús ja 'yayuk, net oj ak ja'ajuty ñaygyajxytsyiigadu. ²⁰May di'ibu junandu:

—Myudajtypy ja ka'oybyu es loku yu'u. ¿Ti ko xytyunda kwentu?

²¹Peru wiinkruty junandu:

—Ni pún di'ibu myudajtypy ja ka'oybyu es kyajxat du'un. ¿Tii wa'anu da tu'uk di'ibu myudajtypy ja ka'oybyu tmo'oyut yu 'yijxun yu wiindsuty?

Israelítuty kyaj tmubuktu ja Jesús

²²Ja'a naty ja disyembra po'o ma ja ja'ayuty xyadundu ma yajmujtún ko yajkuni'xy ja muj tsajptujk jap Jerusalén. ²³Ja Jesús japu naty jyudity ma ja muj tsajptujk ma txu'aty Salomonga Tyujk Wiin. ²⁴Net ja israelítuty dyaj nabikudu ja Jesús es t'anuumadu:

—iNugoots njantsywyinmaydyu! ¿Ti kots tyam xykyadim'anuumadu wa'ats pun mijtsu du'un mGristu, o kyaj?

²⁵Net ja Jesús 'yadsooy:

—Tats njajuna'añ, es kyaj xymyubuktu. Di'ibuts uj ndiimpy mut ja kutujkun di'ibudsu nDeety tu xymyo'oyuts, yu'u yajniguxe'kypy yajxon es pándsu dun uj. ²⁶Per miidsuty kyaj xymyubuktu mut ko kyajts miits nborreeg'áttu. Extamts miits tu n'ok'anmaabyudu, ²⁷yu nborreeguts xyo'kmudoodupts, es yu'ujuty n'ixy'ajttupts es xypyanyjxtupts. ²⁸Uj nmeebyuts yu jiky'ajtun winu xuu winu tiempu, es ni na'a kyatugódyut; ni pánuts yu'u xykyapujkut. ²⁹Yu'uts tu xymyo'oy ja nDeedyuts di'ibu waanu ni'igu muj'ajtun tmudaty, es ni pún mbaat kyapujkxuty di'ibu myudajtypy kyuhjótó. ³⁰Dios Teety es uj, ti'igyu je'eyu uudsuty.

³¹Net ja israelítuty tkonu'ktu ja tsaa jatugok es tjakuka'adsandu.

³²Ta Jesús jyunañ:

—Tats may nduñ óyuty mwinduuy mut ja myuk'ajtunudsu nDeedyuts. ¿Di'ibu tyaadu miits xytyukkuka'adsandupts?

³³Ta ja israelítuty 'yadsoodu:

—Kyajts mij ndukkuka'adsa'andu mut ko ti oy tu xytyuñ, yu'u du'un mut ko tu xykyawindsu'ugu Dios mut ja m'ayuk. Mja'ay mij, es Dios mnaybyujta'agyuty.

³⁴Net ja Jesús jyunañ:

—¿Ti kyaj jyaabyétyuty ma ja Diosu jyaabyajtun ko Dios jyunañ?: “Miidsudyu du'un diósuty.” ³⁵Es du'un ja Diosu jyaabyajtun jyunañ ko diósuty pánuty ja Diosu naty tu tkexy ja 'yayuk. Es nnija'am ko yu Diosu jyaabyajtun yu'u du'un tuy'ajtun túnup. ³⁶Pes oy. Ujtsu du'un xywyin'ijx ja Dios es xykye'xyuts ya naxwiñ éxtamu kyudanaabyu. ¿Es wi'ix mbaat miits mjuna'andu kots uj Dios kyajts nwindsu'ugu mut yu'uyu kots njunañ ko ujtsu du'un ja Diosu 'yU'unk? ³⁷Pun kyajpats nduñ ja di'ibudsu nDeety tyiimpy, kyajts miits xymyubáktut. ³⁸Per pun tuy'ajtun kots uj nduñ ja di'ibuts ja nDeety tyiimpy, oy xykyamubuka'andu ja n'ayúkats, mubuktu ja di'ibuts uj ndiimpy, mut ko di'ibuts uj ndiimpy, yu'u mdukjaygyúkudup wa'ats ko ti'igyuts uj mut ja nDeedyuts, es yu'u ti'igyu mut uj.

³⁹Net jatugok ja israelítuty tjamatsandu ja Jesús, per oj ja Jesús yo'oyduygóy.

⁴⁰Net ja Jesús oj 'yawinnajxnu ma Jordán mājnu. Jap waanu 'yijty ma ja lugaar ma ja Fwangu naty tu yajnubéty tuuyur. ⁴¹May ja ja'ayuty oj ñajxtu ma ja Jesusun, es ñay'anu'umxudu:

—Oy ja Fwank Yajnuabajtpe tu tkatún ja ijxwu'umun di'ibu myudajtypy ja muj'ajtun, tuy'ajtun di'ibu myadyak mudu tyadu ja'ay.

⁴²May ja ja'ayuty di'ibu ma tadu lugaar tmubajktu ja Jesús.

Lázaru 'yeeky

11 ¹Ma ja Betañu kajpn, jap tu'ugu yedyujku naty pyékyuty di'ibu xyu'ajty Lázaru. Majtsku myuga'ax toxytyujk di'ibu xyu'ajttap Martu esu Mariiu. ²Tyadu Mariiu yu'u óknun tyuknitaam ja Jesusu tyeky ja aseytu di'ibu pa'ak xu'kp, es dyajtútsy mut ja wyaay.

³Net ja Martu esu Mariiu kyajxykyajxtu ma Jesús es t'anuumudu:

—Windsún, yu di'ibu mut oy mnaymyáuty mujta'aky pyékyuty.

⁴Ko tyadu Jesús tmudooy, net ja 'yuxpajkpty t'anmaaydu:

—Yu pya'amu Lázaru kyaj yajkutugoya'añaty mut ja o'kun. Dios tyunaampy du'un es ja ja'ayuty myuj'ixudut es t'awdátut ja Dios es uj, ja 'yU'unk.

⁵Oyu naty ja Jesús tjantsytsyoktu ja Martu esu Mariiu esu Lázaru, ⁶ko yu Jesús ya'anmaay ko Lázaru mujta'aky pyékyuty, jamajtsk xuu oj 'yakwe'emy ma ja lugaar ma naty 'yityun. ⁷Net t'anmaaydu ja 'yuxpajkpty:

—Jo'om jatugok Judee.

⁸Ja 'yuxpajkpty 'yadsoojudu:

—Ya'uxpajkpe, kyajnum jyeky ma jap ja israelítuty mjakuka'adsánudu. ¿Tii mnajxaamp jatugok jam?

⁹Jesús 'yadsooy:

—¿Ti kyaj tuy'ajtunaty ko yu xuu tmudaty majmajtsk oorú? Pes ko pún jyudity xuuñ, kyaj kyunáput, mut ko kyude'xyuty ja jajun di'ibu ja ya naxwiiñ. ¹⁰Per ko jyudity koots, kunajpup mut ko tugoy'ajtp ja jajun.

¹¹Oknun jyunáñ ja Jesús:

—Ja nmətnaymyaayubu'ajtam Lázaru tu myanaxy. Per nejxyuts n'ok'yuxy.

¹²Net ja 'yuxpajkpty 'yanmaayudu:

—Windsún, pən tu myanaxy, mubaaduba du'unu'u.

¹³Es ja Jesús ja'a jyamadyakypy ko naty ja Lázaru tu 'yo'knə, per ja 'yuxpajkpty, ja'a dun ttijy myadyakypy ja Jesús ja ma'ay. ¹⁴Net ja Jesús ttim'anmaaydu ja 'yuxpajkpty wa'ats:

—Lázaru tu 'yo'knə. ¹⁵Xondákrəts mut ko kyajtsu naty jap, mut ko du'un ni'igu 'yóyaty es miits xymyubáktut. Per jo'om n'ok'ijxum.

¹⁶Net ja Tomás di'ibu tyijpy Xeeñu'unk, t'anmaaydu ja myu'uxpajkpty:

—Jo'omdu nandu'un udsajtum es n'o'kun ti'igyu mut yu'u.

Jesús yajjikyppujkp es yajkypy ja jiky'ajtun

¹⁷Ko jyajty ja Jesús Betañu, taxk xuu naty tmudaty ma ñaxtuku Lázaru.

¹⁸Betañu kajpn tmawingon'aty ja Jerusalén tuguk mil metræn. ¹⁹Mayu naty ja israelítuty tu ñajxtu ma ja Martu esu Mariiu es tpumaya'añ tputajuya'añ mut ko tu 'yeeky ja myuga'ax.

²⁰Ko Martu tmadooy ko Jesusu naty wyingón, net tnidso'oñ es oj tjujp'yo'oy, per ja Mariiu oj wye'emy ma ja tyujk. ²¹Martu t'anmaay ja Jesús:

—Windsún, kooxyur miju naty mjaaty yaa, kyajxyur tu 'yeeky ja nmuga'axuts. ²²Per uj nnija'abuts ko Dios mmooyur tugekyu di'ibu mij m'amdeepy.

²³Jesús 'yadsooy:

—Yu mmuga'ax jikyryúkur jatugok.

²⁴Martu t'adsooy:

—Uj nnija'abuts ko jikyryúkur ma ja tiempu ma ja o'kputy jyikyryúktut.

²⁵Jesús t'adsooy:

—Ujtsu du'un ja jikyryúkun es ja jiky'ajtun. Di'ibuts xymyubajkr, oy 'yoogut, jikyryúkur. ²⁶Es nidugekyu di'ibu jiky'ajttur es xymyubáktuts, kyaj 'yooktut ni na'a. ¿Mmubejkyryu tyaadu?

²⁷Net ja Martu 'yadsooy:

—Ti ko kudii. Nmubejkyryuts ko mij mGrístuty, ja Diosu 'yU'unk di'ibu minán ya naxwiiñ.

Jesús jy'u'y ma Lázaru ñaxtuku

²⁸Es ko tyaadu Martu du'un jyunáñ, net jyumbijty es oj tway ja 'yutsy Mariiu, es t'anmaay ayu'udsyu:

—Ja ya'uxrújkr tu jya'ty. Yu'u mnigajxur.

²⁹Ko Mariiu tmadooy taadu, pojun wya'tse'ky es oj tninejxy ja Jesús. ³⁰Jesús kyajnumu naty tyuku kajpnóty, támmumu naty ma ja lugaar ma Martu pyatu. ³¹Ko ja israelítuty t'ijxtu wya'tse'ky ja Mariiu es pyudseemy pojun, net jyunandu ko yu Mariiu ñejxy juuy yaxru ma naty tu ñaxtuku ja Lázaru, es oj tranajxtu.

³²Es ko ja Mariiu jyajty ma naty ja Jesús, net ñaygyoxtnaaydyáku Jesús tyeky'ujxm es t'anmumu:

—Windsún, kooxyur miju naty mjaaty yaa, kyajxyurts tu 'yeeky ja nmuga'ax.

³³Ko Jesús t'ijxy jy'u'y yaxtu ja Mariiu es ja israelítuty di'ibu mut myiindu, net ja Jesús ñayjya'aju jotmaymyut es 'yamutsk'ajty. ³⁴Ta yajtuujy:

—¿Ma tu xyajnaxtúkudu?

Ta 'yanmaayudu:

—Windsún, min xy'ixy.

³⁵Jesús jyuy.

³⁶Net ja israelítuty jyunandu:

—¡Ok'ixtu! Nūgoodumu naty t'oktsojknū.

³⁷Per nidu'uguty jyunandu:

—Ja'a tyaadu di'ibu ja wiints myooy ja 'yijxun, ¿tii kyajxyubu da oynu'unun ti tu ttuñ es kyajxyur ja Lázaru tu 'yeegy?

Lázaru jyikyppyeky

³⁸Jesús ñajya'aju jatugok jotmaymyuut es tmáwingooñ ma naty tu ñaxtuku. Ja'a dun tu'ugú aank di'ibu tsaa 'yagu'uy'ajtypy. ³⁹Net ja Jesús jyunáñ:

—Yajjuga'aktu tadu tsaa.

Martu jyunáñ:

—Windsún, xu'knup yu'u, ja'a ko tu 'yijnu taxk xuu ma 'yeeky.

⁴⁰Es ja Jesús 'yadsooy:

—¿Ti kyajts mij tu n'anuumu ko xymyubúkut, m'ixup ja Diosu myuj'ajtun?

⁴¹Net ja tsaa dyajjugáktu. Es ja Jesús pyat'ijxy tsajpótm es jyunáñ:

—Tatu, nja'aygyudákyuuts mij ko tu xymyudóyuts. ⁴²Wa'adsats nnijawu kots mij du'uñum xymyudoo'ityuts. Du'unuts njuna'añ mut yu'ugyujxmu tyadu ja'ayuty di'ibu yam, es tmubúktut ko ujtsu du'un mij tu xkyexy.

⁴³Ko du'un jyunaandaay, net jyunáñ jantsy muk:

—¡Lázaru, pudsum jap!

⁴⁴Net ja o'kpu pyudseemy, abity ja kyuu tyeky es ja wyiin jyujp mut ja wyit. Ta Jesús jyunáñ:

—Nikajtu'uttu es wa'an tnejxy.

Tkajxy'áttu esu Jesús 'yoogut

⁴⁵Es madu tyaadu, net ja israelítaty di'ibu pyanujx ja Mariu tmubujktu ko t'ijxtu di'ibu Jesús tyuun. ⁴⁶Per nidu'ugaty ja israelítaty ko t'ijxy yu tyaadu, net oj tnejxy ja fariseeuty es ttukmadyaktu di'ibu naty tu ttuñ ja Jesús. ⁴⁷Net ja fariseeuty es ja teedywyindsúnuty ñaymyujkudu mut di'ibu ana'amdap muj tsajptugóty, es jyunandu:

—¿Ti net ndu'unum madu tyadu yedyujk di'ibu nugoo t'oktuunna ja ijxwu'amun di'ibu myudajtypy ja muj'ajtun? ⁴⁸Pun nna'ijxum du'uñ, nidugekyu myubúkutut ja ja'ayuty. Netu romanu soldaaduty myíndut es tjíttut yu nmuj tsajptujk'ajtum es dyajkutugóyut yu nnaxwiñdu'ajtum.

⁴⁹Net nidu'ugaty di'ibu xyu'ajtypy Kaifás, yu'u naty teedywyindsungópk ma ja jumajt, ja'a junán:

—Miidsuty ni ti xkyanijáwudu, ⁵⁰ni xkyanijáwudu ko ni'igu 'yóyuty es tu'uk je'eyu ja'ay tku'oogut ja nja'ay'ajtum es kyaj wyindugóyut ja nnaxwiñdu'ajtum.

⁵¹Tyadu Kaifás kyaj du'un jyunáñ mut ja kyuum winma'añ. Kom yu'u naty ijtp teedywyindsungópk ma ja jumajt, Dios mooyu ja winma'añ es jyuna'anut ko Jesús 'yooga'añ mut yu'ugyujxmu israelítaty, ⁵²es kyaj je'eyu tku'oogut ja israelítaty, per nandu'un dyajmujkta'aya'añ ja Diosu 'yu'unguty ma 'yittu majatyu naxwiñdu. ⁵³Net ja israelitu justísuty t'uxtaaydyu ja winma'añ wi'ix ja Jesús 'yoogut.

⁵⁴Paaty ja Jesús kyaj ñakyjyudijty nide'xy ma Judee, tim tso'on jap Judee es oj ñejxy ma myuwingón ja muj it di'ibu ja kajpnu'unk xyu'ajtypy Efraín. Jap wyu'umdu mut ja 'yuxpajkruty.

⁵⁵Ko naty waanu 'yaktugoy'aty ja pasku xuu, net may ja ja'ayuty tsoy'ondu majatyu kajpn es ñajxtu Jerusalén es ñayyajwa'adsa'añuty es tjuj'p'ixa'andu ja pasku xuu. ⁵⁶Jap tja'uxtaaydyu ja Jesús. Es ko jyajttu ma ja muj tsajptujk, net ñayyajttuujk ak ja'ayuty ayu'udsyu:

—¿Wi'ix mij mjuna'añ? ¿Minúbu daa xu'ajtpu o kyaju? ⁵⁷Ja fariseeuty es ja teedywyindsúnuty tu naty dyajngutúku ko ma Jesús t'ixtat, net tngajttut es yajmátsut.

Mariiu ttukkuutsy ja Jesusu wa'ats nardu aseytu

12 ¹Tudujk xuuñumu naty tkapaaty ja pasku xuu, Jesús oj ñejxy Betañu ma naty tsyuuñu Lázaru di'ibu naty Jesús tu dyajjikypyéky ko 'ye'ky. ²Es jap t'uxkujkudu tu'ugu a'ux es ja Jesús 'ya'ux'átut; ja Martu ja'a wingiipy es ja Lázaru mut ja Jesús kyaydyu ma ja meesu. ³Net ja Mariiu dyajmiin tuk limetu ja wa'ats nardu aseytu di'ibu pa'akxu'kp jantsy muk es jantsy tsoox. Net ttukku'tsy ja tyekyu Jesús es dyajtútsy mut ja wyaay. Tugekyu ja tugot jyantsywy'e'emy mut ja pa'ak xu'kun. ⁴Ja Juudas Iskaryotu, di'ibu naty uxpujkrp'ajtpu ja Jesús es nandu'un kyayaka'añuty, jyunañ:

⁵—¿Ti ko tu kyayajteeky yu tyadu pa'ak xu'kun tuguk mugo'px xuu nidún esxyup yajtukpudúku yu ayoobu ja'ayuty?

⁶Per ja Juudas kyaj du'un jyunañ mut ko tpa'ayoy ja ayoobu ja'ayuty, ja'a yu'u ko mya'tspaty. Yu'u naty ijtp meeñnikoombajtpu ma ja Jesusu 'yuxpujkrpty es tpukón ja meeñ di'ibu yu'u ñikoombejtpy.

⁷Net ja Jesús 'yanmaayy:

—¡Mastu'ut! ¡Katu xy'ooy! Du'unuts tu xytyuñ éxtum ja ja'ayuty ttukkuutstu ja o'krpu ko ñaxtukuya'añ. ⁸Yu ayoobu ja'ayuty kyaj tyugoy'ata'añ, per uj kyajts du'uñum n'ita'añ mut miidsuty.

Tkajxy'áttu esu Lázaru 'yoogut

⁹Ko ja israelítuty tnija'adu ko Jesús jyápudyu naty Betañu, net oj tniñajxtu t'ixa'andu es nandu'un ja Lázaru di'ibu naty ja Jesús tu dyajjikypyéky ko 'ye'ky. ¹⁰Net ja teedywyindsúnuty dyajti'igyudu 'yayuk es wi'ix nandu'un 'yoogut ja Lázaru, ¹¹mut ko mut yu'ugyujxmu Lázaru may ja israelítuty tmasuttu ja teedywyindsúnuty es tpanajxtu ja Jesús.

Jesús tyuku Jerusalén éxtum tu'ugu rey

¹²May ja ja'ayudyu naty tu ñajxtu paskuxu'ajtpu Jerusalén. Jakumbom ja ja'ayuty tmudoodu ko Jesús jy'a'ta'añ. ¹³Net oj tmunajxtu tuuxy aay es du'un t'axajyua'andu ja Jesús. Ta jyunandu muk:

—¡Awdattu Dios! ¡Kuni'xy di'ibu miimp éxtum ja Diosu Kyudunaabyu! ¡Kuni'xy ja Israelitu Ryey!

¹⁴Jesús tpaty tu'ugu burru'unk es ttukpejty, du'un éxtum jyuna'añ ma ja Diosu jyaabyajttu:

¹⁵Katu mdsu'ugudu miidsuty, ja'ayuty di'ibu tsunaaydyup ma Syon kajpn. Ix, tyaa myiñ ja mrey ttuk'u'uñu tu'ugu burru'unk.

¹⁶Ma ja xuu ko jyajty ja Jesús es ko tyaadu du'un ttuñ, kyaj ja 'yuxpukpety tjaygyujkudu. Per óknam ko Jesús jyikypyejky es ñajxnu tsajpótm, net tjamajtsta ko yu tyaadu tugekyu 'yity kuxja'ay ma ja Diosu jyaabyajtan es du'unu naty tu yajkuudyúñ mut ja Jesús.

¹⁷Ja ja'ayuty di'ibu naty jap Betañu ko ja Jesús dyajjikypyejky ja Lázaru ko naty tu 'yeeky, tmadyakmiin tmadyakxujpta di'ibu naty tu t'ixtu.

¹⁸Paaty waanu may ja ja'ayuty tso'ondu es ja Jesús tjajp'yo'oya'andu mut ko tmudoodu ko naty ja tadu ixxwu'amun tu ttuñ di'ibu myudajtypy ja muj'ajtan. ¹⁹Ko ja fariseeuty t'ijxtu ko Jesús ja ja'ay ak ja'a panujxup, net ñajjyunánudu ak ja'ajuty:

—Ta xy'ixtu. Kyaj mbaat ti ndu'unum. ¡Nidugekyu ja ja'ayuty ak ja'a pyanujxtubu tadu ja'ay!

Grieegu ja'ay t'uxta'aydyu ja Jesús

²⁰Es ma ja ja'ayuty di'ibu naty tu ñajxtu Jerusalén es t'awdata'andu ja Dios ma ja xuu tyúñuty, tapu naty nidu'uguty ja grieegu ja'ayuty.

²¹Tyaaduty ja'a ñinujxtu ja Felipe di'ibu kugajpn'ajtp Betsaydu, Galileeu ñaaxóty, es t'anmaaydyu:

—Windsún, yu'uts nja'ixándup ja Jesús es njamtmadya'aga'anduts.

²²Felipe oj tninejxy ja Andrés es t'awa'anu. Net nimajtsk oj ñajxtu ma ja Jesús es tmamadyaktu. ²³Net ja Jesús jyunáñ:

—Tu net ja ooru tpaaty ma ja Diósuts uj, ja Naxwíñudu Ja'ayudyu Kyudunaabyu, xymyo'oya'añuts waanu ni'igu muj'ajtan.

²⁴Tu'ajtan miits n'anuumudu ko tu'ugu triigu pajk kyaka'ay naaxkujxy es kyaj myuxy, du'ñu ja tuamt tu'uk je'eyu 'yity, per ko kya'ay naaxkujxy es tyugoy ja'agyujxm ko myuxy, may ja tyuamp dyaky. ²⁵Pún nyyajjiky'ajtup ku'am ya naxwiiñ, du'un éxtam ja ja'ayuty di'ibu pyujke'kypy ja triigu tuamt extu ko wyojkta'ayuty, net tyugooydya'ay. Per di'ibu jiky'ajtp éxtamts uj n'anuumu, du'un éxtam ja tuamt di'ibu mujxp es tyuamp'áty may. ²⁶Ja'a ko púnuty jiky'ajttup éxtamts uj n'anuumu es xymyudúñuts, ñujxup nandu'un mats uj nnejxy, esu nDeedyuts may'átudup nidugekyu di'ibátyuts xpyanujxtup.

Jesús tnigajxy ja 'yo'kun

²⁷Tyam nugoots n'okjotmaymyuut'ajnu. ¿Wi'ixuts njuna'anut? ¿Ti njuna'anupts?: “Tatu, yajtsókuts kudiibuts n'ayówat ma tyadu o'kun.” Per du'unuts tu nmiñ naxwiiñ esuts n'oogut. ²⁸Net 'yakjunáñ: “Tatu, tun du'un es ja ja'ayuty m'awdatudut.”

Net yajmudooy kyajxy tsajpótm:

—Tuts du'un nduñ, es ndunaambyuts jatugok.

²⁹Ja ja'ayuty di'ibu jap myudoodu ñajjyunánudu ko anaa yaxp. Es wiinkpety ñajjyunánudu:

—Tu'ugu anklus tu myugajxyuty.

³⁰Net ja Jesús t'anmaaydyu:

—Kyajpu tyaadu tu yajmudóy mut ujtskyujxm, mut miitskyujxmudyu du'un. ³¹Tyam net ja tiempu tu jya'ty ma yu naxwíñudu ja'ay

yajpayo'oya'añ, es tyamə net yajkutujkənjuudət di'ibə yə naxwiin ana'amp.

³²Es kots ɛj nyajpujta'agət kujxm, nətəts xyñimiinda'aydyudəts ja ja'ayuty.

³³Es mədə tyaadu Jesús yajjaygyujku wi'ixə naty 'yooga'añ.

³⁴Es ja ja'ayuty 'yadsoojədə:

—Təts nmədowdə mə ja Diosə jyaaybyajtən ko yə Kristu jiky'ataamp winə xəu winə tiempu. ¿Wi'ix mij mjəna'añ ko ja Naxwiinədə Ja'ayudyə Kyudənaabyə yajpujta'aga'añ kujxm? ¿Pənu dənə tadə Naxwiinədə Ja'ayudyə Kyudənaabyə?

³⁵Net ja Jesús jyənən:

—Ak'ijtp ja jajən mət miidsuty, per waanə tiempu je'eyə. Yo'oygojtu mət ko m'akmədajttəbu tyadə jajən kədiibə mgugoodsudət. Mət ko di'ibə tu'uyə'epy kugoots, kyaj tnijawə mə ñejxy. ³⁶Ujtsə də'unə tyadə jajən. Naam n'ak'ijtpnəmts mət miidsuty, axəjadəgəts miidsuty es də'un miits mjə'ay'átədət ja jajən es tkudə'xa'añ ja wiingátypyu.

Ko tyaadu də'un Jesús jyənəndaay, net oj ñəjxnə adəkutuuy.

Ja'a ko israelítuty kyaj tməbuktu Jesús

³⁷Oyə naty ja Jesús tə tjantsyjjaya'íxyuty ja ijxwə'əmən di'ibə myədəjtypy ja məj'ajtən ja'ay wyinduuyuty, kyaj myəbujkədə. ³⁸Es də'un yajkuudyuunə tyaadu di'ibə ja Diosə kyugəjxə Isaiiə kyəxjaay mə jyənən:

Nindsən'ajtum, ¿pən tə tməbeky di'ibəts ɛj tə ngəjxwə'xy?

¿Pən tyuk'ijx ja Nindsən'ajtumə myək'ajtən?

³⁹Es də'un kyaj mbaət oj tməbuktu. Pes nan kyəxjaay ja Isaiiə:

⁴⁰Dios də'un jyənən:

“Tyadə ja'ay tə ñayyajwiindsədə es dyajjuun ja jyot wyinmə'añ,

es kədiibə t'ixtət mədə wyiinuty,

es ni tkajaygyúkədət mət ja jyot wyinmə'añ,

es ni kyajəmbíttət mə ɛj esəts nya'agudə'agət.”

⁴¹Isaiiə jyənən də'un mət ko tə naty t'ixy ja myəj'ajtənə Jesús, es yə'u dənə tyaadu ñimadyak.

⁴²Oy may ja israelítuty tjaməbuktu Jesús, es ja'a mət naaguty ja wyindsənuty, kyaj jyənandə mayja'ayóty mət ko ttsə'ugudə ja fariseeuty kədiibə ñakykyupúkədət tsajptəgóty. ⁴³Ja'a ko yə'ujuty ni'igə ttsoktə ko ja ja'ay yajməj'átədə es kədiinəmə ja Dios yajməj'átədət.

Jesusu 'yayuk tyukpaye'epy ja ja'ay

⁴⁴Myiin jatəgok ja Jesús es jyənən jantsy mək:

—Di'ibəts ɛj xymyəbujkp, myəbejkypy nandə'un di'ibəts tə xykyexy.

⁴⁵Es di'ibəts tyam xy'ijxp, yə'u naty nandə'un 'yijxyty di'ibəts ɛj xykyajx.

⁴⁶Ujtsə də'un ja jajən. Tə ngudə'agyəts yə naxwiin es di'ibəts xymyəbujkp

kyaj wyə'əmət kugoots. ⁴⁷Uj kyajts ndukkumədoy di'ibə tə tjamədoy yə

n'ayúkəts es kyaj ttuñə kwentə, mət ko ɛj kyajts tə nmiñ yə naxwiin esəts

ndukkumədówət ja ja'ayuty, nyajnitso'ogəpts sitəy. ⁴⁸Di'ibəts xy'əxtijp es

kyaj ttuñə kwentə n'ayúkəts, tam yə'u 'yawíxyuty pən tukkumədówədəp.

Yə tyadə ayuk di'ibə ɛj tə ngəjxyəts, yə'u də'un nigəxə'ugəp ko pekyməət

ja ja'ay ja xəu ko ja'ay yajpayo'oydyət. ⁴⁹Mət ko ɛj kyajts ngəjxy mūdətsə

ngu'am winma'añ, ja nDeedyuts di'ibats xykyajx, yu'ats tu xytyuk'ane'emy di'ibats ngajxup es di'ibats nduk'uxpákur. ⁵⁰Es nnija'abats yu nDeedyudsu 'yana'amun, yu'u du'un wi'ix yajpaaty ja jiky'ajtun winu xuu winu tiempu. Pes di'ibats uj ngajxupy, ngajxypyuts éxtumts ja nDeedyun tu xytyuk'ane'emy.

Jesús tpuj ja 'yuxpukputujku tyeky

13 ¹Tu naty ttimpatnu ja pasku a'ux. Jesús ñija'abu naty ko ja ooru tu tpatnu es tmastu'udánnu ja naxwíñudu es ñujxánnu ma Dios Teety. Ja'a du'añamu naty ttseky ja jya'ayuty di'ibu naty ya naxwiñ, es tyam dyajniuxe'eky mabaat jyantsytsyoktu.

²A'ux'atándubu naty, es tu naty ja mujku'ugópk tyuku jyodoty wyinma'añóty ja Juudas, Simonk Iskaryotu myaank, es tkuyákat ja Jesús.

³Jesús ñija'abu naty ko yu'u tso'oñ ma Dios Teedyun es jyumbita'añ nandu'un jatugok ma ja Dios Teety, es nan ñija'abu naty ko Dios Teedyu naty tu myo'oyuty tugekyu ja kutujkun, ⁴net wya'tse'ky ja Jesús meesu winduuy es ñaydyuknijaandútu ja ñikujxyudu wit es ñaydyukmoxmwu'unu tu'ugu twayu. ⁵Net tpujtáky ja nuu ma agubujun. Ta ñaxwe'tsy es tpuja ja tyékyuty ja 'yuxpukputy es dyajtútsy mut ja twayu di'ibu naty tu ñaydyukmoxwuuñuty.

⁶Ko naty tpujannu Simonk Peedru tyeky, netu Simonk jyunañ:

—Windsún, ¿mij mbujaambyuts ja ndeky?

⁷Jesús t'adsooy:

—Tyam kyaj xyjaygyuku di'ibats ndiimpy, per óknun xyñijáwut.

⁸Es ja Peedru 'yadsooy:

—¡Éj ni na'ats mij ndeky xykyapújut!

Jesús 'yanmaay:

—Pun kyajts mij yu mdeky nbujy, kyajts mij n'uxpukpu'átut.

⁹Simonk Peedru 'yadsooy:

—Windsún, kyaj yu'ayuty je'eyu ndékyuts, nandu'un pujtsu ngu'u esu ngubajkats.

¹⁰Es ja Jesús 'yadsooy:

—Di'ibu tu tsiida'ay, kyaj jyatyimnigutíkyuty tsiy'it tugekyu, yu'ayu je'eyu tyeky, mut ko wa'adsu'u tugekyu. Es wa'ats miidsuty, oy mgadimni'amúkuty.

¹¹Mut ko ñija'abu naty pún naty kuyakánup, paadyu du'un jyunañ: “Es wa'ats miidsuty, oy mgadimni'amúkuty.”

¹²Ko ja Jesús tpujtaayudu ja 'yuxpukputy ja tyékyuty, net jatugok ttuktujku ja ñikujxyudu wit. Net ñaxwe'tsy jatugok meesu winduuy es jyunañ:

—¿Mjaygyukudup miidsuty yu tyadu di'ibadsu du'un tu nduñ?

¹³Miits xytyijtap Ya'uxpukpu es Windsún. Mmudajttap ja tuya'ajtun, mut ko ujtsu du'un. ¹⁴Es pun uj, miidsu mYa'uxpukpu esu mWindsún, tats nbujy miidsuty ja mdékyuty, nandu'unu dun miits mnaybyujxadut nixim niyam. ¹⁵Ujts miits tu nmo'oydyu tu'ugu ijxwu'umun es miits xytyúndut nandu'un éxtumts uj tu nduñ. ¹⁶Jantsy tuya'ajtnuts miits n'anuumudu,

ni tu'ugu po'oduumba di'ibu ni'igu maj kadiinamu wyindsún, es ni tu'ugu di'ibu miimp kexy kyamájuty es kadiinam ja di'ibu kajxur. ¹⁷Pun majaygyukaduba tyaadu es pun mbaduundur, m'ittur agujk jotkujk.

¹⁸Kyajts miits n'anamadu nidagekyu. Uj nnija'abuts púnatyts tu nwinwitsy. Per koonam yajkuudyuna'añ éxtamu Diosu jyaabyajtan jyuana'añ: "Di'ibu kaay ukp ti'igyu mut uj, yu'u du'un tu jyambity nmudsípuťs." ¹⁹Tyam miits n'anamadu naam kyajnuma du'un tyaadu tyuñ jyátyuty, es ko yu tyaadu du'un tyun jyátudat, net xymyubúktut ko ujtsu du'un púnu du'un uj. ²⁰Jantsy tuj'ajtanuťs miits n'anamadu, di'ibu 'yaxájur di'ibuts uj ngejxypy, xy'axájuptsa naty uj, es di'ibuts uj xy'axájur, 'yaxájur di'ibuts uj xykyajx.

Jesús tnigajxy esu Juudus kyuyaka'añuty

²¹Ko du'un jyunaandaay ja Jesús, net ñayjya'aju jotmaymyuťt es 'yamutsk'ajty, es oj ttimkajxte'xy:

—Jantsy tuj'ajtanuťs miits n'anamadu ko miidsuty nidu'uk xykyuyakaambuts.

²²Net ja 'yuxpújkpuťy ak je'eyu ñaywyin'íxudu, ni tkanijáwudu púnu du'un 'yandijpy. ²³Tu'ugu Jesusu 'yuxpújkpu di'ibu ni'igu ijty tsyejpyf, jamu puy'am naty mut 'ya'ux'aty. ²⁴Simonk Peedru tyuk'ijxu tu'ugu ijxwu'amun es dyajtuyy púnu du'unu taadu. ²⁵Net ja tu'ukpu 'yuxpújkpu ñimajwa'tsu ja Jesús es dyajtuyy:

—Windsún, ¿pánxu du'unu taadu?

²⁶Jesús 'yadsooy:

—Mints n'ok'yajxeeky tuk pedazu tsajkaaky, es di'ibuts nmeepy, yu'u du'un.

Es du'un dyajxe'ky ja tsajkaaky es tmooy ja Juudus Iskaryotu, Simongu myaank. ²⁷Ta Juudus t'axaju ja tsajkaaky tuk pedazu es tkaay. Net ja majku'ugópku Satanás tyuktujku ja Juudus. Net ja Jesús jyunañ:

—Di'ibu mdunaampy, tuungóju du'un pojun.

²⁸Per ni pún di'ibu naty jam a'ux'ajttur tkajaygyujku ti ko du'un jyuna'añ ja Jesús. ²⁹Kom ja Juudus yu'u naty ñikoombejtypy ja meeñ ma ja Jesusu 'yuxpújkpuťy, nidu'uguty twinmaaydyu ko Jesús ja'a 'yandijpy esxur ti waanu yajjúy di'ibu yajtúndur ma ja xuu, o tmo'oyxur oynu'unun ja ayoobu ja'ayuty. ³⁰Ko Juudus t'axaju ja tsajkaaky, ta pyudseemy. Tu naty kyoodsun.

Jesús tmo'oy ja jembyu ana'amun

³¹Ko naty tu pyudseemy ja Juudus, net ja Jesús jyunañ:

—Tyamu net ya'ixut ja nmuj'ajtanuťs uj, ja Naxwíndu Ja'ayudyu Kyudunaabyu, esuťs nya'íxudat ja myuj'ajtanu Dios. ³²Es kots uj nya'íxudat ja myuj'ajtanu Dios, netu Dios xymyo'oya'añuťs ja di'ibu yu'u myuj'ajtan'ajtypy. ³³Mugu'uguty, kyajts jeky nnaky'ita'añ mut miidsuty. Xu'xta'ayándupts miidsuty, es du'un éxtamťs n'anmaaydyu ja israelítuty,

f 13:23 Fwank yu neky jyaay es yu'u ku'am nay'andijur ko jyuna'añ ja xupújkpu di'ibu Jesús ni'igu ijty tsyejpy.

n'anuumuduts miits tyam: Kyaj mbaat mnujxtu mats uj nnejxy. ³⁴Tyaaduts miits nmooydyur yu jembyu ana'amun: Naydsyókudu nixim niyam. Du'an éxtumts miits ndsoktu, nandu'an mnaydsyókudut nixim niyam. ³⁵Pun mnaydsyokudup miidsuty nixim niyam, net nidugekyu ja ja'ay tnijáwudut kots uj miits n'uxpjkpu'áttu.

Jesús tnigajxy ko Peedru 'yuxtija'añuty

³⁶Simonk Peedru dyajtuy ja Jesús:

—Windsún, ¿ma mnejxy?

Jesús 'yadsoojü:

—Mats uj nnejxy, kyajts mbaat xypyanejxy tyam. Per xypyanejxupts óknam.

³⁷Net ja Peedru t'anmaay:

—Windsún, ¿Ti ko kyaj mbaat nbanejxy tyam? Uj ngu'oogupts mij.

³⁸Jesús 'yadsoojü:

—¿Tii tuj'ajtun kots mij xykyu'oogupts? Tyam ndim'anuumu tuj'ajtun, kyajnumu natyu tugaak 'yuy ko mij mjuna'ana'añ tuguk ok ko kyajts xy'ixy'aty.

Jesuskuyxmu ja'ay jya'ty ma Dios Teety

14 ¹Net ja Jesús t'anmaaydyu 'yuxpjkputy:

—Katu miits mjotmay'ooktu. Pujta'aktu ti'igyü mjot mwinma'añ ma Dios es nandu'an ma uj. ²Madsu nDeety 'yity, may jam ja tsunaaydyákn. Pun kyajxyubu du'an, tuxxupts uj miits n'anuumudu. Nnejxyuts uj n'ok'axkuku ma miits m'íttut. ³Es nétuts nmínut jatugok es nyajnjxtuduts miits es mjiky'áttut mut uj. ⁴Miits mnija'adup mats nnejxy es mnija'adup ja tu'u.

⁵Tomás 'yadsoojü:

—Windsún, kyajts udsuty nnijáwudu ma mij mnejxy. ¿Wi'ixuts uj mbaat nnijáwudu tadu tu'u?

⁶Jesús 'yadsooy:

—Ujtsu du'an éxtam tu'ugu tu'u, ujtskuyxmu ja'ay jya'ttu ma Dios Teety, ujtskuyxmu ja'ay tnijáwudu ja tuj'ajtun, ujtskuyxmu ja'ay jyiky'attu. Ni pún kyaja'ty ma Dios Teety pun kyajts uj xymyubeky. ⁷Kooxyup miits xy'ixy'áttuts uj, nandu'anxyup xy'ixy'attu ja nDeedyuts. Es tu net xy'ixy'attu tyam, ja'a ko tu xy'ixtu.

⁸Net ja Felipü 'yanmaayü:

—Windsún, tuk'ijxtuguts ja Dios Teety, es mut yu'uyü.

⁹Jesús t'adsooy ja Felipü:

—Felipü, jékyuts kujk n'ittu mut miidsuty, ¿es kyajnumts mij xy'ixy'aty? Di'ibuts uj xy'ixy'ajtp, 'yixy'ajtypy nandu'an ja Dios Teety. ¿Ti kots mij xy'anuumu kots uj mij nduk'ixut ja Dios Teety? ¹⁰¿Ti kyajts xymyubékyuts ko uj ijtpumts mut ja Dios Teety, esu Dios Teety nandu'an ijtpumu du'an mut uj? Di'ibuts miits n'anmaaydyur, kyaj yu'ujuty je'eyü ngu'um winma'añuts. Dios Teety yu'u ijtp mut uj, es yu'u dun xymyeebyuts di'ibuts ndúnup es di'ibuts ngajxup tugekyu. ¹¹Mubujktuguts kots uj n'ity mut ja

Dios Teety, es ja Dios Teety ijtpumə'u mat ɛj. Məbɛjktuguts mat kots də'un nɟuna'añ, o məbɛjktuguts mat ko di'ibəts ndiimpy ya'ijxp ko tyu'ajtnəty di'ibəts miits n'anmaədyuɾ.

¹²Jantsy tɛy'ajtn n'anəmədu ko di'ibəts xymyubɛjktɛp, tyúndɛp nandə'un di'ibəts ɛj ndiimpy. Es tyúndɛp waanə mújətyɾyɾ mat ko ɛj nɛjxnəpts mə Dios Teety. ¹³ɛj ndúnəpts di'ibəts miits xy'amdoodɛp mat ko xymyubúktəts, es də'un nya'ixudəpts ja myɛj'ajtnə Dios Teety. ¹⁴Paədyəts miits n'anəmədu, ndúnəpts ɛj pən tits xy'amdoodɛp ɛjtskyuɛjxm.

Jesús tɛnigəjxy ko Espírítu Santu tkaxə'añ

¹⁵Pən xytsojktəpts miidsəty, mgydyúndəpts ja n'ana'amən. ¹⁶ɛjts ja Dios Teety n'amdówəp es mdukɛnigəxudə jatə'uk di'ibə mbudúkudəp, yə Espírítu Santu di'ibə mduk'ixudəp ja tɛy'ajtn es 'yítə mat miidsəty winə xə winə tiempə. ¹⁷Es púnədyə naxwíndə winmə'añ ja'a'ajtnəp, nan kyaj mbaət t'axəjədu ja Espírítu Santu, mat ko kyaj t'ixtə es ni tka'ixy'attə. Per miits m'ixy'ajtnəp mat ko taa mat miidsəty es wə'əmp winə xə winə tiempə mat miidsəty. ¹⁸Kyajts miits nnika'aga'andə. Jəmbitaəmbəts es n'ita'añəts mat miidsəty. ¹⁹Ko waanə 'yítə, kyajts xynəky'ixtə púnədyə naxwíndə winmə'añ ja'a'ajtnəp, per miits m'ixtəp, es mjiky'áttəp miidsəty mat ko ɛj njiky'átyəts. ²⁰Es mə tadə xə xpyúktədu kwentə ko támədsə naty ɛj mədədsə nDeety, es miidsəty mat ɛj, es ɛj mat miidsəty. ²¹Pən nija'ap es tpadúñ yə n'ana'amənəts, ya'ijxəp kots xytsyeyky. Es nDeedyəts tsojktəp di'ibəts ɛj xytsojktəp, es ɛjts nandə'un ndsókəpts, es nduk'ixəpts yə'u.

²²Jatə'ugə 'yəxpəjktəp di'ibə nandə'un xyə'ajtyɾy Juudə, per kyaj jya'ajty di'ibə kəyakənəp, ja'a junán:

—Windsún, ¿ti kots mij xytyuk'ixə'andəts ədsəty es kyaj púnədyə naxwíndə winmə'añ ja'a'ajtnəp?

²³Jesús 'yadsooy:

—Di'ibəts xytsyoyktəp, pyadiimpy di'ibəts ɛj ngəjxyɾy; es nDeedyəts tsókudəp; es ɛj es nDeedyəts, mínəpts es njiky'átədsəts mat yə'u. ²⁴Per di'ibə kyajts xytsyeyky, kyaj tkuydyúñ di'ibəts ɛj ngəjxyɾy. Tyədu kəjxwíjən di'ibə miits yam mūdoodəp, kyajts ɛj nja'ajty, yə'əyə jya'aju nDeedyəts di'ibəts tə xykyeyxə.

²⁵Miits n'ak'anəmədu tyəədu kots n'ak'yámənəty mat miidsəty. ²⁶Per ja Espírítu Santu di'ibə ja nDeedyəts kyaxəəmpy ɛjtskyuɛjxm, ja'a mbudúkudəp, mduk'əxpúkudəp tugekyə es mdukjəmyátsudəp tugekyə di'ibəts ɛj miits tə n'anəmədu.

²⁷Nnəjyəgəjxəpts mat miidsəty jotkujk. Es nmoodyəpts miits yə njotkujk'ajtnəts. Per kyajts nyaky ja jotkujk'ajtn ɛxtəm dyaktə púnədyə naxwíndə winmə'añ ja'a'ajtnəp. Katə mjotməy'ooktə es ni xykyəmədátət ja tsə'ugə. ²⁸Tə xymyudəwədu kots tə nɟuna'añ: “Nəjxnəpts, es mínəpts jatəgok es n'ítədsəts mat miidsəty.” Pən tɛy'ajtnəts miits xytsyoyktə, mxdəktəpxyɾy ko xynijəwədu kots ɛj nnejxy mə Dios Teety, mat ko yə'u də'un ni'igə məj kədiinəp ɛj.

²⁹N'anmaədyəpts miidsə tyəədu ko kyajnəmə də'un tyuñ jyátyəty, mat ko nəjx tyuñ jyátyəty, net xymyubúktət. ³⁰Kyajts nnəkykyəjxə'añ

may mut miidsuty, mut ko miimp ja di'ibü ana'amp pánudyü naxwíñudü winma'añ ja'a'ajtädüp, oy ni ti madakun tkamudaty mut üj. ³¹Per dü'an yajkuudyuna'añ éxtamü Dios Teety xytyuk'ane'emy es tñijáwädut ja naxwíñudü ja'ayuty ko üj ja nDeedyuts ndsejpyuts es nguuydiimbyuts di'ibüts yu'u xytyuk'ana'amp. Wa'tsu'uktü. Jo'omdü.

Uuvü aats

15 ¹Esü Jesús t'ak'anmaaydyü 'yuxpüjkrüty: —Üjtsü dü'an éxtum tu'ugü uuvü aats, es ja nDeedyuts dü'an éxtum di'ibü kywentü'ajtypy ja uuvü aats. ²Kyupo'typy oytyim di'ibüty ja nxe'endsyuts di'ibü kyaj tyuump'áty, per wyindijpy es dyajwa'atsy yajxón di'ibü tüump'ajtp, es ni'igü 'yaktuump'átut. ³Miidsuty wa'ats m'ittü mut ja n'uxpüjkanuts ko tü nmo'oydyü. ⁴Ittü ti'igü mut üj, éxtum üj dü'uñümts n'ity ti'igü mut miidsuty. Tu'ugü xe'entsy kyaj mbaat tyuump'áty pün kyaj 'yity ti'igü mut ja ñi'aats, es nandü'an jajtpü dünu tyaadü, miidsuty kyaj mbaat mdüump'áttü pün kyaj ti'igü m'ittü mut üj.

⁵Üjtsü dü'an ja ñi'aats, es miidsudyü dü'an ja xye'entsy. Di'ibü dü'uñüm 'yity mut üj, es üj n'ityuts mut yu'ujaty, may tyuump'átut; pes kyaj mbaat ti xytyundu pün kyajpüts üj. ⁶Di'ibü kyaj dü'uñüm 'yity ti'igü mut üj, dü'an yu'u éxtum ja xe'entsy di'ibü ya'o'xpüdsuump es tyu'adsut es ya'o'xmükut es yajñino'ogüt.

⁷Pün miits m'ijttübüm ti'igü mut üj, es xykyudyundu ja n'ana'amünuts, amdowdü di'ibü ndsojktüp es myajmo'oydyüp. ⁸Yu nDeedyuts ya'ijxüp yu myüj'ajtün ko miits mdüump'áttü oy, es dü'an ttuk'ixy ja ja'ayuty ko üjts miits n'uxpüjkrü'ajttüp. ⁹Üj ndsojktüpts miidsuty éxtümts ja nDeedyuts xytsyékyüts üj. Padúndüts ja ndsojkanuts di'ibüts üj nmudajtypy mut miidsuty. ¹⁰Pün mguudyuundüp ja n'ana'amünuts, mbadúndübü tyaadü tsojkan di'ibüts üj nmudajtypy mut miidsuty, éxtümts üj nguudyúñüts ja nDeedyüdsü 'yana'amün es mbadúñüts ja tsojkan di'ibü yu'u myudajtypy mut üj. ¹¹Üjts miits n'anmaaydyüp es mxonda'aktüt mut üj es dü'an jotküda'aky m'it mxóndüt. ¹²Yu n'ana'amünuts yu'u tyaadü: Naydsyóküdü nixim niyam, éxtümts üj miits ndsoktü. ¹³Di'ibü kyuo'ogüp ja myutnaymyaayübüty, yu'u dü'an ya'ijxüp ko myüjaty ja tsojkan tmudaty. ¹⁴Miidsudyü dü'an ja nmütnaymyaayübüty pün mduundüp di'ibüts miits nduk'ana'amdüp. ¹⁵Kyajts miits nnaktytyijtp müduumbü, mut ko ja müduumbü kyaj tñijawü ti ja wyindsün tyiimpy. Miidsuty ndijtü mütnaymyaayübüty, mut ko tü nduk'ixtü tügekyü di'ibüts ja nDeety üj tü xytyuk'ixy. ¹⁶Kyajts miidsuty xywyin'ijxtü. Üjtsü dü'an miits nwin'ijxtü es nduknipüjktüp es m'ittüt éxtamü xe'entsy di'ibü tüump'ajtp ni'igü, es ítüp winü xüü winü tiempü, es dü'an ja nDeedyuts mmo'oyudüp tügekyü di'ibü m'amdoodüp mut kots xymyübüktü. ¹⁷Pesü tyaadüts miits nduk'ana'amdüp: Naydsyóküdü nixim niyam.

Di'ibü naxwíñudü winma'añ ja'a'ajtädüp kyaj ttseky ja Jesús esü 'yuxpüjkrüty

¹⁸Pün kyaj miits mdsóküdü pánudyü naxwíñudü winma'añ ja'a'ajtädüp, jamyatstü ko üj jawyiinüts kyaj xytsyojktüts. ¹⁹Kooxyüp miidsuty ja

naxwíñudu winma'añ m'okja'a'átudu, mdsojkupxyup éxtum ja jya'ajuty. Per ujts miits tu nwinwitstu es kyaj m'okja'a'ajttunat ja naxwíñudu winma'añ, paaty kyaj mdsókudu. ²⁰Jamyatstu yajxon éxtum tu n'anuumudu.

Tu'ugu po'oduumbu kyaj ni'igu myújuty es kudiinum ja wyindsún. Pún ja ja'ayuty xypajudijttuts uj, nandu'un miits myajpajudita'andu. Kom kyaj tkuyduundu ja n'uxpajkunuts ja ja'ayuty, nan kyaj tkuyduúndut ja m'uxpajkun. ²¹Es du'un tugekyu tyaadu myajtuktuna'andu mut ko miits n'uxpajkpu'áttu es mut ko nan kyaj ttsoktu di'ibuts xykyajx.

²²Kooxyupts uj ngamiiñ es nmugajxtu, kyajxyup tmudattu ja pojpu. Per tyam kyaj mbaat ti ñadyukkugajxudu. ²³Di'ibuts kyaj xytsyoktu uj, kyajpu du'un nandu'un ttsoktu ja nDeedyuts. ²⁴Kooxyupts tu ngaya'ixyuty yu muj'ajtun éxtum ni pún wiink ja'ay tkatúñ, kyajxyup tmudattu ja pyeky ko tkakuyduundu. Per tu t'ixtu ja muj'ajtun di'ibuts tu nduñ, es kyajpyum xytsyóktuts, es nandu'un ja nDeedyuts kyaj ttsoktu. ²⁵Du'un yajkuudyúñ yu tyaadu di'ibu ijtp jaabyéty ma ja Diosu jyaabyajtun: "Nanatúkuts uj xymyudsip'ajtpudu."

²⁶Paaty ko myínut ja Kajxwijpu, ja Espíritu Santu di'ibu ja táy'ajtun tyiimpy kyajxyu, ja'a yákup ja táy'ajtun ujtskyujxm. ²⁷Es nandu'un miits xyáktut ja táy'ajtun ujtskyujxm, mut ko jawyíñup es tyambaat miits tu m'ittu mut uj.

16 ¹N'anmaadyupts miits yu tyaadu kadiibu xymyastu'uttudats. ²Kyaj ja ja'ayuty m'okkupajkunat tsajptugóty, es ja'taamp ja tiempu ma ja ja'ayuty mya'ooga'anudu. Ja'ajuty oyu dun ttiij ttundu di'ibu Dios tsyejpy. ³Tugekyu du'un yu tyaadu ttuna'andu mut ko kyajts xy'ixy'attu es ni ja nDeedyuts. ⁴Per tuu n'awánudu ko du'un mduna'anudu. Es ko du'un mdúnudut, net miits xyjamyátstudats kots mij tu nja'anuumudu.

Di'ibu Espíritu Santu tyiimpy

'Kyajts miits yu tyaadu tu ndukmumadya'aktu mut kodsu naty n'ity mut miidsuty. ⁵Per ñajxánupts jam ma púnuts xykyajx, es ni tu'uguty miits xykyajajtúwdudats: "¿Ma mnejxy?" ⁶Es miits mjetmaymyuuduty tyam, mut ko tu n'anuumudu ko uj ñajxnupts. ⁷Táy'ajtunuts miits n'anuumudu ko oy ni'igu mut miidsuty kots uj nnejxy. Ja'a ko pún kyajts uj nnejxy, kyaj myina'añ ja Kajxwijpu, per kots uj ñajxnut, net nduknigáxtut. ⁸Es ko yu'u myínut, yu'u tyuknijawwándup ko pyekymyuduty púnudyu naxwíñudu winma'añ ja'a'ajtudup, es wi'ixu ja'ay oy wye'emy mudu Dios, es ko Dios pyayo'oy mudu táy'ajtun. ⁹Yu Kajxwijpu yakaampy es ja ja'ayuty tnijáwudut ko pyekymyútt'áttu, ja'a ko kyaj xymyubáktuts, ¹⁰es ttuknijawwya'andu wi'ix oy wyu'umdu mudu Dios, mut ko ñajxnupts ma Dios Teety es kyajts miits xy'ok'ijxnudut, ¹¹es mut ko Dios pyayo'oy táy'ajtun muut, ja'a ko tu jajtuknibujtaagu es tyuydyúnudut ja mujku'ugópk di'ibu 'yane'empy pánudyu naxwíñudu winma'añ ja'a'ajtudup.

¹²Máyñamts miits ngatukmumadya'aktu, per kyajpu miits mbaat xyjaygyúkudu tyam. ¹³Per ko myínut ja Espíritu Santu di'ibu muut ja táy'ajtun, yu'u mdukní'ixudup tugekyu ja táy'ajtun, mut ko kyaj jyuná'ana'añ mut ja kyu'um winma'añ. Ja'a myadya'agaampy tugekyu

di'ibu tu tmudoy, es mduknijawwayánudup di'ibu tunán jatánup. ¹⁴Es yu'uts xyajmuj'ixánup uj, mut ko 'yaxajuyaampy ujtsu nja'ajuty es mduknijawwaya'anudu miidsuty. ¹⁵Tugekyu di'ibudsu nDeety myudajtypy, ujtsu nja'a. Nan paadyuts njánán ko yu Espíritu Santu 'yaxájup di'ibuts uj nja'a'ajtypy es mduknijawwaya'anudu miidsuty.

¹⁶Ko waanu tiempu 'yak'ítut, kyajts miits xyñaky'íxtut. Es ko waanu najx 'yity, nétuts jatugok xy'íxtut.

Amay jotmay jyumibity xondakun

¹⁷Net nja'ajuty ja 'yuxpukpudy ñayyajtuyjuda:

—¿Ti da du'un yu tyaadu myadyakupy ko jyu'na'añ ko waanu tiempu 'yak'ítut kyaj nnaky'ijxum, es kum'óknun n'ijxum jatugok, es jatu'uk ko jyu'na'añ: “Nujxnupts ma Dios Teety?” ¹⁸¿Ti myadya'agaampy mut jawaanubu tiempu? Kyaj nmúwinma'añbyátum ti dunu taadu myadyakupy.

¹⁹Net ja Jesús t'ijxy ja 'yuxpukpudy éxtum yajtwa'a'anudu. Net t'anmaaydyu:

—Uj tu n'anuumuduts miits ko waanu 'yítut kyajts xyñaky'íxtut, es óknun xy'íxtut jatugok. ¿Tyaadu du'un mnayyajtuyjuda ak miidsuty?

²⁰Jantsy tuj'ajtun miits n'anuumudu, ko miits mju'uydyur es mjotmay'looktup maanumu naty ja ja'ay xyonda'aktu pánudyu naxwíñudu winma'añ ja'a'ajtudup. Per óknun yu mjotmay jumbitup xondakun. ²¹Ko ja toxytyujk 'yu'ungu'unk tpaada'añ, jotmaydyuktujkup, ja'a mut ko tu tpaaty ja oorú ma pyuka'añty. Per óknun ko naty tu jya'ty naxwíñ ja u'ungu'unk, ni tkanakyjyamyetsy ja pukun di'ibu tu dyajnaxy mut ko xyonda'aky ko tu'ugu mixyu'unk tu dyajmíñ dyajja'ty ya naxwíñ. ²²Es nandu'un dun miits mjotmay'o'ktup tyam, per nniminándupts miidsuty, es net ja m'aa mjot xyonda'aga'añ tu'ugu xondakun di'ibu kyaj mbaat ni pán mgapukxudu.

²³Es ma tadu naty ja xuu, kyajts ti xyñaky'amdówt. Jantsy tuj'ajtunuts miits n'anuumudu ko yu nDeedyuts mmo'oyudup tugekyu di'ibu m'amdeepy mut ko xymyubúktuts. ²⁴Tyambaat miidsuty kyajnum xy'amdowdu ni tii mut ujtskyujxm. Amdowdu, es xy'axájudut, es jotkada'aky mxonda'aktut.

Tsyepjy ja Dios Teety ja xupukpudyk

²⁵Tuts miits nduk'uxpuktu tyaadu mudu ijxpajtun. Per mínup ja tiempu kots miidsuty wa'ats ndukmumadya'agut ja nDeedyuts. ²⁶Es ma naty tadu xuu, miits xy'amdówdut ja Dios Teety mut ujtskyujxm. Es kyajts uj njatyim'anuumuduts ja nDeedyuts es mmo'oyudut di'ibu miits m'amdoodup, ²⁷mut ko yu Dios Teety mdsojkudup, mut kots uj miits xytsyóktuts es tu xymyubúktuts kots uj ndso'oñuts ma Dios. ²⁸Uj ndso'oñuts ma ja Dios Teety es nmiñnuts ya naxwíñ, es tyam nmastútnuts ja naxwíñudu es nnujxnuts jatugok ma Dios Teety.

²⁹Net ja 'yuxpukpudy 'yanmaayuda:

—Tyam situy xy'anmaaydyupts tuj'ajtun es ni xykyanakyyajtúñ ja ijxpajtun. ³⁰Es tyámudsu net n'ixtu ko tugekyu mij xyñija'adya'ay, es kyaj jyatyimtsékyaty pán myajtúwdut, mut ko nmubúktupts ko mij tu mdsooñ ma Dios.

³¹Jesús t'adsooda ja 'yuxpukpúty:

—Pes, ¿tyamu net mmubujktup? ³²Miimba net ja tiempu, es tyamu du'un, ko miits m'agakwa'xtut nidu'uk nidu'uk kujknu'u kujktu'u es xymyastu'uda'andats, es nwu'uma'añats naydu'u'uk. Per uj kyajts nwe'emy naydu'u'uk mut ko ja nDeedyats 'yity mut uj. ³³N'anuumadu tyaadu es xypyaattat ja jotkujk'ajtan mut ko ti'igya m'ittu mut uj. Ya naxwiiñ miits m'ayówdap, per katu m'jotmay'looktu, mut ko uj, tats nmumada'aky ja mujku'ugópok di'ibu yajkutujkp púnadyu naxwíñudu winma'añ ja'a'ajtudap.

Jesús tnigajxtaagu ja 'yuxpukpútyjk

17 ¹Ko tyaadu du'un ja Jesús jyunaandaay, net pyat'ijxy tsajpótm es jyunañ:

—Tatitu'unk, tu net tpaaty ja ooru. Yajmuj'ijxuguts uj, es ujts mij nyajmuj'ixudap. ²Pes mijts tu xymyo'oyats ja kutujkan mut nidugekyu ja'ayaty es nmo'oyudats ja jiky'ajtan winu xuu winu tiempu tugekyu di'ibats mij tu xymyo'oy. ³Esu tyaadu jiky'ajtan winu xuu winu tiempu, ja'a yu'u ko ja'ay mij, ti'igya Dios, m'ixy'átuda es xy'axájudats uj éxtum ja Kristu es tmubáktut ko mij xkyajxuts ya naxwiiñ. ⁴Tats mij nmuj'ixy mut ko tats nguudyuunda'ay tugekyu di'ibats mij xytyuk'ana'am es ndúnudats ya naxwiiñ. ⁵Meegyudsu net tyam ja muj'ajtan di'ibats naty nmudajtypy kods naty n'ity mut mij ko naty kyajnum ja naxwíñudu kyojy.

⁶Es ja ja'ayaty di'ibats mij xymyooyats ya naxwiiñ, tats nduknijáwudu wi'ixu dun mij. Mijtsu naty mja'a'ajtudap, es xymyooyats uj mij. Tu tpadundu ja m'ayuk. ⁷Ñija'adap ko mijts tu xymyo'oyats tugekyu di'ibats uj nmudajtypy, ⁸mut ko uj tu nmo'oydyats ja ayuk di'ibats mij xytyukmugajxu, es yu'ujaty 'yaxájuda es ñija'adap kots uj nmiñ éxtumu mGudunaabyu, esats xymyubaktu ko mijtsuts xkyajx ya naxwiiñ.

⁹Ujts mij n'amdeepy mut yu'ujaty. Kyajts n'amdoy mut púnadyu naxwíñudu ja'a'ajtudap, ja'ayu je'eyu di'ibats mij xymyooy, mut ko xyja'ajaty. ¹⁰Tugekyu di'ibats uj nja'a'ajtypy, mja'ayu nandu'un, éxtum nandu'un nja'adsu'u di'ibu tugekyu mja'a'ajtypy. Es yu'ujaty yajnigaxu'kudap ja nmuj'ajtanats.

¹¹Jumbijnupts tyam ma mijun. Kyajts nnaky'ita'añ ya naxwiiñ, per yu'ujaty ijttap ya naxwiiñ. Tatitu'unk, agaduk axajtúk mut mij ja mmak'ajtan es tun es ti'igya 'yíttat ja wyinma'añaty, éxtum udsajtam n'ijtam ti'igya. ¹²Kots n'ak'ijty mut yu'ujaty, tats n'agudiky n'axajtky mut ja mak'ajtan di'ibats mij xymyooy. Es ni tu'uk tu kyatugoy, ja'ayu du'un di'ibu naty tu tyugoy es du'un yajkuudyúnat éxtum ja mjaaybyajtan jyuna'añ.

¹³Tyamats njambitanu ma mij. Es du'unats yu tyaadu njuna'añ kots n'ak'ity ya naxwiiñ esudsu n'axpukpúty xyonda'aktut mut ja xondakan di'ibats uj nmudajtypy. ¹⁴Tudsu du'un n'anuumadu di'ibats xytyuk'ana'am, es n'ak'anuumayándupts. Kyaj t'ixa'añ púnadyu naxwíñudu winma'añ ja'a'ajtudap, mut ko kyaj tyi'igyaty mut ja'ajaty, du'un éxtum kyajts ndi'igyaty mut púnadyu naxwíñudu winma'añ ja'a'ajtudap. ¹⁵Kyajts mij n'amdoy es xyajpúdsúmat ya naxwiiñ. Di'ibats mij n'amdeepy es

m'agu'u'dúk m'axajtúkup es kudiibu ja majku'ugópk myumada'agudut.

¹⁶Kyaj yu'ujuty ja naxwíñudu winma'añ jya'a'átudu, du'un éxtumts uj kyajts ja naxwíñudu winma'añ xyja'a'áty. ¹⁷Yu m'uxpújkun ja'a du'un ja tuj'ajtun. Es mij mdukkuydyúnup yu m'ayuk es jyiky'áttut éxtum miju m'u'unk m'una'k. ¹⁸Tats nduknigexy ja naxwíñudu ja'ay, éxtumts mij xytyuknigejxy ja ja'ay ya naxwíñ. ¹⁹Paadyuts uj nnaygyuyákyaty tugekyu es ndúnudats éxtum mij xytsyeky. Es nandu'un yu'ujuty ñaygyuyákudut tugekyu es xytyúndut nandu'un éxtum mij xytsyeky.

²⁰Kyajts n'amdoy je'eyu mut yu'ujuty, n'amdeebyuts nandu'un mut nidugekyu di'ibats óknum xy'axájudupts éxtuma Yajnutsókpá ko tmadówdut ja 'yuxpújkunaty ja n'uxpújkpúts. ²¹N'amdeebyuts es tu'ugu wyinma'añ je'eyu 'yíttut. Tatitu'unk, yajti'igyudu jyot wyinma'añ nixim niyam, éxtum ndi'igyu'ajtam, es du'un ja ja'ayaty tumabáktut ko mijts tu xykyexy. ²²Tats nmo'oy ja muj'ajtun di'ibats mij xymyooy es yu'ujuty nandu'un 'yíttut ti'igyu, éxtum udsajtam n'ijtam. ²³Uj n'ityuats ti'igyu mut yu'ujuty, es mij m'ity ti'igyu mut uj, es du'un kexy ka'pxy 'yíttut ti'igyu ja wyinma'añaty éxtum udsajtam n'ijtam, es du'un ja naxwíñudu ja'ayaty t'íxtut kots mij xykyejxy, es ko mij nandu'un xytsyoktu yu n'uxpújkpúty éxtumts uj mij xytsyeky.

²⁴Tatitu'unk, ndsejpyuats esu n'uxpújkpúts nájx 'yittu mats uj n'ita'añ es t'íxtut ja nmuj'ajtunats di'ibats mij xymyooy, mut ko tats mij xytsyeky extu ma kyajnumu naty ja naxwíñudu kyojy. ²⁵Tatitu'unk, mdiimpy ja tuj'ajtun. Kyaj m'ixy'átudu pánudyu naxwíñudu winma'añ ja'a'ajtudup. Per uj sitay n'ixy'ajtypyuats mij, es yu n'uxpújkpúts ñija'adup kots mij xykyejxy. ²⁶Tats n'awánudu éxtum mij ja mjot mwinma'añ, es nduk'ijxypyñamts, mut ko n'ita'añats mut yu'ujuty, es ja mdsojkun di'ibats mij xymyeepy 'yítut nandu'un mut yu'ujuty.

Jesús yajmátsy

18 ¹Ko tyaadu du'un ja Jesús jyunañ, net oj 'yawinnaxtu mut ja 'yuxpújkpúty ma ja lugaar di'ibu xyu'ajtypy Sedrón Nawok. Jap tu'ugu nugam ma 'yityu je'xykyépy. Jap ja Jesús tyujkudu mut ja 'yuxpújkpúty. ²Esu Juudus di'ibu naty kyuyakaampy yu Jesús, nan 'yixy'ajtypyu natyu tadu nugam, mut ko kanak oku naty tu ñaymyúkudu jap mut ja 'yuxpújkpúty ja Jesús. ³Netu Juudus jyajttu nugamóty muut ja maysyoldaaduty esu polusiiaty di'ibu kyajxtu ja teedywyindsúnuty esu fariseeuty. Es tmunujxtu lyampru, tsyinwaty, pujxn esu kepy. ⁴Es kom ja Jesús ñija'abu naty ti naty jatánup, ta tninujxtu es dyajtuuy di'ibu naty pajúdjittudup:

—¿Pún m'uxtaaydyup?

⁵Net ja'ajuty 'yadsoojudu:

—Yu Jesús nazarenu.

Jesús 'yadsooy:

—Ujtsu du'un.

Juudus di'ibu naty kayakánup, tapu naty mut ja di'ibudyu naty pajúdjittup ja Jesús. ⁶Es ko ja Jesús t'anmaaydyu: “Ujtsu du'un”,

net 'yuxtukawa'ktu es kyudaadu naxkujxy. ⁷Net ja Jesús jatugok dyajtuujumbijttu:

—¿Pún m'uxtaadyuup?

Net 'yadsoodu:

—Yu Jesús nazarenu.

⁸Jesús t'anmaadyu:

—Tuts mij n'anamudu ko ujtsu du'un. Pun ujts miits xy'uxtaadyuup, na'ixtu, wa'an tnejxtu tyadu nja'ayuts.

⁹Du'un jynán ja Jesús es yajkuyduúnat di'ibu yu'u ku'am junán: “Tatitu'unk, ni tu'uk tu kyatugoy di'ibuts mij xymyooy.”

¹⁰Net ja Simonk Peedru tju'ty ja 'yespaadu es tnibo'tu ja 'yaga'aandyátsk tu'uk di'ibu xyu'ajtypy Malku, tyuumbu ja teedywyindsungópk. ¹¹Esu Jesús t'anmaay ja Peedru:

—Pujta'ak jatugok yu m'esperadu ma xya'ity. Koonamts n'ayówut éxtum ja Dios Teety tu xytyuknibujtaagu es uj n'ayówudats.

Jesús, Anás wyindum

¹²Net ja soldaaduty es mut ja soldaadu windsungopk esu israelítuty ja pyolusiituty tmajtstu ja Jesús es dyajnejxtu kutsimy. ¹³Net jayujp dyajnejxtu ma yu Anasu tyujk. Yu Anás yu'u myu't'ajtypy ja Kaifás di'ibu ma tadu jumujt teedywyindsungopk'ajtp. ¹⁴Tyadu Kaifás yu'u naty tu t'ok'anmaabyudu ja israelítuty ko waanu oy es 'yoogut yu'uyu Jesús es kudii ko wyindugóyut ja israelítudyu ñax kyajpn.

Peedru t'uxtijy ja Jesús

¹⁵Simonk Peedru es jatu'uk ja uxpujkræ t'akpanujxtu ja Jesús. Yu 'yuxpujkræ ixu'ajtubu naty ja teedywyindsungópk. Paaty tyujku mut ja Jesús ma ja tyuja'a ja windsún. ¹⁶Per ja Peedru jap oj wye'emy kemy'agu'p. Paaty pyudseemy ja uxpujkræ di'ibu ixu'ajtubu naty ja teedywyindsungópk es oj t'anamu ja kemy'aa adunaabyu es tyúkut yu Peedru. ¹⁷Net ja kemy'aa adunaabyu dyajtuuy ja Peedru:

—¿Tii kyaj mij m'uxpujkræ'átyuty nandu'unu tadu ja'ay?

Peedru 'yadsooy:

—Kyaj 'yujtsuty.

¹⁸Es kom xujxpu naty, ja teedywyindsungópk tyuumbuty di'ibu jap es ja polusiituty tu natyu juun dyajmújuda, es tamu naty tanu xyamdu. Esu Peedru nan tapu naty muuduty ñayyajjokxrukudu ma ja juun.

Teedywyindsungópk dyajtúy dyajtuda'aky ja Jesús

¹⁹Ta ja teedywyindsungópk dyajtuudsondáktu ja Jesús:

—¿Púnuty m'uxpujkræ'ajtypy es ti danu tadu di'ibu mduk'uxpujktup?

²⁰Jesús t'adsooy:

—Ixnode'xyuts tu ngajxy mayjya'ayóty. Taayamts nduk'ixtu tsajptugóty es ma ja Jerusalengu myuj tsajptujk, ma ñaymyúkudu ja israelítuty. Kyajts ti tu ngajxy ayu'udsyu. ²¹¿Ti kots uj mij xyajtúy? Yajtáwdu di'ibu tu

g 18:15 Fwank yu neky jyaay es yu'u ku'am nay'andijup ko jynana'an jatu'uk ja uxpujkræ.

tmudowdu n'uxpukunuts, es yu'u m'awánudup tits uj tu ngajxy. Yu'ujuty yajxón tnijáwudu wi'ixuts tu nya'uxpeky.

²²Ko Jesús jyunaandaay du'un, net ja tsajptujk polusiituty tu'uk di'ibu naty jap twimbojtse'ky ja Jesús es t'anmaay:

—¿Ti ko du'un xy'adsoy yu teedywyindsungópk?

²³Jesús 'yadsooyu:

—Pun tats ngajxtugóy, tuk'ixtu wi'ix tsoodsu du'un tu ngajxtugóy. Es pun tuy'ajtunuts ngajxy, ¿ti kots mij xykyoxy?

²⁴Net ja Anás tkajxnajxy ja Jesús kutsimy ma ja Kaifás, teedywyindsungópk.

Peedru t'uxtijy myumajtsk ok ja Jesús

²⁵Ja Simonk Peedru ñayyajjokxpékyudyu naty ma ja juun, es 'yanmaayudu:

—¿Ti kyaj mij m'uxpukpu'átyudyu tyadu ja'ay?

Ta ja Peedru t'uxtijy, jyunañ:

—Kyaj 'yujtsuty.

²⁶Net jatugok yajtuuju ja teedywyindsungópk tuuumbu, pyamagu'ugu di'ibu Peedru naty tu ttatskpo'ttu'uty:

—¿Tii kyajts mij n'ijxy jap nugamóty mut yu'u?

²⁷Peedru t'uxtijy jatugok ja Jesús, es netyu ja tugaak 'yuuu.

Jesús, Pilatu wyindum

²⁸Net tmudso'ondu ja Jesús ma ja Kaifasu tyujk es tmunujxtu ma gobernadooru pyalasyu. Es kom xuuñdyáknubu naty, ja israelítuty kyaj tyujkudu ma ja palasyu, mut ko éxtum ja kyostúmbraty tmudattu, pun tujkup, kyaj mbaat 'ya'ux'aty ma ja pasku. ²⁹Paaty ja Pilatu pyadseemy es oj tmugajxtu:

—¿Wi'ix tsoo tyadu ja'ay xyñi'uunudu?

³⁰Net ja'ajuty 'yadsoodu:

—Kooxyup kyayu'ujuty tu'ugu axuk ja'ay, kyajxyupts mij tu ndukkadúkadu.

³¹Net ja Pilatu jyunañ:

—Yajnujxtu miidsuty, es payo'oydyu éxtum miits ja mgu'um ana'amun.

Ja israelítuty 'yadsoodu:

—Per uudsuty, israelítuty, kyajts nmudattu kutujkun es nya'ooktúdats pán.

³²Es du'un yajkuudyuun éxtum ja Jesusu naty tu jyuna'añ wi'ixu naty 'yooga'añ.

³³Pilatu tyujku jatugok ma ja palasyu es tmujwooy ja Jesús es dyajtuuy:

—¿Ti mijtsu du'un ja israelitu ryey?

³⁴Jesús 'yadsooy:

—¿Taadu mij myajtiipy mut ja mgu'um winma'añ, o mut ko wiinkpety tu mdukumadya'agudu?

³⁵Pilatu t'adsooy ja Jesús:

—¿Wa'andsu da uj n'israelítuty? Yu mja'ayuty es yu teedywyindsúnuty, ja'ats uj tu xytyukkadúkadu mij. ¿Ti mij tu xytyuundugóy?

³⁶Net ja Jesús t'adsooy:

—Kyajts ɛj nyajkutíky éxtum ja naxwíñudu ja'ay ja ryéyuty. Kooxyuɛts ɛj n'ok'yajkutíky ma tyadu naxwíñudu ja'ay, yu nja'ayudyats tuxuyɛp tsiyiptundu es kyajxyuɛts tu xymyatstu ja israelítuty. Per kyajts ɛj nréyuty éxtumu naxwíñudu ja'ayudyu ryey.

³⁷Net ja Pilatu 'yadsooy:

—Pes, ¿mijtsu du'un rey?

Jesús 'yadsooy:

—Ujtsu du'un rey, éxtum mij mjuna'añ. Paadyats tu nmiñ naxwiiñ esuts n'anuumut ja ja'ayuty di'ibu dun tuy'ajtun. Nidugekyu di'ibu tsoyoktɛp ja tuy'ajtun, myudoodɛp yu'ujuty di'ibuts ɛj ngajxypy.

³⁸Ta Pilatu 'yadsooy:

—¿Pún mbaat tnijawu di'ibu dun tuy'ajtun?

Jesús ñiduku es 'yoogut

Ko Pilatu dyajtuudaayy tyaadu, ta pyudseemy jatugok es oj tmugajxy ja israelítuty, es t'anmaay:

—Uj kyajts ti pyojpu nbatu tyadu ja'ay. ³⁹Per du'unñam jaayam yajtúñ tu'uk tu'ugu pasku xuu yajnasma'tsu tu'ugu tsimyja'ay di'ibu miits mjunanáɛp. ¿Pes mdsoktɛp es nnasmátsuduts ja mrey?

⁴⁰Net jatugok yaxkaktu:

—¡Taadu kyaj! ¡Nasmatsa Barrabás!

Yu tyadu Barrabás yu'u naty tu tnibude'eky ja yajkutujkpu.

19 ¹Net ja Pilatu tni'ana'amɛ es ja Jesús yajwóɛt. ²Ja soldaaduty txugajtu ja apyñ éxtum tu'ugu koronu es trujtákuɛ kyubajkkujxm es ttukpujtáktu tu'ugu tsu'un'k wit. ³Ta tmawingoonda es t'anuumudu:

—¡Muj kujxm mij israelítudyu ryey!

Es ta twimbojtsu'ktu.

⁴Pilatu pyudseemy jatugok es t'anmaaydyu ja israelítuty:

—¡Ok'ixtu! Tyaats nyajpudsémy yaa es xy'ixtut ko kyajts ni ti pyojpu ngapatu.

⁵Ta Jesús pyudseemy mut ja 'yapyñgyoronu ma ja kyubajk es mut ja tsu'un'k wit. Net ja Pilatu t'anmaaydyu ja israelítuty:

—¡Tyaá net ja tyadu yedyujk!

⁶Ko t'ijxtu ja teedywyindsúnuty es ja polusiinty, ta yaxkaktu:

—¡Yajkruuzpát! ¡Yajkruuzpát!

Pilatu jyunáñ:

—Pes yajnujxtu miidsuty, mut ko ɛj kyajts nbatu pyekyu tyadu yedyujk.

⁷Es ja israelítuty t'adsooda ja Pilatu:

—Udsuty nmudajttɛpts tu'ugu ana'amun es 'yoogut éxtumu tyaadu, mut ko ñaybyujta'agyuty Diosu 'yU'un'k.

⁸Ko tyaadu Pilatu tmudooy, net tsyu'ku ni'igu. ⁹Ta tuyjku jatugok ma ja palasyu es dyajtuuy ja Jesús:

—¿Ma mij mdsoon?

Peru Jesús kyaj 'yadsoojambijtu ni wi'ix.

¹⁰Net ja Pilatu jyunáñ:

—¿Uj mij kyajts xy'adsowa'añ? ¿Kyaj xyñijawu ko uj nmudajtypyats ja kutujkən es nyajkruuzpátut, es nan nmudajtypyats yu kutujkən es nnasmátsut?

¹¹Jesús 'yadsooy:

—Ni ti kutujkənxyur mij xkyamudaty mut uj kooxyur ja Dios tu mgamo'oyuty. Paaty di'ibuts uj tu xkyuyaky ma mij, yu'u ni'igu myudajtypy ja peky es kudiinum mij.

¹²Net ja Pilatu tja'uxtaay ja winma'añ es tnasmatsuyáñ ja Jesús, per ja israelítuty myuyaxkákudu:

—¡Pən nnasmajtsur, kyaj muut mnaymyáyuty yu yajkutujkru kopk! ¡Oytyim pánuty di'ibu naybyajtákur éxtum rey, yu'u ja yajkutujkru kopku myúdsip!

¹³Net ja Pilatu, ko tmudooyu tyaadu, tni'ana'amu es pyúdsúmut ja Jesús. Ta Pilatu nandu'un pyúdsemy es ñaxwe'tsy ma yajkutíky, ma ja lugaar di'ibu ja ebreeu tyukxu'ajtu Gabata, es 'yayukwimbúdsemy Tsaa Winwaabú. ¹⁴Es éxtum kijkyxyu ma ja pasku xu, net ja Pilatu t'anmaaydyu ja israelítuty:

—¡Tyaa net ja mrey!

¹⁵Per ja'ajuty 'yadsoodu muk:

—¡Wa'an t'eekey! ¡Wa'an t'eekey! ¡Yajkruuzpát!

Ta Pilatu jyúnáñ:

—¿Tii újts nyajkruuzpátur ja mrey?

Per ja teedywyindsúnuty 'yadsoodu muk:

—Uúdsuty kyajts nmudattu wiinkru rey, yu'uyu du'unu yajkutujkru kopk.

¹⁶Es mudu tyaadu Pilatu ttukkudújkudu ja israelítuty es ja Jesús kyruuzpátut. Net ja soldaaduty oj myunújxudu.

Jesús kyruuzpéty

¹⁷Ta Jesús pyúdsemy mut ja kyruuz es ñejxy ma ja lugaar di'ibu xyu'ajtypy Kalaveeru, di'ibu ebreeu ja'ayuty tyukxu'ajttur Gólgota. ¹⁸Jap dyajkruuzpajttu mut nimajtsku wiingátypyu ja'ay, tu'uk anajñdsyoo es jatu'uk aga'añdsyoo es ja Jesús kujk'ám. ¹⁹Pilatu tni'ana'amu tu'ugu jaaybyajtun yajkuxja'ayut Jesús kyubajky di'ibu junaamp: “Jesús nazarenu, yu israelítudyu ryey.”

²⁰May ja israelítuty t'ijxtu ja jaaybyajtun es tkajxtu, ja'a ko myúwingón ja Jerusalengu tadu lugaar ma dyajkruuzpajttu Jesús, es ja jaaybyajtun kanak naxu naty tu tkuxja'aydyu, du'un ja ebreeu, grieegeu esu latín. ²¹Paaty ja teedywyindsúnuty t'anmaaydyu Pilatu:

—Katu xkyuxja'ay israelítudyu ryey. Kuxja'ay tugatsy. Pujta'ak ko jyúnáñ ko yu'u israelítudyu ryey.

²²Per ja Pilatu t'adsoodu:

—Di'ibuts tu nguxja'ay, du'un wyu'umut.

²³Ko ja soldaadutújkuty dyajkruuzpajttaaydyu ja Jesús, ta ja wyit dyajwa'xudu taxk peky kujktu'uk. Per ja kyaru kyaj xyuymyíkyuty, du'úñu je'eyu ti'igyu kyojyuty. ²⁴Ja soldaaduty ñayjyúnánudu:

—Kyaj ngu'tswa'xum yu tyadu wit. Nik net n'oktu'unum tu'ugu rifu es pún myudajtypy ja swertu, yu'u yajnujxur.

Tyaadu du'un tyuun jyajtu es yajkuydyúnat ja Diosu jyaabyajtun ma jyuna'añ: “Dyajwa'xtuts ja nwit ma ja'ajaty, es trifutundu mut ja ngáputs.” Es du'un ttuundu ja soldaadaty.

²⁵Ma ja Jesusu kyruuz tamu naty ja tyaagu'unk, ja tyaagu'ungu myuga'ax, Mariiu ja ñudo'oxu Kleofas, esu Mariiu Magdalenu. ²⁶Ko Jesús t'ijxy ja tyaagu'unk tyanu mut ja 'yuxpukpu di'ibu Jesús ni'igu tsoyjk^h, net ja Jesús t'anmaay ja tyaagu'unk:

—Nanitu'unk, tya net ja mmaank.

²⁷Net t'anmaay ja 'yuxpukpu:

—Ta net ja mdaagu'unk.

Net ja 'yuxpukpu t'axaju ma ja tyujk.

Jesús 'yeeky

²⁸Ko natyu tyaadu du'un tu tyuñ tu jyátyuty, Jesús ñija'abu naty ko tugekyu tu yajkuydyún, es tkuydyúnat éxtam ja Diosu jyaabyajtun, ta jyunañ:

—Tútsupts.

²⁹Japu naty tuk jarru xun vinu. Net dyajxo'ktu tu'uk yuunkpnaanu es tpujtáktu ma tu'ugu mats jupu'unk es ttuk'adíjuda. ³⁰Jesús tmi'ky ja xun vinu. Net jyunañ:

—Tu net tugekyu yajkuydyuunda'ay.

Net wyindaknu es oj 'yo'knu.

Tu'ugu soldaadu tkaatsymyugúmu Jesús

³¹Pyátubu naty ja pasku xuu, es ja israelítuty kyaj ttsoktu es ja ñini'xuty wu'amut kruuzkujxy ma ja po'xunxuu, ja'a ko nugoo 'yokmujxu'ajnu. Paaty mudu tyaadu t'anmaaydu ja Pilatu es tni'ana'amut es najx yajtekytyujtu di'ibu jam kruuzkujxy es pojun 'yooktat es dyajjanáktu ja ñini'x kruuzkujxy.

³²Net ja soldaadutujkuty oj ñujtu es ttájuda ja tyeky ja nimajtkpu di'ibu Jesusu naty maut 'yity kruuzkujxy. ³³Per ko twinguwa'kudu ja Jesús, ta t'ijxtu ko tu naty 'yo'knu. Paaty kyaj oj ttájuda ja tyeky. ³⁴Es oy tja'ijxtu du'un, tu'ugu soldaadu ja lyanzu tukkaatsymyugúmu ja Jesús. Ta ja ñe'pyñ pyudseemy es nandu'un pyudseemy éxtam jyawu nuu.

³⁵Tuts uj yu'u n'ixy, es tya'ajtants njuna'añ es uj ñija'abuts ko tya'ajtun di'ibuts ngajxy py es nguxja'ayuts es miidsuty nandu'un xymyubáktut.

³⁶Tyaadu du'un tyuun jyajtu es yajkuydyúnat éxtam ja Diosu jyaabyajtun jyuna'añ: “Kyaj ttájuda ni tu'ugu pyajk.” ³⁷Es jatuk pekyu jaabyajtun jyuna'añ: “'Yíxtur ja di'ibu lanzu tukkaatsymyugúmu.”

Jesús ñaxtuku

³⁸Ko tyaadu du'un jyajtu, Josee di'ibu kugajpn'ajtp Arimateeu es pyanejxy py ja Jesús, oy ayu'udsyu mut ko ttsu'ugu ja teedywyindsúnuty,

h 19:26 Fwank yu neky jyaay es yu'u ku'am nay'andíjup ko jyuna'añ ja 'yuxpukpu di'ibu Jesús ni'igu tsoyjk.

ta yu'u t'amdooy ja kutujkən mə Pilatu es dyajnujxa'añ ja Jesusu ñini'x. Pilatu dyajky ja kutujkən. Ta Josee tmənejxy ja Jesusu ñini'x. ³⁹Nandu'unu Nikodemu di'ibu tənuyər oj tməgajxy ja Jesús koots, tmənejxy i'px majk kilu ja pə'ak xu'krə di'ibu ya'o'oyudəp mudu mirru kepy esu alwes aay. ⁴⁰Es du'un ja Josee es ja Nikodemu t'axájudu ja Jesusu ñini'x. Ta ttuknipjttə tu'ugu mantu wit mut ja pə'ak xu'krə, éxtəm ja israelítuty jaayəm ttundu ko dyajnaxtúkudu o'kruty.

⁴¹Mə tadu lugaar mə dyajkruuzpajttə Jesús, japu naty wingón tu'ugu nəgam, es mə tadu nəgam japu naty tu'ugu o'krə jut jembyə mə kyajnum pún o'krə ñaxtuku. ⁴²Jap tpujtáktə ja Jesusu ñini'x, mut ko tadu o'krə jut wingonə naty es mut ko tsyonda'agánubu naty ja israelítuty ja myuj xuu.

Jesús jyikypyeky

20 ¹Domingu, ni nganay'uxkajpəmnum, Mariiu Magdalenu oj ñejxy mə naty tu ñaxtuku Jesús. Es ko jyajty jam, net t'ijxy ko ja tsaa di'ibu naty 'yagu'uy'ajtypy ja jut, kyaj ñakydu'unuty éxtəm yajpujtáky. ²Net jyambijty pəye'egyə es oj ñejxy mə Simonk Peedru es ja uxpujkrə di'ibu Jesús ni'igu jyantsysojki, es t'anmaaydyə:

—¿Tə dyajpudsámdu ja Nindsun'ajttəm ja ñini'x es kyaj nnija'am maə dun tə tpujtá'aktə!

³Net ja Peedru es jatu'uk ja uxpujkrə tso'ondə es oj ñajxtu mə ja jut aa. ⁴Nimajtsk tso'ondə pəye'egyə, per jatu'uk ja uxpujkrə waanə muk pyəye'eky kudiinum ja Peedru es ja'a jawyiin jajt. ⁵Ta kyu'ijxu jap jutoty, es t'ijxy ja wit di'ibu ja Jesús tə naty yajtuk'abíty, per kyaj tyujku. ⁶Oknumu Simonk Peedru pyajjttə, es ja'a tujku jap jutoty es t'ijxy ja wit, ⁷es nan 'yijx ko ja payu di'ibu yajtukkupijj ja Jesús ja kyubajk, kyaj naty ti'igyə 'yity mut ja di'ibu yajtuk'abijj ja Jesusu ñini'x. ⁸Net jatu'uk ja uxpujkrə di'ibu jajt jawyiin mə jut, nandu'un tyujku jap jutoty es t'ijxy éxtəmə naty tə jyátyuty. Ta tməbejky ko Jesusu naty tə jyikypyeky. ⁹Pes kyajnumu naty tjaygyúkudu éxtəm ja Diosu jyaabyajttən jyuna'añ ko yu'u jikypyukaamp jatugok. ¹⁰Netu tadu 'yuxpujkruty ñajxnudu mə ja tyujk.

Jesús ñaydyuk'íxyuty ja Mariiu Magdalenu

¹¹Per ja Mariiu ko jyajty jatugok, net wye'emy jap jut agu'p jy'u'uy. Jiibyə naty ko kyu'ijxu jap jutoty. ¹²Ta t'ijxy majtsku anklus, ak poobə wyit, 'yu'uñudu mə naty ja Jesusu ñini'x tə yajpujta'aky. Tu'ugu naty 'yu'uñu kyubajky ja Jesús es jatu'uk tyeky ux'am.

¹³Net ja Mariiu yajttəjudu ja anklus:

—¿Ti ko mj'u'uy?

Ta Mariiu 'yadsooy:

—Mut ko tə dyajnujxtu ja nWindsúnudsu ñini'x, es kyajts nnijawu mə tə tpujtá'aktə.

¹⁴Je'eyunnumu naty du'un jyuna'añ ko 'yijxambijty. Net t'ijxy ja Jesús, per ja'a kyaj tniyawu pən ja'a du'un ja Jesús, ¹⁵ja'a dun ttijy ja nəgam'ijxpu.

i 20:2 Fwank yu neky jyaay es yu'u ku'am nay'andjup ko jyuna'añ ja uxpujkrə di'ibu Jesús ni'igu jyantsysojki.

Net ja Jesús yajtəəjə:

—¿Ti ko mju'əy? ¿Pán m'əxtaapy?

Ja Mariiə 'yadsooy:

—Windsún, pən mij tə xymənejsy ja o'krə ñini'x, anmaagyuts mə tə xuryəjta'aky esəts əj nyajnujxət.

¹⁶Net ja Jesús t'anmaəy:

—¡Mariiə!

Ja Mariiə wya'kəmbijty es t'anmaəy mət ja ebreə əyuk:

—¡Raboni (di'ibə əyuk wimbədsəmp Ya'əxpəjkpə)!

¹⁷Net ja Jesús t'anmaəy ja Mariiə:

—Nasmajtsəgəts, ja'a ko kyajnumts nbatəkə mədsə nDeedyən. Per nəjx ənəmədə nməgu'ugəty ko əj patəjkənəpts mədsə nDeety di'ibə miidsəty nandə'ən mDeety'ajttəp, əjtsə nDios es miidsəty ja mDios.

¹⁸Net ja Mariiə Magdalənə oj ñejsy mə ja Jesusə 'yəxpəjkpəty es t'awə'anədə ko tə t'ixy ja Jesús es ko yə'ə naty tə 'yanə'əmxədyə də'ən.

Di'ibə Jesús tyuknipejkyry ja 'yəxpəjkpəty

¹⁹Nan ja xəə domingə koots, ja əxpəjkpəty tə naty ñəymyujktə'əyədə ni'agəjy təgoty mət ko ttsə'əgədə teedywyindsúnəty. Netə Jesús tyəjkə es ñəybyəjtəkə kujk'ám. Ta kyəjxpə'xədə es 'yanməəyədə:

—Jotkujk'áttə miidsəty.

²⁰Ko Jesusə də'ən jyənəəndəəy, net ttuk'ijxtə ja kyə'ə mə tə tyəkə ja kləəvəs es ja kyaətsy mə tə yajtukkímy ja lanzə. Es ja 'yəxpəjkpəty jyətsxyondəktə ko t'ixtə ja Nindsən'ajttəm.

²¹Netə Jesús jyənán jatəgok:

—Jotkujk'áttə miidsəty. Əj ngəjxtəpts miidsəty, də'ən éxtəmts əj ja nDeedyəts xykyejxy.

²²Net tnapixə poju'unə mə ja 'yəxpəjkpəty, es t'anməəydyə:

—Axájədə ja Espírítə Santə. ²³Pán mbojpmə'xtəp, me'xy wyə'əmət; es pán kyəj mbojpmə'xtə, nan kyəj me'xy wyə'əmət.

Tomás t'ixy ja Nindsən'ajttəm ko tə jyikyryeky

²⁴Esə Tomás, tu'ugə Jesusə 'yəxpəjkpə di'ibə tyəjttəp Xeeñu'unə, kyəjə naty jap ko myiín yə Jesús. ²⁵Net ja myəgu'ugəty 'yanməəyədə:

—Təts n'ixtə ja Nindsən'ajttəm.

Per ja Tomás 'yadsooy:

—Pən kyəjts n'ixy ja kyə'ə mə tə tsyayuty mə ja kləəvəs tə tyəkə, es ngudíjədsə ngəwə'xpy mə ja kləəvəs tə tyəkə, es ngudíjədsə ngəwə'xpy mə ja kyaətsy tə tsyayuty, kyəjts nməbəkət.

²⁶Kyumduktəjk xəbə naty ñəymyúkədə ja əxpəjkpəty jatəgok. Təpə naty ja Tomás. Oyə naty 'yagəjyuty ja təjk, Jesús təjkə es ñəybyəjtəkə kujk'əəy es tkəjxpe'xy ja 'yəxpəjkpəty, oj t'ənəmədə:

—Jotkujk'áttə miidsəty.

²⁷Netə Tomás t'anməəy:

—Tomás, kudija mguwa'xypy madsu ngu'u tsyayujty mut ja klaavus, es pujta'ak ja mgu'u ma tsyayujty ja ngaadsyats mut ja lanza. ¡Kyaj xykyamubúkat, mabuk!

²⁸Net ja Tomás 'yadsooy:

—Windsún, mij nDios'ajtypy.

²⁹Jesús 'yadsooja:

—Tomás, mmabejkyty tyam mut ko tats mij xy'ixy. Kuni'xy di'ibuts xymyubúktap óyudsu naty xykya'ixtu.

Ti ko Fwank tja'ay yu neky

³⁰Ni'igu may ja ijsxw'u'mun di'ibu myudajtypy ja muj'ajtun di'ibu Jesús tyuun 'yuxpújkputujk wyinduuyaty di'ibuts kyaj ngaxjaay ma tyadu neky.

³¹Peru tyaadudsu du'un tu ngaxja'ay yaa es miits xymyubúktat ko yu Jesús yu'u du'un ja Kristu, Diosu 'yU'unk, es ko xymyubúktat, mmudáttap ja jiky'ajtun winu xuu winu tiempo.

Jesús ñayyajku'egyaty ma nijxtujkpu 'yuxpújkpu

21 ¹Oknam kyaxe'ky ja Jesús jatugok ma 'yuxpújkputy ma ja Tibeeryus Myejyñbya'a, Galileu it. Es du'un ya'ijxy: ²Tukmuku naty jam ja Simonk Peedru esu Tomás di'ibu tyijtup Xeeñu'unk, Natanael di'ibu kugajpn Kanaa, Galileu ñaaxóty, ja 'yuna'kuty ja Zebedeu es janimaitskpu wiinkpu 'yuxpújkpu Jesús. ³Simonk Peedru t'anmaayduy yu'ujaty:

—Nejts n'ok'ajkxmátsy.

Ta 'yadsoodu:

—Nujxándupts uudsaty nandu'un mut mij.

Ta ñajxtu ma tu'ugu barku. Es tu'ugu tsu'um ñajxy, kyaj ni tu'uk tkamajstú ja ajkx. ⁴Xuñdyáknuba naty ko Jesús kyaxe'ky mejyñbyu'aay, per ja 'yuxpújkputy kyaj tñijáwudu pún ja'a dun ja Jesús. ⁵Net ja Jesús dyajtuudu:

—Mugu'ugaty, ¿tu xymyatstu oynu'unun?

Es ja'ajaty 'yadsoodu:

—Ni nu'un.

⁶Net ja Jesús t'anmaayduy:

—Kujabípuđu ja m'ajkxmajtsn aga'añdsyoo ma yu barku, es m'ajkxmátstut.

Ta tkujabijpuđu, es óknam kyaj mbaat t'okju'tnuđu ja 'yajkxmajtsn jap nujoty, mut ko mayu naty ja ajkx tu tyaku. ⁷Net ja uxpujkpu di'ibu Jesús jyantsytsyejpy, t'anmaay ja Peedru:

—¡Ja'a tyaadu ja Nindsun'ajtam!

Ko tmudoodaay ja Simonk Peedru ko jya'ajuty ja Nindsun'ajtam, ta jatugok ttuktujku ja ñikujxyudu wit di'ibu naty tu tjeñ. Ta kyupujpnajxy nujoty es ñejxy mejyñbyu'am ma ja Jesusu naty. ⁸Es ja myugu'ugaty jyajtu mejyñbyu'am mut ja byarku es mudu 'yajkxmajtsn tpawits tpajudottu, mut

j 21:7 Fwank yu neky jyaay es yu'u ku'am nay'andijup ko jyuna'añ ja uxpujkpu di'ibu Jesús jyantsytsyejpy.

ko ujtsu naty müt ja ajkx. Wingonu naty ma ja 'yajxmatsta éxtum mugo'px metræn. ⁹Ko wyindu'utspudsuumdu, net tprattu jüunu'unk di'ibu ja Jesús tü dyajmäju naty es tsaay tu'ugu ajkx, es tama naty nandu'unu tsajkaaky.

¹⁰Net ja Jesús t'anmaaydyu:

—Yajmíndu majtsk tuguugu m'ajkx di'ibu tü xymyatsta.

¹¹Simonk Peedru tyujku barkoty es dyajnejxy extu pu'ujótm ja 'yajxmajtsn ujts müt ja mäj ajkx mugo'px jajustyikxymyajk tuguuk. Oyu naty jyantsymyáyuty, ja 'yajxmajtsn kyaj kyu'tsy.

¹²Net ja Jesús t'anmaaydyu ja 'yuxpajkruty:

—Min m'armusal'attu.

Es ni pán tka'anmaaydyu: “¿Mbánu dún mij?”, müt ko ñija'adubu naty ko ja'a ja Nindsun'ajtäm.

¹³Netu Jesús myujwa'ky es tkone'ky ja tsajkaaky es tmooydyu ja 'yuxpajkruty. Es nandu'un ttuun müt ja ajkx.

¹⁴Ja'a tyáadu ja myuduguk ok nibudu'uk ma tpaattu ja 'yuxpajkruty ko naty tü jyikypeky ma 'ye'ky.

Jesús mudu Peedru ñaygyajxudu

¹⁵Ko 'yarmusal'ajttaaydyu, net ja Jesús dyajtüü ja Simonk Peedru:

—Simonk, Jonasu myaank, ¿xytsyojkruts ni'igu es kudiinum yu mmu'uxpajkruty?

Peedru 'yadsooy:

—Windsún, mij mnija'ap kots uj mij ndseky.

Ta Jesús jyunán:

—Extäm ja borreegu kwentu'ajtpu dyajje'xy ja byorreegu'unguty, nandu'un mij awánudu ja'ayuty ja n'uxpajkunuts.

¹⁶Dyajtüümbijty ja myumajtsk ok ja Jesús:

—Simonk, Jonasu myaank, ¿xytsyojkruts mij?

Peedru 'yadsooy:

—Mij mnija'ap kots uj mij ndseky.

Ta Jesús 'yadsooy:

—Extäm ja borreegu kwentu'ajtpu dyajje'xy ja byorreegu'unguty, nandu'un mij awánudu ja'ayuty ja n'uxpajkunuts.

¹⁷Myuduguk ok jyunán ja Jesús:

—Simonk, Jonasu myaank, ¿xytsyojkruts mij?

Peedru jyotmaydyuktujku müt ko yajtüüju tuguk ok pán tseyjpy ja Jesús, es t'anmaay:

—Windsún, mij mnija'ap tugekyu. Mnija'ap kots uj mij ndseky.

Jesús 'yadsooy:

—Extäm ja borreegu kwentu'ajtpu dyajje'xy ja byorreegu'unguty, nandu'un mij awánudu ja'ayuty ja n'uxpajkunuts. ¹⁸Jantsy tü'ajtunuts mij n'anuumu ko ijty m'uná'k'áty, mduktujkup ijty ja mwit es mnejxy ma mij xytsyeyky. Es óknüm ko mij mmujja'ayut, mxajwa'xap es wiinkpu mwit mdukrjta'agudup, es mmunujxudut ma mij kyaj xytsyeyky mnijxa'añ.

¹⁹Es mudu tyáadu Jesús ttuknijawu wi'ix 'yoogán ja Peedru es ja Dios tmuj'ixut. Net 'yanmaayü:

—Pamiinguts.

Fwank, ja uxpujkræ di'ibu Jesús ni'igu tseyjpy

²⁰Ko Peedru 'yijxumbijty, net t'ijxy pyanejxyaty ja uxpujkræ di'ibu Jesús jyantsytsyojk', di'ibu naty nandæ'un ma 'ya'ux'aty pyæ'am ja Jesús, di'ibu yajttæjy: “Windsún, ¿púnu dænu tadu di'ibu mgæyakánur?” ²¹Ko Peedru t'ijxy, net dyajttæy ja Jesús:

—Windsún, esu tyaadu, ¿ti jatánur?

²²Jesús 'yadsoojy:

—Pæn æjts ndsejpy es jyiky'átut extæ kots æj njumbítut, ¿ti mij xykywéntuty? Pamiinguts mij.

²³Net ja myæ'uxpujkræty ñayjyúnánudu ko yæ uxpujkræ kyaj 'yooga'añ. Peræ Jesús kyaj dæ'un jyúnáñ, di'ibu sitæy junán: “Pæn æjtsats ndsejpy esu tyaadu jyiky'átut extæ kots æj njumbítut, ¿ti mij xykywéntuty?”

²⁴Æj tats nmudoy es tats n'ixy tugekyæ tyaadu, es tugekyæ di'ibuts æj tu ngæxja'ay, ja'a dæ'un tæy'ajtæn.

²⁵May ja wiinkræ di'ibu Jesús tyuun. Kooxyæp yajkæxjaaydyaay nidu'uk nidu'uk tugekyæ di'ibu Jesús tyuun, kyajæ da ñibaadut ja naxwíñudu mut ja mayñeky.

k 21:20 Fwank yæ neky jyaay es yæ'u ku'am nay'andjup ko jyuna'añ ja uxpujkræ di'ibu Jesús jyantsytsyojk.